

1 Iphe, ndu eze meru 1:1    1    1 Iphe, ndu eze meru 1:15

Ekwo  
Iphe, ndu eze meru  
ke mbu

*Ndu a nwuru e -shi l'ogbo Adamu*  
jasu l'ogbo ke Ebirhamu

(Mbu 5:1-32; 10:1-32; 11:10-26)

<sup>1</sup> Adamu bu nna Setu; Setu buru nna Enoshi; <sup>2</sup> Enoshi buru nna Kénanu; Kénanu buru nna Mahalalélu; Mahalalélu buru nna Jiaredi; <sup>3</sup> Jieredi buru nna Inoku; Inoku buru nna Metusela; Metusela buru nna Lameku; <sup>4</sup> Lameku buru nna Nuwa. Unwu Nuwa bu Shemu; Hamu; waa Jiafeti.

<sup>5</sup> Unwu Jiafeti bu Goma; me Magogu; me Madayi; me Jiavanu; me Tubalu; me Mesheku; me Tirasu.

<sup>6</sup> Unwu Goma bu Ashikenazu; me Difatu; me Togarama.

<sup>7</sup> Unwu Jiavanu bu Elisha; me Tashishi; me Kitimu; me Rodaniyimu.

<sup>8</sup> Unwu Hamu bu Kushi; me Ijiputu; me Putu; me Kénanu. <sup>9</sup> Unwu Kushi bu Seba; me Havila; me Sabuta; me Rama; me Sabuteka. Unwu Rama buru Sheba waa Dedanu. <sup>10</sup> Kushi bu nna Nimurodu. Nimurodu ono mechaaru buru onye ojogu, okpehu du l'eliphe.

<sup>11</sup> Ijiputu bu nna ndu Ludu; me ndu Anamu; me ndu Lehabu; me ndu Nafutuhu; <sup>12</sup> me ndu Paturosu; me ndu Kasuluhu. Kasuluhu bu aka ndu Filisitayinu shi futa. Mizuremu bukwarupho nna ndu Kafuto. <sup>13</sup> Kénanu bu nna Sayidonu. Sayidonu bu okpara iya. Kénanu bukwarupho nna Hetu; <sup>14</sup> me ndu Jiebusu; me ndu Amoru; me ndu Gigashi; <sup>15</sup> me ndu Hevu; me ndu Aku;

mẹ ndu Sini; <sup>16</sup> mẹ ndu Avadu; mẹ ndu Zamaru; mẹ ndu Hamatu. <sup>17</sup> Ụnwu Shemu bụ Ẹlamu; mẹ Ashuru; mẹ Afakusadu; mẹ Ludu; mẹ Arámu; mẹ Uzu; mẹ Hulu; mẹ Geta; mẹ Mësheku. <sup>18</sup> Afakusadu bụ nna Shela; Shela bụru nna Eba. <sup>19</sup> Eba nwụtaru unwoke labọ. Ẹpha onye lanụ bụ Pẹlegu. Noo kele a nwuru iya teke ndiphe kekashiru onwophẹ ekekashị. Ẹpha nwune iya nwoke bụru Jiokutanu. <sup>20</sup> Jiokutanu bụ nna Alumodadu; mẹ Shelefu; mẹ Hazamaveti; mẹ Jiera; <sup>21</sup> mẹkwapho Hadoramu; mẹ Uzalụ; mẹ Dikila; <sup>22</sup> mẹ Ebalu; mẹ Abimelu; mẹ Sheba; <sup>23</sup> mẹ Ofi; mẹ Havila; mẹfua Jiobabu. Ẹphe tukuru bụkotaru ụnwu Jiokutanu.

<sup>24</sup> Shemu bụ nna Afakusadu; Afakusadu bụru nna Shela; <sup>25</sup> Shela bụru nna Eba; Eba bụru nna Pẹlegu; Pẹlegu bụru nna Rewu. <sup>26</sup> Rewu bụru nna Sérugu; Sérugu bụru nna Nahọ; Nahọ bụru nna Tera. <sup>27</sup> Tera bụru nna Ebiramu, bụ iya bụ Ẹbirhamu.

### *Eri Ishimelu*

(Mbụ 25:12-16)

<sup>28</sup> Ụnwu Ẹbirhamu bụ Áyizaku waa Ishimelu. <sup>29</sup> Waa eri phẹ baa; Nebayotu bụ ọkpara Ishimelu. Ndu ọzo bụ Keda; mẹ Adubelu; mẹ Mibusamu; <sup>30</sup> mẹ Mishima; mẹ Duma; mẹ Masa; mẹ Hadadu; mẹ Tema; <sup>31</sup> mẹ Jieturu; mẹ Nafishi; mẹ Kedema. Ẹphe bụkota ụnwu Ishimelu g'ẹphe ha.

<sup>32</sup> Nwanyị, Ẹbirhamu ta lụdu ọkpobe alulu, ẹpha iya bụ Ketura bẹ nwụtaru iya Zimuranu; mẹ Jiokushanu; mẹ Medanu; mẹ Midiyanu; mẹ Ishibaku; mẹ Shuwa. Ụnwu Jiokushanu bụ Sheba; mẹ Dedanu. <sup>33</sup> Ụnwu Midiyanu bụru Ifa; mẹ Ife; mẹ Hanoku; mẹ Abida; mẹ Eludaa. Ndu ono g'ẹphe ha bụkota ụnwu Ketura.

1 Iphe, ndu eze meru 1:34    3    1 Iphe, ndu eze meru 1:46

*Eri Iso*

*(Mbụ 36:1-19)*

<sup>34</sup> Ébirihamu bụ nna Áyizaku. Ụnwu Áyizaku bụ Iso waa Ízurẹlu. <sup>35</sup> Ụnwu Iso bụ Elifazu; mẹ Ruwẹlu; mẹ Jieyushi; mẹ Jielamu; mẹ Kora. <sup>36</sup> Ụnwu Elifazu bụ Temanu; mẹ Omaru; mẹ Zefi; mẹ Getamu; mẹ Kenazu; mẹ Timuna; waa Amaleku. <sup>37</sup> Ụnwu Ruwẹlu bụ Nehatu; mẹ Zera; mẹ Shama; mẹ Miza.

*Ndu ivuzo*, buru l'alị Edọmu

*(Mbụ 36:1-19)*

<sup>38</sup> Ụnwu Siye bụ Lotanu; mẹ Shobalu; mẹ Zibiyọnu; mẹ Ana; mẹ Dishọnu; mẹ Eza; mẹ Dishanu.

<sup>39</sup> Ụnwu Lotanu bụ Hori; mẹ Homamu. Timuna bụ nwune Lotanu kẹ nwanị.

<sup>40</sup> Ụnwu Shobalu bụ Alayanu; mẹ Manahatu; mẹ Ebalu; mẹ Shefi; mẹ Onamu.

Ụnwu Zibiyọnu bụ Aya; mẹ Ana. <sup>41</sup> Nwa, Ana nwụtaru bụ Dishọnu.

Ụnwu kẹ Dishọnu bụ Hamụranu; mẹ Eshubanu; mẹ Ituranu; mẹ Keranu.

<sup>42</sup> Ụnwu Eza bụ Bilihanu; mẹ Zevanu; mẹ Jiakanu.

Ụnwu Dishanu bụ Uzu; mẹ Aranu.

*Ndu eze ndu Edọmu*

*(Mbụ 36:31-43)*

<sup>43</sup> Waa ndu eze, nọadaru l'aba-eze l'alị Edọmu; tẹmekpooro ndu Ízurẹlu bebe nweru eze baa:

Bela; nwa Beyo. Epha mkpụkpu iya bụ Dinuhaba.

<sup>44</sup> Bela nwùhuepho; Jiobabu nwa Zera kẹ mkpụkpu Bọzura bụru eze nọchia ẹnya iya.

<sup>45</sup> Jiobabu nwùhuepho; Hushamu, bụ onye alị Temanu bụru eze nọchia ẹnya iya.

<sup>46</sup> Hushamu bya anwùhu; Hadadu nwa Bedadu bụru eze nọchia ẹnya iya. Oo yẹbedua bẹ lwụ-kperu ndu

1 Iphe, ndu eze meru 1:47    4    1 Iphe, ndu eze meru 2:6

Midiyanu l'alì ndu Mówabu. Epha mkpụkpu iya bụ Avitu.

<sup>47</sup> Hadadu nwùhuepho; Samụla, bụ onye mkpụkpu Masureka bụru eze nọchia ẹnnya iya.

<sup>48</sup> Samụla nwùhuepho; Shawulu, bụ onye mkpụkpu Rehobotu, nọ lẹ mgboru ẹnnyimu Yufurétisu bụru eze nọchia ẹnnya iya.

<sup>49</sup> Shawulu nwùhuepho; Belu-Hananu nwa Akụbo bụru eze nọchia ẹnnya iya.

<sup>50</sup> Belu-Hananu nwùhuepho; Hadadu bụru eze nọchia ẹnnya iya. Epha mkpụkpu iya bụ Payi. Epha nyee ya bụru Mehetabelu; nwada Maturedi. Maturedi bụ nwada Mezahabu.

<sup>51</sup> Hadadu bya anwùhu.

Ndu ọwa-a bụru ndu-ishi ndu Edọmu: Timuna; mę Aluva; mę Jietetu; <sup>52</sup> mę Oholibama; mę Ela; mę Pinonu; <sup>53</sup> mę Kenazu; mę Temanu; mę Mibuza; <sup>54</sup> mę Magudelu; mę Iramu. Ndu ono shi bụkotaru ndu-ishi ndu Edọmu.

## 2

### Ụnwu Ízurelu

<sup>1</sup> Ọwaa bụ ụnwu Ízurelu: Rúbenu; mę Simiyonu; mę Lívayi; mę Jiuda; mę Isaka; mę Zebulonu; <sup>2</sup> mę Danu; mę Jiósefu; mę Benjaminu; mę Nafutali; mę Gadu waa Asha.

<sup>3</sup> Ụnwu Jiuda bụ: Eru; mę Onanu; mę Shela. Onye nwutaru iya ụmadzu ẹto ono bụ Batushuwa, bụ nwanyi Kénanu. Ọle Eru, bụ iya bụ ọkpara Jiuda bę meru ẹjọ- iphe l'ẹnnya Chipfu. Chipfu woru iya gbua. <sup>4</sup> Tema, bụ nyee nwa Jiuda bya anwutakwaru iya phọ Pérezu waa Zera. Iphe, ụnwu Jiuda tukuroru dụ bụ ise.

<sup>5</sup> Ụnwu Pérezu bụ Hẹzuronu waa Hamulu. <sup>6</sup> Ụnwu Zera bụ Zimiri; mę Etanu; mę Hemanu; mę Kalukolu;

1 Iphe, ndu eze meru 2:7 5 1 Iphe, ndu eze meru 2:23

mẹ Dara. Iphe, ẹphe tukuru dụ bụ ise. <sup>7</sup> Nwa Kami bụ Ekanu. Oo ya bẹ meru iphe-ẹhuka dapfuta ndu Ízurẹlu; kẹle o mebyiru iphe ono, e pfuru sụ g'Ọ tọ dukwa onye e-wota iphe, e doberu Chileke iche ono.\*

<sup>8</sup> Nwa Etanu bụ Azaríya.

<sup>9</sup> Ụnwu, a nwụtaru Hẹzuronu bụ Jierahụmelu; mẹ Ramu; waa Kelubayi.

<sup>10</sup> Ramu bụ nna Amínadabu; Amínadabu bụru nna Náshọnu, onye bụ iya bụ onye-ishi ndu Jiuda. <sup>11</sup> Náshọnu bụ nna Salụma; Salụma bụru nna Bówazu; <sup>12</sup> Bówazu bụru nna Óbẹdu; Óbẹdu bụru nna Jiesi.

<sup>13</sup> Jiesi bẹ nwụtaru ọkpara iya nwoke, bụ Eliyabu; Abinadabu bụru otsota; Shimeya bụru k'ẹto; <sup>14</sup> Netanẹlu bụru k'ẹno; Radayi bụru k'ise; <sup>15</sup> Ozẹmu bụru k'ishii; Dévidi bụru k'ẹsaa. <sup>16</sup> Unwune phẹ ụnwanyi bụ: Zeruya waa Abigelu.

Unwoke ẹto, Zeruya nwụtaru bụ: Abishayi; mẹ Jiowabu; waa Asahẹlu. <sup>17</sup> Abigelu bụ ne Amasa. Nna Amasa bụru Jieta, bụ oshilọkpa Ishimẹlu.

### *Eri Hẹzuronu*

<sup>18</sup> Kalẹbu nwa Hẹzuronu bẹ shi l'ẹka nyee ya, bụ Azụba nwụta Jieriyotu. Ụnwu nwanị ono ọzo bụ Jiesha; mẹ Shobabu; mẹ Adọnu. <sup>19</sup> Azụba bya anwụhuepho; Kalẹbu je alụta Ifuratu; ọ nwụtaru iya Huru. <sup>20</sup> Huru bụ nna Uri; Uri bụru nna Bezalẹlu.

<sup>21</sup> E mechaa; Hẹzuronu jepfu nwada Makiya, bụ nna Giladu. Ọ luru iya teke yẹbe Hẹzuronu nọwaru ụkporo apha ẹto; ọ nwụtaru iya Segubu. <sup>22</sup> Segubu bụ nna Jiayi; onye ụkporo mkpụkpu lẹ mkpụkpu ẹto l'alị Giladu shi dụ l'ẹka. <sup>23</sup> Ọle ndu Geshu waa ndu Arámu bẹ nataru phẹ mkpụkpu Havọtu-Jiayi; waa Kenatu;

\* <sup>2:7</sup> <sup>2:7</sup> Gụnaa Jios 7:1-26.

1 Iphe, ndu eze meru 2:24 6 1 Iphe, ndu eze meru 2:40

mẹ ụnwu mkpụkpu lẹ mkpụkpu, nọpheru iya mgburugburu. Mkpụkpu obu tukuru dū mkpụkpu ụkporo ẹto. Ndu ono, bukota oshilokpa Makiya, bu nna Giladu. <sup>24</sup> Hẹzuronu, bu nna Kalẹbu nwuhuchaepho; ọ lụpyabe Ifurata, bu nyee nna iya; ọ nwutaru iya Ashuru. Ashuru nwuta Tekowa.

*Eri Jieramẹlu; nwa Hẹzuronu*

<sup>25</sup> Ụnwu Jierahumelu, bu okpara Hẹzuronu bu: Ramu, bu okpara iya; mẹ Buna; mẹ Orẹnu; mẹ Ozemu; mẹ Ahayijia. <sup>26</sup> Jierahumelu be lukwarupho nwanyi ozo, ẹpha iya bu Atara. Yẹbedua bu ne Onamu. <sup>27</sup> Ụnwu Ramu, bu okpara Jierahumelu bu: Mazu; mẹ Jiaminu; mẹ Eka. <sup>28</sup> Ụnwu Onamu bu: Shamayi waa Jiada. Ụnwu Shamayi buru Nadabu waa Abishuru.

<sup>29</sup> Ẹpha nyee Abishuru bu Abihelu. Ọ nwutaru iya Ahubanu waa Molidu. <sup>30</sup> Ụnwu Nadabu bu: Seledu waa Apemu. Seledu nwuhuru; ọphu ọ to togboduru akọ. <sup>31</sup> Nwa Apemu bu Ishi. Ishi buru nna Sheshanu; Sheshanu buru nna Ahulayi.

<sup>32</sup> Ụnwu Jiada; mbu nwune Shamayi ke nwoke bu: Jieta waa Jionatanu. Jieta nwuhuru; ọphu ọ to togboduru akọ. <sup>33</sup> Ụnwu Jionatanu bu: Pẹleti waa Zaza. Ndu ono bukota oshilokpa Jierahumelu.

<sup>34</sup> Sheshanu ta anwutaduru unwoke. Ọo unwanyi be ọ nwushiru kpoloko. Ọ shi nweru onye Ijiputu, shi ejeru iya ozi, ẹpha iya bu Jiaruha. <sup>35</sup> Sheshanu woru nwa iya nwanyi kee Jiaruha, bu onye-ozii iya g'ọ luru. Ọ nwutaru iya Atayi. <sup>36</sup> Atayi bu nna Nétanu; Nétanu buru nna Zabadu; <sup>37</sup> Zabadu buru nna Ẹfulalu; Ẹfulalu buru nna Óbẹdu; <sup>38</sup> Óbẹdu buru nna Jiehu; Jiehu buru nna Azaríya; <sup>39</sup> Azaríya buru nna Hẹlezu; Hẹlezu buru nna Eleyasa; <sup>40</sup> Eleyasa buru nna Sisumayi; Sisumayi buru

1 Iphe, ndu eze meru 2:41    7    1 Iphe, ndu eze meru 2:54

nna Shalumu; <sup>41</sup> Shalumu bụru nna Jiekamaya; Jiekamaya bụru nna Elishama.

*Eri Kalẹbu*

<sup>42</sup> Ụnwu Kalẹbu, bụ nwune Jierahụmelu kẹ nwoke bụ: Misha, bụ ọkpara iya. Misha ono bụ nna Zifu. Nwa Kalẹbu ọzo bụ Maresha, bụ iya bụ nna Hẹburonu.

<sup>43</sup> Ụnwu Hẹburonu bụ: Kora; mẹ Tapuwa; mẹ Rẹkemu; mẹ Shema. <sup>44</sup> Shema bụ nna Rahamu. Rahamu bụru nna Jiokamu. Rẹkemu bụ nna Shamayi. <sup>45</sup> Nwa Shamayi bụru Mawonu. Mawonu bụru nna Bẹtu-Zuru.

<sup>46</sup> Nwanyị, Kalẹbu ta alụdu ọkpobe alụlu, epha iya bụ Efa bẹ nwutaru Haranu; mẹ Moza waa Gazezu. Haranu bụ nna Gazezu.

<sup>47</sup> Ụnwu kẹ Jiahudayi bụ Rẹgemu; mẹ Jiótamu; mẹ Geshanu; mẹ Pẹleti; mẹ Efa; mẹ Shafu.

<sup>48</sup> Nwanyị, Kalẹbu ta alụdu ọkpobe alụlu, epha iya bụ Maaka bẹ nwuru Shẹberu waa Tirihana. <sup>49</sup> Ọ bụkwaru iya pho nwuru Shafu, bụ onye bụ nna Madumana; bya anwuta Sheva, bụ onye bụ nna Makubena waa Gibiya.

Nwada Kalẹbu bẹ bụ Akusa.

<sup>50</sup> Ndu ono bụkota oshilokpa Kalẹbu.

Ụnwu Huru, bụ ọkpara Ifuratu bụ: Shobalu, bụ onye bụ nna Kiriyatu-Jiarimu; <sup>51</sup> mẹ Saluma, bụ onye bụ nna Bẹtulehemu; mẹ Harefu, bụ onye bụ nna Bẹtu-Gaderu.

<sup>52</sup> Ụnwu Shobalu, bụ nna Kiriyatu-Jiarimu bụ: Harowe; waa nkeru-ẹbo ndu Menuhotu. <sup>53</sup> Enya-unuphu Kiriyatu-Jiarimu bụ: ndu Itiru; mẹ ndu Putu; mẹ ndu Shumatu; mẹ ndu Mishira. Ọ bụru l'eri ndu ono bẹ ndu Zora; mẹ ndu Eshutolu shi futa.

<sup>54</sup> Ụnwu Saluma bụ: ndu mkpukpu Bẹtulehemu; mẹ ndu mkpukpu Netofa; mẹ ndu mkpukpu Atarotu-Bẹtu-Jiowabu; mẹ nkeru-ẹbo ndu mkpukpu Manahatu; mẹ ndu mkpukpu Zora.

<sup>55</sup> Ndu bu ẹnya-unuphu ndu edeje ẹkwo, bu ndu bu ẹ mkpụkpu Jiabẹzu bu: ndu Tiratu; mẹ ndu Shimeya; mẹ ndu Suka. Ndu ono bu ndu Kenu; mbu ndu shi l'eri Hamatu, bu nna ndu ọnu-ulo Rekabu.

### 3

Unwu, Dévidi nwushiru  
 ẹ Hẹburonu

(2Sám 3:2-5)

<sup>1</sup> Waa unwu Dévidi baa; mbu ndu a nwushiru iya teke o bu ẹ Hẹburonu. Ọkpara iya bu Amunonu. Onye nwuru iya nu bu Ahinowamu ẹ Jiezerelu. Nwa iya k'ẹbo bu Danelu. Onye nwuru iya nu bu Abigelu ẹ Kamelu. <sup>2</sup> Nwa iya k'eto bu Abusalomu. Onye nwuru iya nu bu Maka nwada Talumayi, bu eze ndu Geshu. Nwa iya k'eno bu Adonijia. Onye nwuru iya nu bu Hagitu. <sup>3</sup> Nwa iya k'ise buru Shefataya. Onye nwuru iya nu bu Abitalu. Nwa iya k'ishii buru Ituramu. Onye nwuru iya nu bu nyee ya, bu Egu. <sup>4</sup> Umadzu ishii be Dévidi nwutaru teke o bu ẹ Hẹburonu, bu ẹka o noru buru eze apha esaa l'onwa ishii.

Ọ nokwarupho l'aba-eze ukporo apha l'apha iri l'eto ẹ Jierusalemu. <sup>5</sup> Ndu a no ẹ Jierusalemu nwushiaru iya bu: Shimeya; mẹ Shobabu; mẹ Netanu; mẹ Solomonu. Onye nwutaru iya umadzu eno ono bu Batusheba nwada Amiyelu.

<sup>6</sup> Unwu iya ozo bu Ibuha; mẹ Elishama; mẹ Elifletu; <sup>7</sup> mẹ Noga; mẹ Nefegu; mẹ Jiafiya; <sup>8</sup> mẹ Elishama; mẹ Eliyada; mẹ Elifletu; umadzu tete ono. <sup>9</sup> Ndu ono l'ophu bukota unwoke, Dévidi nwushiru a -gufukwa unwoke ophu unwanyi, abu-zidu unyomu iya nwushiru. Tama be bu nwune phe ẹ nwanyi.



# 1 Iphe, ndu eze meru 3:1091 Iphe, ndu eze meru 3

## *Ndu-eze Jiuda*

<sup>10</sup> Nwa Sólomõnu bụ Rehobówamu; Abáyijia bụru nwa Rehobówamu; Asa bụru nwa Abáyijia; Jiehoshafatu bụru nwa Asa. <sup>11</sup> Jióramu bụru nwa Jiehoshafatu; Éhazaya bụru nwa Jióramu; Jiowashi bụru nwa Éhazaya; <sup>12</sup> Amazaya bụru nwa Jiowashi; Azaríya bụru nwa Amazaya; Jiótamu bụru nwa Azaríya; <sup>13</sup> Éhazu bụru nwa Jiótamu; Hezekáya bụru nwa Éhazu; Manásẹ bụru nwa Hezekáya; <sup>14</sup> Amõnu bụru nwa Manásẹ; Jiosáya bụru nwa Amõnu; <sup>15</sup> Ụnwu Jiosáya bụ: Jiohananu bụ ọkpara iya; Jiehoyakimu bụru otsota; Zedekaya bụru k'eto; Shalumu bụru k'eno. <sup>16</sup> Ụnwu Jiehoyakimu bụ: Jiẹkonáya bụ nwa Jiehoyakimu; Zedekaya bụru nwa Jiẹkonáya.

## Ụnwu Jiẹkonáya

<sup>17</sup> Ụnwu Jiẹkonáya, bụ nwoke ono, a kpuru ịe ndzu ono, bụ: Sheyalutiyẹlu; <sup>18</sup> mẹ Malukiramu; mẹ Pedaya; mẹ Shenaza; mẹ Jiekamaya; mẹ Hoshama; mẹ Nedabaya. <sup>19</sup> Ụnwu Pedaya bụ Zerúbabelu waa Shimeyi. Ụnwu Zerúbabelu bụru Meshulamu waa Hananaya. Shelomotu bẹ bụ nwune phẹ kẹ nwanyị. <sup>20</sup> Ọ nwutakwarupho umadzu ise ọzo, ẹpha phẹ bụ Hashuba; mẹ Ohẹlu; mẹ Berekaya; mẹ Hasadaya; mẹ Jiushabu-Hesedu.

<sup>21</sup> Ụnwu kẹ Hananaya bụ: Pelataya; mẹ Jieshaya; mẹ ụnwu Refaya; mẹ ụnwu Ananu; mẹ ụnwu Obedaya; mẹ ụnwu Shekanaya.

<sup>22</sup> Ụnwu Shekanaya bụru: Shemaya mẹ ụnwu iya, bụ Hatushi; mẹ Igalu; mẹ Baraya; mẹ Neyaraya; mẹ Shafatu. Ẹphe tukurorụ dụ ishii.

<sup>23</sup> Ụnwu Neyaraya bụ Eliyowenayi; mẹ Hezekáya; mẹ Azurikamu. Ẹphe tukurorụ dụ ẹto.

1 Iphe, ndu eze meru 3:24 10 1 Iphe, ndu eze meru 4:12

<sup>24</sup> Ụnwu Eliyowenayi bụ Hodavaya; mę Ẹliyashibu; mę Pelaya; mę Akubu; mę Jiohananu; mę Delaya; mę Anani. Ẹphe tųkoru dų ęsaa.

## 4

### *Oshil*Ọkpa Jiuda

<sup>1</sup> Ụnwu Jiuda bụ: Pérezu; mę Hẹzuronu; mę Kami; mę Huru; mę Shobalu. <sup>2</sup> Shobalu bụ nna Reyaya. Reyaya bụru nna Jiahatu. Jiahatu bụru nna Ahụmayi; mę Lahadu. Ndu ono bụkota ęnya-unuphu ndu Zora.

<sup>3</sup> Waa ụnwu Etamu baa: Jiezerẹlu; mę Ishima; mę Idubashi. Ẹpha nwune phẹ kẹ nwanyị bụ Hazeleponi.

<sup>4</sup> Penuwẹlu bụ nna ndu Gedo. Eza bụru nna Husha. Ndu ono bụ ụnwu Huru, bụ iya bụ Ọkpara Efuratu; bya abụru iya bụ nna ndu Bẹtulehemu.

<sup>5</sup> Ashuru, bụ nna ndu Tekowa. Ọ luru ụnwanyi labọ; ẹpha phẹ bụ Hela; mę Nara. <sup>6</sup> Nara bẹ nwụtaru iya Ahụzamu; mę Hefa; mę Temeni; waa Hahashutari. Ndu ono bụ ụnwu Nara. <sup>7</sup> Ụnwu kẹ Hela bụ Zeretu; mę Zoha; mę Ẹtunanu;

<sup>8</sup> Kozu bụ nna Anubu; mę Zobeba; bya abụkwarupho nnajị ndu ęnya-unuphu Ahahẹlu, bụ nwa Harumu.

<sup>9</sup> Jiabẹzu bẹ a ka akwabẹ ùbvù eme l'ụnwunna iya. Ne iya bẹ gụberu iya Jiabẹzu sụ: “Mu jeru iphe-ẹhuka tẹme mu nwụa ya.” <sup>10</sup> Jiabẹzu raku Chileke kẹ Ízurẹlu sụ iya: “Jiko kebenụ mu l'ọma. Menaa g'oke alị mu ka ọsa. Gudenu ẹka ngu heru mu jiko Chileke. Wofujenuru mu ẹjo-iphe; g'o to mekajẹ mu iphe!” Ọo ya bụ; Chileke meeru iya iphe, ọ sụru g'o meeru iya.

<sup>11</sup> Kelubu, bụ nwune Shuha bẹ bụ nna Mehiru. Mehiru bya abụru nna Ẹshutonu. <sup>12</sup> Ẹshutonu bụru nna Bẹtu-Rafa; mę Paseya; mę Tehina; onye bụ nna ndu Iru-Nahashi. Ndu ono bụ phẹ bụ unwoke mkpụkpu Reka.

1 Iphe, ndu eze meru 4:13 11 1 Iphe, ndu eze meru 4:23

<sup>13</sup> Ụnwu Kenazu bụ Ọtuniyelu; mę Seraya. Ụnwu kę Ọtuniyelu bụru Hatatu mę Meyonotayi. <sup>14</sup> Meyonotayi ono bụru nna Ọfura. Seraya bụ nna Jiowabu, onye bụ nna ndu Ge-harashimu. Ge-harashimu ono bụ nsụda ndu emeje ọna; kęle ndu bu iya nụ bụ ndu emeje ọna.

<sup>15</sup> Ụnwu Kalẹbu, bụ nwa Jiefune bụ Iru; mę Ela; mę Namu. Nwa kę Ela bụ Kenazu.

<sup>16</sup> Ụnwu Jiehalelẹlu bụ: Zifu; mę Zifa; mę Tiraya; waa Asarẹlu.

<sup>17</sup> Ụnwu Ẹzura bụ Jieta; mę Męredu; mę Ife; mę Jialọnu. Nyee Męredu bę nwuru Miriyamu; mę Shamayi; mę Ishiba, bụ nna ndu Eshutemowa. <sup>18</sup> Nwanyị Ọzo, Męredu lụtaru l'ipfu Jiuda bę nwutaru iya Jięredu, bụ nna ndu Gedo; bya anwuta Heba, bụ nna ndu Soko; teme ọ nwutakwapho Jiekutiyẹlu, bụ nna ndu Zanowa. Ndu ono bụkota ụnwu Bitiya, bụ nwada Fero, Męredu luru.

<sup>19</sup> Ụnwu nyee Hodaya, bụ nwune Nahumu kę nwanyị bę bụ phę bụ nna Keyila, bụ onye Gami; mę nna Eshutemowa, bụ onye Maka.

<sup>20</sup> Ụnwu Shimọnu bụ Amụnonu; mę Rina; mę Benu-Hanana waa Tilọnu.

Ụnwegirima ibe Ishi bụ: Zohetu waa Benu-Zohetu.

<sup>21</sup> Ụnwu Shela, bụ nwa Jiuda bụ: Ẹru, bụ nna Leka; mę Lada, bụ nna Maresha; bya abụkwaru iya phọ bụ nna ndu ẹnya-unuphu ono, anọduje ekwe ẹkwa-ọchaa lę mkpukpu Betu-Ashubeya; <sup>22</sup> mę Jiokimu; mę unwoke Kozeba; mę Jiowashi; mę Sarafu, bụ onye ono, shi bụru ishi l'alị Mówabu; mbụ onye ono, mechaaru laa mkpukpu Bětulehemu. Iphe ono bę shi l'ichee. <sup>23</sup> Ọo phę bụ ndu akpuje ite, bu lę mkpukpu Netayimu; mę lę mkpukpu Gedera. Ẹphe bu l'ẹka ono ejeru eze phę ozi.

*Oshil*okpa Simiyọnu

1 Iphe, ndu eze meru 4:24 12 1 Iphe, ndu eze meru 4:39

<sup>24</sup> Ụnwu Simiyọnu bụ: Nemelu; me Jiaminu; me Jiaribu; me Zera; me Shawulu. <sup>25</sup> Shalumu bụ nwa ke Shawulu; Mibusamu buru nwa Shalumu; Mishima buru nwa ke Mibusamu. <sup>26</sup> Nwa ke Mishima bụ Hamelu; Zaku buru nwa Hamelu; Shimeyi buru nwa Zaku. <sup>27</sup> Shimeyi nwutaru unwoke iri l'ishii; bya anwuta unwanyi ishii. Olee unwane iya ke nwoke ta anwushiduru unwu igwerigwe. O buru iya meru ophu enya-unuphu phe akwatadu jaa ajaja egube ndu Jiuda jaru.

<sup>28</sup> Eka ephe bugbabe bu le mkpukpu Biye-Sheba; me le mkpukpu Molada; me le mkpukpu Haza-Shuwalu; <sup>29</sup> me le mkpukpu Biliha; me le mkpukpu Ezemu; me le mkpukpu Toladu; <sup>30</sup> me le mkpukpu Betuwelu; me le mkpukpu Homa; me le mkpukpu Zikulagu; <sup>31</sup> me le mkpukpu Betu-Makabotu; me le Haza-Susimu; me le Betu-Biri; me le mkpukpu Sharayimu. Oo le mkpukpu ono g'ọ ha be ephe shi buru jasuteke Dévidi bu eze. <sup>32</sup> Unwu mkpukpu phe bu: Etamu; me Ayinu; me Rimonu; me Tokenu waa Ashanu. Mkpukpu ise be o tukorudu; <sup>33</sup> yekoberu unwu mkpukpu le mkpukpu, nopheru mkpukpu ono mgburugburu je akpaa le mkpukpu Belu. Noo eka ephe bugbabe bu ono. Ephe nwekwarupho ekwo, akọ g'e gude nwushia phe.

<sup>34</sup> Meshobabu; me Jiamuleku; me Jiosha; nwa Amazaya; <sup>35</sup> me Jiowelu; me Jiehu; nwa Jioshibaya. Jioshibaya buru nwa Seraya; Seraya buru nwa Asiyelu; <sup>36</sup> Eliyowenayi; me Jiakoba; me Jieshohaya; me Asaya; me Adiyelu; me Jiesimelu; me Benaya; <sup>37</sup> me Ziza; nwa Shifi. Shifi bu nwa Alonu; Alonu buru nwa Jiedaya; Jiedaya buru nwa Shimiri; Shimiri buru nwa Shemaya. <sup>38</sup> Ndu ono, a gushiru ephe phe ono bugbaa ndu-ishi l'anya-unuphu phe. Onu-ulo nna phe be zuru azuzu k'ophu paru eka apaa. <sup>39</sup> Ephe buru je akpaa l'onu

1 Iphe, ndu eze meru 4:40 13 1 Iphe, ndu eze meru 5:3

ẹka eeshije abahu ẹ mkpukpu Gedo; mbu jeye l'uzo ẹnyanwu-awawa nsuda ono l'eka ẹphe achọ nri, ẹku phe a-nọduje ata. <sup>40</sup> O buru ẹka ono be ẹphe chọ-vuru ọkpobe nri; me nri, du ree, ẹku phe a-taje. Ali obu be ha ọsa shii; bya ejia oyi; teme nchi du doo l'eka ono. Ndu shi buru l'eka ono bu ndu shi l'eri Hamu.

<sup>41</sup> Ndu ono, e deshiru ẹpha phe ono be byaru mkpukpu Gedo ẹ teke Hezekaya shi buru eze ndu Jiuda. Ẹphe tsoo oshilokpa Hamu ono ọgu l'eka ẹphe bu; mekwapho ndu Meyuni, ẹphe humaru l'eka ono. Ẹphe woru phe mee ẹphe buru mkpurupyata, bu iya bu g'ẹphe du byasu ntanu-a. Ẹphe bya ebuchishia ẹka ẹphe shi buru; kele nri duru ẹku phe l'eka ono. <sup>42</sup> Unwu Simiyonu ono haru tugbua jeshia l'ubvu Siye. Iphe, ẹphe du bu unu unwoke l'unwoke ukporo ise. Ndu du phe nu bu: Pelataya; me Neyaraya; me Refaya waa Uzelu. Ẹphe bu unwegirima ibe Ishi. <sup>43</sup> Ẹphe gbushikota ndu phoduru nu ẹ ndu Amaleku ono, gbalajeru nu pho. Ẹphe buru l'eka ono byasu ntanu-a.

## 5

### *Oshilokpa Rube nu*

<sup>1</sup> Unwu Rube nu, bu iya bu okpara Izurelu; (Oo yebedua bu okpara; ole o jepfuru nyee nna iya; e shi nno nafu iya onodu okpara ono, o bu; woru iya nu unwu Jiosofu, bukwapfo nwa Izurelu. O buru iphe ono meru g'o gude ophu e deduru l'oo ya bu okpara l'ekwo, e deshiru g'e shiru nwua phe. <sup>2</sup> E -gudekpoo l'oo Jiuda kachakpoo ike l'unwunna iya; teme o buru l'eri iya be onye-ishi shi futu; obenu l'onodu okpara buele-a Jiosofu be o laru.) <sup>3</sup> Unwu Rube nu, bu okpara Izurelu bu: Hanoku; me Palu; me Hezuronu waa Kami.

1 Iphe, ndu eze meru 5:4 14 1 Iphe, ndu eze meru 5:15

<sup>4</sup> Eri Jiowelu bu: Jiowelu bu nna Shemaya; Shemaya buru nna Gogu; Gogu buru nna Shimeyi. <sup>5</sup> Shimeyi buru nna Mayika; Mayika buru nna Reyaya; Reyaya buru nna Belu; <sup>6</sup> Belu buru nna Bera. Bera be Tigulatu-Pilesa, bu eze ndu Asiriya kpuru le ndzu. O bukwaru iya pho shi buru ishi l'ipfu Rubenu.

<sup>7</sup> Waa ndu bu abubu phe l'enya-unuphu l'enya-unuphu phe; me le g'e shi dee epha phe l'ekwo, e deshuru g'e shuru nwua phe baa: Onye-ishi phe bu Jieyelu; me Zekaraya; <sup>8</sup> me Bela; nwa Azazu. Azazu bu nwa Shema; Shema buru nwa Jiowelu. Eka o bu bu le mkpukpu Arowa. O bua nno je akpaa le mkpukpu Nebo; me le mkpukpu Belu-Meyonu. <sup>9</sup> O bukwapho je akpaa l'uzo enyanwu-awawa; bua jasu l'eka eeshije abahu l'echiegu, noru jasu l'enyimu Yufuretisu; kele eku phe zushuru kabaa igwerigwe l'ali Giladu.

<sup>10</sup> Le teke Solu shi buru eze be ipfu Rubenu tsoru ndu Hega ogo; lwu-kpee phe; buchishia ulo-ekwa eri Hega ono l'ali, dukota l'uzo enyanwu-awawa ali Giladu l'ophu.

### *Oshilokpa Gadu*

<sup>11</sup> Unwu Gadu be bu ghaaru unwu Rubenu iphu l'ali Beshanu; bua je akpaa le mkpukpu Saleka. <sup>12</sup> Jiowelu bu onye-ishi phe. Shafamu buru onye etsota iya nu. Ndu ozo bu Jianayi; me Shafatu le ndu bu l'ali Beshanu. <sup>13</sup> Ndu bu abubu phe l'enya-unuphu l'enya-unuphu phe bu: Mayikelu; me Meshulamu; me Sheba; me Jiorayi; me Jiakanu; me Ziya; me Eba. Epe tukoru du esaa. <sup>14</sup> Waa unwu Abihelu nwa Huri baa: Huri bu nwa Jiarowa; Jiarowa buru nwa Giladu; Giladu buru nwa Mayikelu; Mayikelu buru nwa Jieshishayi; Jieshishayi buru nwa Jiahudo; Jiahudo buru nwa Buzu. <sup>15</sup> Ahi, bu nwa Abudiyelu; bu aburu nwanwa Guni be shi buru ishi

1 Iphe, ndu eze meru 5:16 15 1 Iphe, ndu eze meru 5:24

l'ɛnya-unuphu ibe nna iya. <sup>16</sup>Ọ bụru l'alị Giladu bẹ ẹphe bu; mẹ l'alị Beshanu; mẹ lẹ mkpụkpu lẹ mkpụkpu, nọ iya nụ; bya enwekọtaru alị ẹka ẹku phẹ atajẹ nri l'alị Sharọnu je akpaa l'ẹka o jeberu. <sup>17</sup>Ndu ono g'ẹphe ha bẹ e dekotaru ẹpha phẹ l'ẹkwo, e deshiru g'e shiru nwua phẹ. Teke e deru iya bụ lẹ teke Jiótamu shi bụru eze ndu Jiuda; Jierobowamu bụru eze ndu Ízurẹlu.

<sup>18</sup>Ndu ipfu Rúbẹnu; mẹ ndu ipfu Gadu; mẹ nkeru-ẹbo ipfu Manásẹ bẹ nweru ndu mkparawa ojogu; mbụ ndu aduje ike gude iphe, eegudeje egbobuta onwonye; mẹ ogu-echi; mbụ ndu agbajẹ apfụ; bya aburu ndu k'ogu doru ɛnya ree. Ẹphe dụ ụkporo ụnu ndu ojogu ugbo ise l'ụnu iri lẹ nanụ; l'ụkporo iri l'ẹsato; bụkotaru ndu ejeje ọgu. <sup>19</sup>Ẹphe tsoru ndu Hega ọgu; mẹ ndu Jieturu; mẹ ndu Nafishi; mẹkpoo ndu Nodabu. <sup>20</sup>Chileke yetarụ phẹ ẹka mee gẹ ndu Hega; mẹ ndu ẹphe l'ẹphe tųgbaru la phẹ l'ẹka; kẹle ẹphe rakuru Chileke l'ọgu ono; bya akporu obu yeru iya; o meeru phẹ iphe, ẹphe sụru g'o meeru phẹ. <sup>21</sup>Ẹphe rwukọo ẹku ndu Hega. Inyaka mẹlu, ẹphe kpọtaru bẹ dụ ụkporo ụnu ishii l'ụnu ise. Aturu, ẹphe kpọtaru dụ ụkporo ụnu ugbo ụkporo l'iri lẹ nanụ l'ụnu ise. Nkapfụ-igara, ẹphe kpọtaru dụ ụnu ise. Nemadzụ, ẹphe kpuru lẹ ndzụ dụ ụkporo ụnu ugbo iri l'ẹbo l'ụnu iri. <sup>22</sup>Ndu dụ igwerigwe bẹ e gburu egbugbu; kẹle ọo Chileke bẹ alwụ ọgu ono. Ndu Rúbẹnu buchishia ẹka ono jeye teke a kpuru phẹ lashia alị ọzo.

### *Nkerẹbo ipfu Manásẹ*

<sup>23</sup>Nkerẹbo ipfu Manásẹ bẹ dụ igwerigwe shi; ọ bụru phẹ bu l'alị ono. Ẹphe shi l'alị Beshanu bua jeye lẹ mkpụkpu Belu-Hamọnu; mẹ l'úbvú Seniru; bya ebua jasụ l'úbvú Hamọnu. <sup>24</sup>Waa ndu bụgbaa ndu-ishi l'ɛnya-unuphu ibe nna phẹ baa: Eferu; mẹ Ishi; mẹ Eliyẹlu; mẹ

1 Iphe, ndu eze meru 5:25 16 1 Iphe, ndu eze meru 6:12

Azuriyelu; me Jieremaya; me Hodavaya; me Jiahudiyelu. Epe bukota ndu ojogu, ike du; buru ndu a maru amaru; bya aburu ishi l'anya-unuphu ibe nna phe.

<sup>25</sup> Ole epe te egoshiduru l'o gbaru ge Chileke ke nna phe gude ire phe eka; epe bya awata abaru agwa ndu ali ozo eja; mbu ndu ali ono, Chileke meru epe buru mkpurupyata l'atatiphu phe ono. <sup>26</sup> Oo ya bu; Chileke ke Izurelu kpalia obu Pulu, bu eze ndu Asiriya, bu iya bu Tigulatu-Pilesa, o kpu ipfu Rubenu; me ipfu Gadu; me nkeru-ebo ipfu Manase le ndzu; kpu lashia mkpukpu Hala; me Habo; me Hara; me enyimu mkpukpu Gozanu. O buru l'eka ono be epe no byasu ntanu-a.

## 6

### *Ipfu Livayi*

<sup>1</sup> Unwu Livayi, bu unwoke bu: Geshonu; me Kohatu; me Merari.

<sup>2</sup> Unwu Kohatu, bu unwoke bu: Amuramu; me Izuha; me Heburonu; me Uzelu.

<sup>3</sup> Unwu Amuramu, bu Eronu; me Mosisu waa Miriyamu.

Unwu Eronu, bu unwoke bu Nadabu; me Abihu; me Eleyaza; me Itama.

<sup>4</sup> Eleyaza bu nna Finehasu; Finehasu buru nna Abishuwa; <sup>5</sup> Abishuwa buru nna Buki; Buki buru nna Uzi; <sup>6</sup> Uzi buru nna Zerahaya; Zerahaya buru nna Merayotu; <sup>7</sup> Merayotu buru nna Amaraya; Amaraya buru nna Ahitubu; <sup>8</sup> Ahitubu buru nna Zadoku; Zadoku buru nna Ahimaazu; <sup>9</sup> Ahimaazu buru nna Azariya; Azariya buru nna Jiohananu; <sup>10</sup> Jiohananu buru nna Azariya. Oo ya shi buru onye uke Chileke l'eze-ulo Chileke ono, Solomonu kpu le Jierusalemu ono. <sup>11</sup> Azariya buru nna Amaraya; Amaraya buru nna Ahitubu; <sup>12</sup> Ahitubu buru



nna Zadọku; Zadọku bụru nna Shalumu; <sup>13</sup> Shalumu bụru nna Hilikaya; Hilikaya bụru nna Azaríya; <sup>14</sup> Azaríya bụru nna Seraya; Seraya bụru nna Jiehozadaku. <sup>15</sup> Jiehozadaku bẹ a kpụturu lẹ ndzụ lashia alị ọzo lẹ teke ono, Chipfu shi l'ẹka Nebukadineza kpukoo ndu Jiuda waa ndu Jierúsalemụ lẹ ndzụ lashia alị ọzo ono. <sup>16</sup> Ụnwu Lívayi, bụ unwoke bụ Geshonu; mẹ Kohatu; mẹ Merari. <sup>17</sup> Waa ẹpha ụnwu Geshonu baa: Libuni; mẹ Shimeyi. <sup>18</sup> Ụnwu Kohatu bụ Amuramu; mẹ Izuha; mẹ Hẹburonu; mẹ Uzẹlu. <sup>19</sup> Ụnwu Merari bụ Mahuli waa Mushi.

Waa ndibe Lívayi l'ẹnya-unuphu l'ẹnya-unuphu phẹ:

<sup>20</sup> Eri Geshonu bụ: Libuni bụ nwa Geshonu. Jiahatu bụru nwa Libuni. Zima bụru nwa kẹ Jiahatu; <sup>21</sup> Jiowa bụru nwa Zima; Ido bụru nwa Jiowa; Zera bụru nwa Ido; Jieyaterayi bụru nwa Zera.

<sup>22</sup> Eri Kohatu bụ: Amínadabu bụ nwa Kohatu; Kora bụru nwa Amínadabu; Asiru bụru nwa kẹ Kora; <sup>23</sup> Ẹlukana bụru nwa Asiru; Ẹbyasafu bụru nwa Ẹlukana; Asiru bụru nwa Ẹbyasafu; <sup>24</sup> Tahatu bụru nwa Asiru; Uriyẹlu bụru nwa Tahatu; Uzáyá bụru nwa Uriyẹlu; Shawulu bụru nwa Uzáyá.

<sup>25</sup> Ụnwu Ẹlukana bụ Amasayi waa Ahimotu. <sup>26</sup> Ẹlukana bụ nwa Ahimotu; Zofayi bụru nwa Ẹlukana; Nahatu bụru nwa Zofayi; <sup>27</sup> Eliyabu bụru nwa Nahatu; Jierohamu bụru nwa Eliyabu; Ẹlukana bụru nwa Jierohamu; Sámẹlu bụru nwa Ẹlukana.

<sup>28</sup> Waa ụnwu Sámẹlu baa: Jiowẹlu bụ ọkpara iya. Abáyijia bụru nwa iya k'ẹbo.

<sup>29</sup> Waa eri Merari baa: Mahuli bụ nwa Merari; Libuni bụru nwa Mahuli; Shimeyi bụru nwa Libuni; Uza bụru nwa Shimeyi; <sup>30</sup> Shimeya bụru nwa Uza; Hagaya bụru nwa Shimeya; Asaya bụru nwa Hagaya.

1 Iphe, ndu eze meru 6:31 18 1 Iphe, ndu eze meru 6:43

*Ndu agụje* ebvu  
l'eze-ulo Chileke

<sup>31</sup> Waa unwoke, Dévidi yeru g'ẹphe bụru ndu-ishi ebvu l'ulo Chipfu ịe g'e dobechaaru okpoko Chileke l'eka ono bụ ọwana. <sup>32</sup> Ozi phẹ bụ g'ẹphe gụje ebvu l'atatiphu ụlo-ekwa Chileke, bụ iya bụ ụlo-ekwa-ndzukọ ono. Ẹphe nọdu anọduje iya nno jasụ Sólomonu kpua eze-ulo Chipfu ịe Jierúsalem. Ẹphe nọdu ejeje ozi phẹ ẹgube ọ gbaru g'ẹphe jeje iya.

<sup>33</sup> Waa unwoke ono, shi bụru ọgbo-ebvu ono waa ụnwu phẹ nwoke baa:

Ndu ọphu shi l'eri Kohatu bụ: Hemanu; onye agụje ebvu agụgu. Hemanu bụ nwa Jiowelu; Jiowelu bụru nwa Sámelu; <sup>34</sup> Sámelu bụru nwa Ẹlukana; Ẹlukana bụru nwa Jierhamu; Jierhamu bụru nwa Eliyelu; Eliyelu bụru nwa Towa; <sup>35</sup> Towa bụru nwa Zufu; Zufu bụru nwa Ẹlukana; Ẹlukana bụru nwa Mahatu; Mahatu bụru nwa Amasayi; <sup>36</sup> Amasayi bụru nwa Ẹlukana; Ẹlukana bụru nwa Jiowelu; Jiowelu bụru nwa Azariya; Azariya bụru nwa Zefanaya; <sup>37</sup> Zefanaya bụru nwa Tahatu; Tahatu bụru nwa Asiru; Asiru bụru nwa Ẹbyasafu; Ẹbyasafu bụru nwa Kora; <sup>38</sup> Kora bụru nwa Izuha; Izuha bụru nwa Kohatu; Kohatu bụru nwa Lívayi; Lívayi bụru nwa Ízurelu.

<sup>39</sup> Onye notsotaru Hemanu bụ Asafu. Ọ bụru yẹbedua anọduje Hemanu l'ekutara. Asafu bụ nwa Berekaya; Berekaya bụru nwa Shimeya; <sup>40</sup> Shimeya bụru nwa Mayikelu; Mayikelu bụru nwa Baseya; Baseya bụru nwa Malukayijia; <sup>41</sup> Malukayijia bụru nwa Etuni; Etuni bụru nwa Zera; Zera bụru nwa Adaya; <sup>42</sup> Adaya bụru nwa Etanu; Etanu bụru nwa Zima; Zima bụru nwa Shimeyi; <sup>43</sup> Shimeyi bụru nwa Jiahatu; Jiahatu bụru nwa Geshonu; Geshonu bụru nwa Lívayi.

1 Iphe, ndu eze meru 6:44 19 1 Iphe, ndu eze meru 6:57

<sup>44</sup> Onye Ọzo, etsoje Hemanu bụ Etanu, bụ onye shi l'eri Merari. Yẹbedua anọduje Hemanu l'ẹkicha. Etanu bụ nwa Kishi; Kishi bụru nwa Abudi; Abudi bụru nwa Maluku; <sup>45</sup> Maluku bụru nwa Hashabaya; Hashabaya bụru nwa Amazaya; Amazaya bụru nwa Hilikiya; <sup>46</sup> Hilikiya bụru nwa Amuzi; Amuzi bụru nwa Bani; Bani bụru nwa Shemeru; <sup>47</sup> Shemeru bụru nwa Mahuli; Mahuli bụru nwa Mushi; Mushi bụru nwa Merari; Merari bụru nwa Lívayi.

<sup>48</sup> Ụnwunna phẹ, bụ ndu Lívayi bẹ e yeru g'ẹphe jeje ozi ọzo, dughaa lẹ mkpu eze-ulo Chileke.

#### Ụnwu Erọnu

<sup>49</sup> Ọo Erọnu yẹle ụnwu iya bẹ egweje ngweja l'ọru-ngweja ẹka eegweje ngweja-akpo-ọku; mẹ l'ọru-ngweja ẹka aakpoje ụnwù-isensu ọku. Ọ bụru phẹ bẹ k'ẹka-kakọta-adu-nsọ dū l'ẹka; mẹkpoo ngweja k'apfu ụgwo iphe-ẹji, ndu Ízurẹlu meshiru; ẹgube ono, Mósisu, bụ onye-ozí Chileke tūru iya l'ekemu.

<sup>50</sup> Waa eri Erọnu baa: Eleyaza bụ nwa Erọnu; Finehasu bụru nwa Eleyaza; Abishuwa bụru nwa Finehasu; <sup>51</sup> Buki bụru nwa Abishuwa; Uzi bụru nwa Buki; Zerahaya bụru nwa Uzi; <sup>52</sup> Merayotu bụru nwa Zerahaya; Amaraya bụru nwa Merayotu; Ahitubu bụru nwa Amaraya; <sup>53</sup> Zadọku bụru nwa Ahitubu; Ahimaazu bụru nwa Zadọku.

<sup>54</sup> Ọwaa bụ ẹka ẹphe bu ebubu; mbụ oke alị, a nūru phẹ g'ẹphe buru. Ẹka ono bụ oshilọkpa Erọnu; mbụ eri Kohatu bẹ a nūru iya ẹphe buru; noo kẹle ọo phẹ bẹ ido mbụ daru. <sup>55</sup> A nūru phẹ mkpukpu Hẹburonu, nọ l'alị Jiuda; mẹ alị ẹka ẹku atajẹ nri, nọ-pheru iya mgburugburu. <sup>56</sup> Ọle ẹgu, dū lẹ mkpukpu ono; mẹ ụnwu mkpukpu ọzo, nọkọta iya nū bẹ a nūru Kalẹbu; nwa Jiefune. <sup>57</sup> Ọ bụru oshilọkpa Erọnu bẹ a nūru mkpukpu, eezeje ndzụ, bụ Hẹburonu; mẹ Libuna; mẹ

1 Iphe, ndu eze meru 6:58 20 1 Iphe, ndu eze meru 6:67

Jiatiru; mę Eshutemowa; yęle alı ęka ęku ataję nri, nọkotagbaa lę mkpụkpu ono. <sup>58</sup> Ęka ọzo bu mkpụkpu Hilenu; yęle alı ęka ęku ataję nri, nọkota iya nụ; mę mkpụkpu Debi; yęle alı ęka ęku ataję nri, nọkota iya nụ; <sup>59</sup> mę mkpụkpu Ashanu; yęle alı ęka ęku ataję nri, nọkota iya nụ; mę mkpụkpu Bętu-Shęmeshi; yęle alı ęka ęku ataję nri, nọkota iya nụ. <sup>60</sup> Mkpụkpu, e shi l'ipfu kę Benjiaminu nụ phę bu; mkpụkpu Geba; yęle alı ęka ęku ataję nri, nọkota iya nụ; mę mkpụkpu Alemetu; yęle alı ęka ęku ataję nri, nọkota iya nụ; mę Anatotu; yęle alı ęka ęku ataję nri, nọkota iya nụ. Mkpụkpu, a nuru eri Kohatu l'ęnya-unuphu l'ęnya-unuphu bę tukuru du iri l'ęto. <sup>61</sup> A bya atụa ido shi lę mkpụkpu k'ęnya-unuphu nkeru-ębo ipfu Manáę keta mkpụkpu iri nụ ndu phoduru nụ l'eri Kohatu.

<sup>62</sup> E shi lę mkpụkpu ipfu Isaka; mę k'ipfu Asha; mę k'ipfu Nafutali; mę k'ipfu Manáę, bu ndu ọphu bu l'alı Beshanu keta mkpụkpu iri l'ęto nụ eri Geshonu; l'ęnya-unuphu l'ęnya-unuphu.

<sup>63</sup> E shi lę mkpụkpu k'ipfu Rúbęnu; mę l'ipfu Gadu; mę ipfu Zebulonu tụa ido keta mkpụkpu iri l'ębo nụ eri Merari; l'ęnya-unuphu l'ęnya-unuphu.

<sup>64</sup> Ọo ya bu; ndu Ízurelu woru mkpụkpu lę mkpụkpu ono nụ eri Lívayi; nuchaa phę alı ęka ęku ataję nri, nọkota iya nụ. <sup>65</sup> Ndu Ízurelu tųkwapho ido shi lę mkpụkpu ipfu ndu Jiuda; mę ipfu Simiyonu; mę ipfu Benjiaminu woru mkpụkpu ono nụ phę, bu iya bu mkpụkpu lę mkpụkpu ono, a gushiru ępha phę ono.

<sup>66</sup> O nweru ndu ọphu shi l'ęnya-unuphu eri Kohatu, e shi l'ipfu Ifuremu nụ mkpụkpu, ęphe bugbaa. <sup>67</sup> L'alı úbvú úbvú Ifuremu, bę a nuru phę mkpụkpu Shękemu, bu iya bu mkpụkpu, eezeje ndzu; yęle alı ęka ęku ataję nri, nọkota iya nụ; mę mkpụkpu Geza; yęle alı ęka ęku

1 Iphe, ndu eze meru 6:68 21 1 Iphe, ndu eze meru 6:77

atajẹ nri, nọkota iya nù; <sup>68</sup> mẹ mkpụkpu Jiokumeyamu; yẹle alì ẹka ẹku atajẹ nri, nọkota iya nù; mẹ mkpụkpu Bẹtu-Horonu; yẹle alì ẹka ẹku atajẹ nri, nọkota iya nù; <sup>69</sup> mẹ mkpụkpu Ajialonu; yẹle alì ẹka ẹku atajẹ nri, nọkota iya nù; mẹ mkpụkpu Gatu-Rimonu; yẹle alì ẹka ẹku atajẹ nri, nọkota iya nù.

<sup>70</sup> Enya-unuphu, phọduru nù l'eri Kohatu bẹ e shi l'alì nkeru-ẹbo ipfu Manáse nù mkpụkpu Ana; yẹle alì ẹka ẹku atajẹ nri, nọkota iya nù; mẹ mkpụkpu Bilamu; yẹle alì ẹka ẹku atajẹ nri, nọkota iya nù.

<sup>71</sup> Unwu Geshonu bẹ e shikwaphọ l'alì nkeru-ẹbo ipfu Manáse nù mkpụkpu Golanu, dọ l'alì Beshanu; yẹle alì ẹka ẹku atajẹ nri, nọkota iya nù; mẹ mkpụkpu Ashitoretu; yẹle alì ẹka ẹku atajẹ nri, nọkota iya nù.

<sup>72</sup> E shi l'alì ipfu Isaka nù phẹ mkpụkpu Kadeshi; yẹle alì ẹka ẹku atajẹ nri, nọkota iya nù; mẹ mkpụkpu Daberatu; yẹle alì ẹka ẹku atajẹ nri, nọkota iya nù; <sup>73</sup> mẹ mkpụkpu Ramatu; yẹle alì ẹka ẹku atajẹ nri, nọkota iya nù; mẹ mkpụkpu Anemu; yẹle alì ẹka ẹku atajẹ nri, nọkota iya nù.

<sup>74</sup> E shi l'alì ipfu Asha nù phẹ mkpụkpu Mashalu; yẹle alì ẹka ẹku atajẹ nri, nọkota iya nù; mẹ mkpụkpu Abudonu; yẹle alì ẹka ẹku atajẹ nri, nọkota iya nù; <sup>75</sup> mẹ mkpụkpu Hukoku; yẹle alì ẹka ẹku atajẹ nri, nọkota iya nù; mẹ mkpụkpu Rehobu; yẹle alì ẹka ẹku atajẹ nri, nọkota iya nù.

<sup>76</sup> E shi l'alì ipfu Nafutali nù phẹ mkpụkpu Kadeshi, nọ lẹ Gálili; yẹle alì ẹka ẹku atajẹ nri, nọkota iya nù; mẹ mkpụkpu Hamonu; yẹle alì ẹka ẹku atajẹ nri, nọkota iya nù; mẹ mkpụkpu Kiriyaatayimu; yẹle alì ẹka ẹku atajẹ nri, nọkota iya nù.

<sup>77</sup> Ndu phọduru nù l'eri Merari bẹ e shi l'alì ipfu Zebulun keta mkpụkpu Rimonu; yẹle alì ẹka ẹku atajẹ

1 Iphe, ndu eze meru 6:78 22 1 Iphe, ndu eze meru 7:4

nri, nọkota iya nụ; mę mkpụkpu Tabọ; yẹle alị ẹka ẹku atajẹ nri, nọkota iya nụ woru nụ.

<sup>78</sup> E shi l'alị ipfu Rúbẹnu, nọ l'azu ẹnyimu Jiọdanu azu iya ophuu l'uzo ẹnyanwu-awawa mkpụkpu Jieriko nụ phẹ mkpụkpu Beza, nọ l'echiegu; yẹle alị ẹka ẹku atajẹ nri, nọkota iya nụ; mę mkpụkpu Jiahazu; yẹle alị ẹka ẹku atajẹ nri, nọkota iya nụ; <sup>79</sup> mę mkpụkpu Kedemotu; yẹle alị ẹka ẹku atajẹ nri, nọkota iya nụ; mę mkpụkpu Mefahatu; yẹle alị ẹka ẹku atajẹ nri, nọkota iya nụ.

<sup>80</sup> E shi l'alị ipfu Gadu nụ phẹ mkpụkpu Ramatu, nọ l'alị Giladu; yẹle alị ẹka ẹku atajẹ nri, nọkota iya nụ; mę mkpụkpu Mahanayimu; yẹle alị ẹka ẹku atajẹ nri, nọkota iya nụ; <sup>81</sup> mę mkpụkpu Hẹshibonu; yẹle alị ẹka ẹku atajẹ nri, nọkota iya nụ; mę mkpụkpu Jiaza; yẹle alị ẹka ẹku atajẹ nri, nọkota iya nụ.

## 7

### *Oshilọkpa Isaka*

<sup>1</sup> Ụnwu Isaka bu Tola; mę Puwa; mę Jiashubu; mę Shimuronu. Ẹphe tukuru du ụmadzu ẹno.

<sup>2</sup> Ụnwu ke Tola bu Uzi; mę Refaya; mę Jieriyelu; mę Jiahumayi; mę Ibusamu; mę Sámẹlu. Ẹphe bukota ndu-ishi l'ẹnya-unuphu nna phẹ, bu Tola. Ẹphe bukota ndu ojogu, ike du l'ogbo nkephẹ. Teke Dévidi shi buru eze be ẹphe du ụkporo unu ugbo labọ l'unu nemadzu ugbo iri l'ishii l'ụkporo iri.

<sup>3</sup> Nwa ke Uzi bu Izurahiya. Ụnwu nwoke Izurahaya bu Mayikelu; mę Obedaya; mę Jiowelu; mę Ishaya. G'ẹphe hakota ẹphe n'ise tukuru bukotaruru ndu-ishi l'ẹhu l'ẹhu.

<sup>4</sup> Ẹphe lụshiru unwanyi igwerigwe; nwushia unwu igwerigwe. L'eri nkephẹ l'ẹnya unuphu nna phẹ be e nweru ụkporo unu ugbo ẹno l'unu ụmadzu iri, buchaa ndu sụwaru eje ọgu.

1 Iphe, ndu eze meru 7:5 23 1 Iphe, ndu eze meru 7:13

<sup>5</sup> Ipfu Isaka l'ophu; mbụ ẹn̄ya unuphu phẹ mẹ abụbu phẹ bẹ ndu bụ ojogu dū ụkporo ụnu ugbo iri; l'unu nemadzu ugbo iri l'ēsaa l'ụkporo iri; mbụ ẹgube e deru iya l'ẹkwo, e deshiru g'e shiru nwụa phẹ.

*Oshil*Okpa Benjaminu

<sup>6</sup> Ụnwu Benjaminu bụ Bela; mẹ Beka; mẹ Jiediyẹlu. Ẹphe dū ụmadzu ẹto.

<sup>7</sup> Ụnwu kẹ Bela bụ Ẹzubonu; mẹ Uzi; mẹ Uzẹlu; mẹ Jierimotu; mẹ Iri. Ẹphe tukuroru dū ụmadzu ise; bụchaaru ndu-ishi l'ẹn̄ya unuphu ibe nna phẹ; bya abụkotaru ndu ike dū l'ogu. L'ẹkwo, e deshiru g'e shiru nwụa phẹ bẹ ẹphe dū ụkporo ụnu ugbo labo; l'unu ugbo iri l'ise; l'ụkporo l'iri l'eno.

<sup>8</sup> Ụnwu kẹ Beka bụ Zemira; mẹ Jiowashi; mẹ Eliyẹza; mẹ Eliyowenayi; mẹ Omuri; mẹ Jieremotu; mẹ Abáyijia; mẹ Anatotu; mẹ Alemetu. G'ẹphe ha tukuroru bụkotaru ụnwu Beka. <sup>9</sup> L'ẹkwo, e deru g'e shi nwụa phẹ bẹ ẹphe dū ụkporo ụnu ugbo labo; l'unu iri l'ụkporo iri. Ẹphe bụkota ndu-ishi l'ẹn̄ya unuphu ibe nna phẹ; bya abụkotaru ndu ojogu.

<sup>10</sup> Nwa Jiediyẹlu bụ Bilihanu. Ụnwu kẹ Bilihanu bụ Jieyushi; mẹ Benjaminu; mẹ Ehudu; mẹ Kenana; mẹ Zetanu; mẹ Tashishi; mẹ Ahishaha. <sup>11</sup> Ụnwu Jiediyẹlu ono g'ẹphe ha bụkota ndu-ishi l'ẹn̄ya unuphu ibe nna phẹ; bya aburu ndu ojogu. Ndu sụwaru eje ogo bẹ dū ụkporo ụnu ugbo labo l'unu ẹto. <sup>12</sup> Shupimu mẹ Hupimu bẹ bụ ụnwu Iri; Hushimu bụru nwa Aha.

*Oshil*Okpa Nafutali

<sup>13</sup> Ụnwu Nafutali bụ Jiahazẹlu; mẹ Guni; mẹ Jieza; mẹ Shalumu. Ẹphe bụ eri Biliha.

*Oshil*Okpa Manáse

1 Iphe, ndu eze meru 7:14 24 1 Iphe, ndu eze meru 7:26

<sup>14</sup> Ụnwu Manáse bụ: Asụrelu, onye ọp̄hu nwanyị Arámu, ọ t̄o l̄udu ọkpobe al̄ulu nw̄utaru iya; m̄e Makiya, bụ nna Giladu. <sup>15</sup> Makiya bya al̄uaru Hupimu ȳele Shupimu nwanyị. Ẹpha nwune Makiya k̄e nwanyị bụ Maka. Ẹpha onye k'ẹbo b̄uru Zelofehadu. Zelofehadu b̄e bụ ụnwanyị b̄e ọ nw̄ushiru kpoloko.

<sup>16</sup> Nyee Makiya ono, ẹpha iya bụ Maka b̄e nw̄utaru nwa nwoke; bya aḡube iya P̄reshi. Ẹpha nwune P̄reshi b̄uru Sh̄reshi. Ụnwu P̄reshi b̄uru Ulamu waa R̄ekemu.

<sup>17</sup> Nwa k̄e Ulamu bụ Bedanu. Ndu ono bụ eri Giladu. Giladu bụ nwa Makiya; Makiya b̄uru nwa Manáse.

<sup>18</sup> Nwune iya nwanyị, bụ Hamoleketu b̄e nw̄utaru Ishodu; m̄e Abiyeza; m̄e Mahula.

<sup>19</sup> Ụnwu k̄e Shemida bụ Ahayanu; m̄e Sh̄ekemu; m̄e Likih; m̄e Anayamu.

#### *Oshil*ọkpa Ifuremu

<sup>20</sup> Ifuremu bụ nna Shutela; Shutela b̄uru nna B̄eredu; B̄eredu b̄uru nna Tahatu; Tahatu b̄uru nna Eleyada; Eleyada b̄uru nna Tahatu; <sup>21</sup> Tahatu b̄uru nna Zabadu; Zabadu b̄uru nna Shutela. Eza waa Eleyadu b̄e jeru ezita oshi ẹku l̄e mkp̄ukpu Gatu; ndu a nw̄uru l'ẹka ono gude ph̄e gbushia. <sup>22</sup> Nna ph̄e, bụ Ifuremu raa ẹkwa ph̄e n̄o ọdu; ụnwunna iya ph̄e bya akp̄oru iya iphu. <sup>23</sup> Ifuremu byakwa ejepfu nyee ya ọzo; ọ ts̄uta ime nw̄u nwa nwoke. Ẹpha, ọ ḡuru iya bụ Beraya; k̄ele ẹjo-iphe nw̄uru l'ibe iya.

<sup>24</sup> Ifuremu b̄e nw̄utaru nwa nwanyị, ẹpha iya bụ Shera. Ọ b̄uru iya kp̄uru mkp̄ukpu B̄etu-Horonu, d̄u l'uzo ns̄uda; ȳele k'isheli; bya akp̄ua mkp̄ukpu Uzenu-Shera.

<sup>25</sup> Onye nwoke ọzo, Ifuremu nw̄utaru bụ Refa. Refa bụ nna Resh̄efu; Resh̄efu b̄uru nna Tela; Tela b̄uru nna Tahanu; <sup>26</sup> Tahanu b̄uru nna Ladanu; Ladanu b̄uru nna



1 Iphe, ndu eze meru 7:27 25 1 Iphe, ndu eze meru 7:39

Amihudu; Amihudu b̄uru nna Elishama; <sup>27</sup> Elishama b̄uru nna Nunu; Nunu b̄uru nna Jioshuwa.

<sup>28</sup> Alì, b̄u nkeph̄e; mb̄u ẹka ẹphe bu ebubu b̄u mkp̄ukpu B̄etelu; m̄e mkp̄ukpu, n̄o-pheru iya mgburugburu; je akpaa l̄e mkp̄ukpu Naranu, l'uzo ẹnyanwu-awawa; m̄e mkp̄ukpu Geza, d̄u l'uzo ẹnyanwu-ariba; yele mkp̄ukpu, n̄okota iya n̄u; m̄ewaro mkp̄ukpu Sh̄ekemu; m̄e mkp̄ukpu, n̄okota iya n̄u; waa mkp̄ukpu Aya; m̄e mkp̄ukpu, n̄okota iya n̄u.

<sup>29</sup> Ndu buru kwas̄eru oke alì ụnwu Manás̄e b̄u mkp̄ukpu B̄etu-Shanu; m̄e Tanaku; m̄e Megido; m̄e D̄oru; m̄e iphe, b̄u mkp̄ukpu d̄ukota iya n̄u.

Mkp̄ukpu ono g'ọ ha b̄u oshilokpa Jiós̄efu, b̄u nwa Ízurelu buk̄ota iya.

### *Oshilokpa Asha*

<sup>30</sup> Ụnwu nwoke Asha b̄u Imuna; m̄e Ishiva; m̄e Ishivi; m̄e Beraya. Nwune ph̄e k̄e nwan̄yì b̄u Sera.

<sup>31</sup> Ụnwu Beraya b̄u Heba; m̄e Maluk̄elu, b̄u nna Biruzayitu.

<sup>32</sup> Heba b̄u nna Jiafuleti; m̄e Shoma; m̄e Hotamu. Nwune ph̄e k̄e nwan̄yì b̄u Shuwa.

<sup>33</sup> Ụnwu Jiafuleti k̄e nwoke b̄u Pasaku; m̄e Bimuhalu; m̄e Ash̄uvatu. Noo ụnwu Jiafuleti b̄u ono.

<sup>34</sup> Ụnwu Shema b̄u Ahi; m̄e Rohuga; m̄e Huba; m̄e Arámu.

<sup>35</sup> Ụnwu nwoke k̄e Hel̄emu b̄u Zofa; m̄e Imuna; m̄e Shelesh̄i; m̄e Amalu.

<sup>36</sup> Ụnwu Zofa b̄u Suwa; m̄e Han̄efa; m̄e Shuwalu; m̄e Beri; m̄e Imura; <sup>37</sup> m̄e Beza; m̄e Hodu; m̄e Shama; m̄e Shilusha; m̄e Ituranu; m̄e Bera.

<sup>38</sup> Ụnwu Jieta b̄u Jiefune; m̄e Pisupa; m̄e Ara. <sup>39</sup> Ụnwu Ula k̄e nwoke b̄uru Ara; m̄e Han̄elu; m̄e Riz̄iya.

1 Iphe, ndu eze meru 7:40 26 1 Iphe, ndu eze meru 8:13

<sup>40</sup> Ndu ono g'ephe ha bukota eri Asha. Ephe bukota ndu-ishi l'anya unuphu ibe nna phe; buchaaru ndu a horu ahoho; bya aburu ndu ojogu; buchaaru ndu-ishi. L'ekwo, e deru g'e shi nwua phe be ephe tukoru du ukporo unu ugbo eto l'unu ise, bu ndu suwaru eje ogu.

## 8

### *Ipfu Benjaminu*

<sup>1</sup> Benjaminu bu Bela bu okpara iya; Ashibelu, bu nwa iya nodu etsota iya; Ahara buru onye k'eto; <sup>2</sup> Nohahu, buru k'eno. Onye k'ise buru Rafa.

<sup>3</sup> Unwu Bela bu Adaru; me Gera; me Abihudu; <sup>4</sup> me Abishuwa; me Nemanu; me Ahowa; <sup>5</sup> me Gera; me Shefufanu; waa Huramu.

<sup>6</sup> Unwu Ehudu bukota ndu-ishi l'anya unuphu ibe ndu shi buru le mkpukpu Geba. Ole a chitaru phe lashia mkpukpu Manahatu. <sup>7</sup> Epha phe bu: Nemanu; me Ahayijia; me Gera, bu onye chitaru phe nu; bya aburu iya bu nna Uza waa Ahihudu.

<sup>8</sup> Shaharayimu be nwutaru unwu l'ali ndu Mowabu g'o chifucharu unyomu iya, bu Hushimu yele Bara. <sup>9</sup> Nwanyi ozo, o luru, epha iya bu Hodeshu bya anwutaru iya Jobabu; me Zibiya; me Mesha; me Malukamu; <sup>10</sup> me Jieyuzu; me Sakaya; me Mirima. Ndu ono bukota unwu iya; teme ephe bukotaruru ndu-ishi l'anya unuphu phe. <sup>11</sup> O shikwapho l'eka Hushimu nwuta Abitubu yele Elupalu.

<sup>12</sup> Unwu Elupalu bu: Eba; me Mishamu; me Shemedi, bu onye bu iya metaru mkpukpu ono, bu Ono; waa Lodu; me mkpukpu, dukota iya nu.

<sup>13</sup> Beraya; me Shema be bu ndu-ishi l'anya unuphu ndu bu le mkpukpu Ajialonu; buru phe chifuru ndu shi buru le Gatu.

<sup>14</sup> Ụnwu Beriya bụ Ahiyo; mę Shashaku; mę Jier-emotu; <sup>15</sup> mę Zebadaya; mę Aradu; mę Eda; <sup>16</sup> mę Mayikelu; mę Ishupa; mę Jioha.

<sup>17</sup> Ụnwu Ẹlupalu bụ Zebadaya; mę Meshulamu; mę Hiziki; mę Heba; <sup>18</sup> mę Ishimerayi; mę Izulaya; mę Jiobabu.

<sup>19</sup> Ụnwu Shimeyi bụ Jiakimu; mę Zikiri; mę Zabudi; <sup>20</sup> mę Eliyenayi; mę Ziletayi; mę Eliyẹlu; <sup>21</sup> mę Adaya; mę Beraya; mę Shimuratu.

<sup>22</sup> Ụnwu kę Shashaku bụ Ishupanu; mę Eba; mę Eliyẹlu; <sup>23</sup> mę Abudonu; mę Zikiri; mę Hananu; <sup>24</sup> mę Hananaya; mę Elamu; mę Anatotayijia; <sup>25</sup> mę Ifudeya; mę Penuwẹlu.

<sup>26</sup> Ụnwu kę Jierohamu bụ Shamusherayi; mę Sheharaya; mę Atalaya; <sup>27</sup> mę Jiareshaya; mę Elayijia; mę Zikiri.

<sup>28</sup> Ndu ono bukota ndu-ishi l'enyanya-unuphu nna phę; ęgube e deru iya l'ekwo, e deshiru g'e shiru nwua phę. Ẹka ęphe bu bụ lę Jierusalẹmu; bụgbaaru ndu-ishi.

<sup>29</sup> Nna ndu Gibiyonu, bụ Jieyẹlu bụ lę Gibiyonu bę o bu. Ẹpha nyee ya bụ Maka. <sup>30</sup> Okpara iya bụ Abudonu. O gbę teke ono nwua Zuru; mę Kishi; mę Belu; mę Nadabu; <sup>31</sup> mę Gedo; mę Ahiyo; mę Zeka; <sup>32</sup> mę Mikulotu. Mikulotu bụ nna Shimeya. Ẹphebedua bę bukubekwapho unwunna phę lę Jierusalẹmu.

<sup>33</sup> Nęru bụ nna Kishi; Kishi bụru nna Sọlu; Sọlu bụru nna Jionatanu; mę Malukishuwa; mę Abinadabu; mę Eshibelu. <sup>34</sup> Nwa, Jionatanu nwutaru bụ Meribu-Belu; Meribu-Belu bụru nna Mayika.

<sup>35</sup> Ụnwu Mayika bụ Pitonu; mę Męleku; mę Tareya; mę Ẹhazu. <sup>36</sup> Ẹhazu bụ nna Jiehowada; Jiehowada bụru nna Alemetu; mę Azumavetu; mę Zimiri. Zimiri bụru

1 Iphe, ndu eze meru 8:37 28 1 Iphe, ndu eze meru 9:5

nna Moza; <sup>37</sup> Moza bụru nna Bineya; Bineya bụru nna Rafa; Rafa bụru nna Eleyasa; Eleyasa bụru nna Azẹlu.

<sup>38</sup> Azẹlu bẹ nwutaru unwoke ishii. Epha phẹ bụ Azurikamu; mẹ Bokeru; mẹ Ishimẹlu; mẹ Sheyaraya; mẹ Obedaya; mẹ Hananu. Ndu ono g'ẹphe ha bụkota ụnwu Azẹlu. <sup>39</sup> Ụnwu kẹ nwune iya nwoke, bụ Eshẹku bụ: Ulamu, bụ iya bụ ọkpara iya; Jieyushi bụ k'ẹbo; Elifẹletu bụru k'ẹto.

<sup>40</sup> Ụnwu Ulamu bụkota ndu ojogu, ike dū; bụru ndu maru k'apfū. Ephe nwushiru ụnwu igwerigwe bya enweru ụnwu nwanwa. Iphe, epha tukurorū dū bụ ụkporo ẹsaa l'iri. Ndu ono g'ẹphe ha tukurorū bụkotaru oshilokpa Benjiaminu.

## 9

*Ndu a kpuru lẹ ndzụ laa Babilonu, alwa azụ lẹ Jierusalẹmu*

<sup>1</sup> Noo ya; e deshikota epha ndu Ízurelu l'ophu l'ekwo g'e shi nwua phẹ. G'ẹphe ha bẹ e deshiru l'ekwo ndu eze ndu Ízurelu.

Ndu Jiuda bẹ a kpuru lẹ ndzụ laa Babilonu; kẹle epha mesweru Chileke. <sup>2</sup> Ndu mbụ, vuchakpoo ụzo bya ebubaaru ọzo l'alị ono, bụ nkephẹ ono; mbụ lẹ mkpukpu phẹ ono bụ ndu Ízurelu; mẹ ndu-uke Chileke; mẹ ndu Lívayi; mẹ ndu ejeje ozi l'eze-ulo Chileke.

<sup>3</sup> Ndu ophi bụ ndu Jiuda; mẹ ndu Benjiaminu; mẹ ndu Ifuremu; mẹ ndu Manáse, bu lẹ Jierusalẹmu bụ: <sup>4</sup> Utayi, bụ nwa Amihudu; Amihudu bụru nwa Omuri; Omuri bụru nwa Imuri; Imuri bụru nwa Bani; Bani shi l'eri Pérezu, bụ nwa Jiuda.

<sup>5</sup> A bya lẹ ndu ophi shi l'eri Shilo; o bụru Asaya, bụ iya bụ ọkpara; mẹ ụnwu iya.

1 Iphe, ndu eze meru 9:6 29 1 Iphe, ndu eze meru 9:16

<sup>6</sup> A bya lẹ ndu ọp̄hu shi l'eri Zera; ọ b̄uru Jiyuw̄elu. Ndu shi l'eri Jiuda bẹ d̄u ụnu nemad̄z̄u l'ụkp̄oro iri l'ẹno; l'ụmad̄z̄u iri.

<sup>7</sup> A bya lẹ ndu ọp̄hu shi l'eri Benjaminu; ọ b̄uru Salu, b̄u nwa Meshulamu; Meshulamu b̄uru nwa Hodavaya; Hodavaya b̄uru nwa Hasenuwa; <sup>8</sup> tẹme waa Ibunayijia, b̄u nwa Jierohamu; m̄ẹ Ela, b̄u nwa Uzi; Uzi b̄uru nwa Mikiri; m̄ẹ Meshulamu, b̄u nwa Shefataya; Shefataya b̄uru nwa Ruw̄elu; Ruw̄elu b̄uru nwa Ibunayijia.

<sup>9</sup> Ndu shi l'eri Benjaminu bẹ d̄u ụnu nemad̄z̄u ugbo lab̄o; l'ụkp̄oro ẹsaa l'ụmad̄z̄u iri l'ishii. G'ẹp̄he ha b̄uḡbaa ishi l'ẹnya-unup̄hu ibe nna ph̄ẹ.

<sup>10</sup> A bya lẹ ndu-uke Chileke; ọ b̄uru Jiedaya; m̄ẹ Jiehoyaribu; m̄ẹ Jiakinu; <sup>11</sup> m̄ẹ Azaríya, b̄u nwa Hilikaya; Hilikaya b̄uru nwa Meshulamu; Meshulamu b̄uru nwa Zad̄oku; Zad̄oku b̄uru nwa Merayotu; Merayotu b̄uru nwa Ahitubu, b̄u onye-ishi ụlo Chileke. <sup>12</sup> Onye ọzo b̄u Adaya, b̄u nwa Jierohamu; Jierohamu b̄uru nwa Pash̄o; Pash̄o b̄uru nwa Malukayijia; m̄ẹ Masayi, b̄u nwa Adiȳelu; Adiȳelu b̄uru nwa Jiahuzera; Jiahuzera b̄uru nwa Meshulamu; Meshulamu b̄uru nwa Meshilemitu; Meshilemitu b̄uru nwa Ima.

<sup>13</sup> Ndu b̄u ab̄ubu ndu-uke Chileke ono; mb̄u ndu-ishi l'ẹnya unup̄hu ibe nna ph̄ẹ bẹ d̄u ụnu ẹno l'ụkp̄oro ụmad̄z̄u ẹsato. Ẹp̄he b̄u ndu ike d̄u l'ẹje ozi, d̄u l'ulo Chileke.

<sup>14</sup> A bya lẹ ndu ọp̄hu b̄u eri Lívayi; ọ b̄uru Shemaya, b̄u nwa Hashubu; Hashubu b̄uru nwa Azurikamu; Azurikamu b̄uru nwa Hashabaya, b̄u onye shi l'eri Merari; <sup>15</sup> tẹme waa Bak̄ubaka; m̄ẹ H̄ẹreshi; m̄ẹ Galalu; m̄ẹ Matanaya, b̄u nwa Maȳika; Maȳika b̄uru nwa Zikiri; Zikiri b̄uru nwa Asafu; <sup>16</sup> m̄ẹ Obedaya, b̄u nwa Shemaya; Shemaya b̄uru nwa Galalu; Galalu b̄uru nwa Jiedutunu; waa Berekaya,

1 Iphe, ndu eze meru 9:17 30 1 Iphe, ndu eze meru 9:26

bụ nwa Asa; Asa bụru nwa Ẹlukana, bụ onye bu ị nwa mkpụkpu ndu Netofa.

<sup>17</sup> A bya ị ndu nche eze-ulo Chileke; ọ bụru Shalumu; mę Akubu; mę Talumonu; mę Ahimanu; mę unwune phę. Shalumu bụ onye-ishi phę. <sup>18</sup> Ẹka e doberu phę g'ephe che nche bụ Ọnu-oguzo Eze, nọ laaru ụzo ẹnyanwu-awawa; mbụ bya asụ ntanụ-a. Ọo ephebedua shi echeje ẹka eeshije abahụ l'ẹka ndu Lívayi bu.

<sup>19</sup> Shalumu bụ nwa Kore; Kore bụru nwa Ẹbyasafu; Ẹbyasafu bụru nwa Kora. Shalumu yęle unwunna iya, bụ iya bụ ndu ẹnya unuphu phę, bụ unwu Kora bę o shi dụ l'ẹka; mbụ eche ẹka eeshije abahụ l'ulo-ekwa Chipfu. Nokwaphọ gę nna phę shi eche ẹka eeshije abahụ l'ẹka Chipfu bu.

<sup>20</sup> Ị nte teke ndiche bụ Finehasu nwa Eleyaza shi bụru onye-ishi phę. Chipfu shi swiru iya eswiru.

<sup>21</sup> Zekaraya, bụ nwa Meshelemaya bę shikwaphọ eche ọnu ẹka eeshije abahụ l'ulo-ekwa-ndzukọ ono.

<sup>22</sup> Iphe, bụkota ndu a họtaru g'ephe cheje nche l'ọnu ẹka eeshije abahụ ono bę dụ ụkporo ụmadzu iri l'ụmadzu iri l'ẹbo. E dekọtaru ẹpha phę l'ekwo, e deshuru g'e shiru nwụa phę ị mkpụkpu ị mkpụkpu phę. Ọ Dévidi yęle Sámẹlu, bụ onye aphuje ọphulenyia bę woru ozi ono ye phę l'ẹka; kẹle ephe bụ ndu gbaru g'e gude ire phę ẹka. <sup>23</sup> Ọo ya bụ; ọ bụru ephe l'unwu phę bę ọ dụ l'ẹka g'ephe cheje nche ẹka eeshije abahụ l'ulo Chipfu, bụ iya bụ ulo-ekwa. <sup>24</sup> Ndu nche ono anọdukotaje ị mgburęku ẹno k'eze-ulo ono. Ephe anọduje l'uzo ẹnyanwu-awawa; nọdu l'uzo ẹnyanwu-arịba; nọdu l'uzo isheli; mę ụzo ndohali. <sup>25</sup> Unwunna phę eshije l'ime mkpụkpu bya echebude phę nche abalị ẹsaa. Ọ bụru g'ephe emeje iya bụ ono tekenteke kpọo.

<sup>26</sup> Ụmadzu ẹno, shi l'eri Lívayi, bụ ndu-ishi nche ono

1 Iphe, ndu eze meru 9:27 31 1 Iphe, ndu eze meru 9:34

bẹ anọdujeepho l'ozì phẹ mkpürumkpuru. Ọo phẹ bẹ echeje mkpuru; mẹ ụlo, aakwakọbeje ẹku l'ụlo Chipfu. <sup>27</sup> Ẹphe anọ-pheje eze-ụlo Chileke ono mgburugburu; kwaa akwakwa; noo kẹle ọo ẹphebedua anọduje eche ẹka ono nche; tẹme ọ bụru phẹ aguhaje ụlo ono l'utsu g'utsu.

<sup>28</sup> L'ime phẹ bẹ o nweru ndu ọphu eleta ẹnya l'ivu, eegudeje eje ozi l'eze-ụlo Chileke. Ọo ẹphebedua bẹ agụje iya ọgu lẹ teke a chibataru iya; mẹ lẹ teke a chifuru iya achifu. <sup>29</sup> O nweru ndu ọphu a tukwarupho ẹka g'ẹphe bụru ndu-ishi, eleta ngwa, du l'eze-ụlo ono ẹnya; mẹ ivu, dukota nsọ; mẹ ukpokutu iphe; mẹ mẹvayinu; mẹ manụ; mẹ ụnwù-isensu; mẹ manụ, eshi mkpọ. <sup>30</sup> O nweru ndu-uke Chileke ono, ozi phẹ bụ g'ẹphe gwakọbeje manụ, eshi mkpọ.

<sup>31</sup> Onye Lívayi, ẹpha iya bụ Matitaya; mbụ ọkpara Shalumu, bụ eri Kora bẹ bụ ozi nkiya bụ eghe iphe, bukpo iphe, egheje egheghe lẹ gbamugbamu. <sup>32</sup> Nokwaphọ g'o nweru ụnwunna phẹ, bụ eri Kohatu, ọ du l'ẹka mbụ eme buredi, eedobeje l'iphu Chileke, bụ iya bụ buredi eswe atuta-unme.

<sup>33</sup> E nwekwarupho ndu ọgbo ebvu. Ẹphe bụgbaa ndu-ishi l'ẹnya unuphu ibe nna phẹ l'ipfu Lívayi. Ẹka ẹphe bu ebubu bụ l'eze-ụlo Chileke. O to nwedu ozi ọzo, a gụru phẹ ye; noo kẹle ẹphe anọduje l'ozì eswe l'enyashi.

<sup>34</sup> Ndu ono g'ẹphe ha bẹ bukota ndu-ishi l'ẹnya-unuphu ndu Lívayi; noo g'e deru iya l'ẹkwo, e deshìru g'e shìru nwua phẹ. Ẹphe bụgbaa ndu-ishi, bu lẹ Jierúsalem.

*Eri Sọlu*  
(1Iphe 8:29-38)

1 Iphe, ndu eze meru 9:35 32 1 Iphe, ndu eze meru 10:4

<sup>35</sup> Jieyelu, bu nna Gibiyonu, bu onye bu le mkpukpu Gibiyonu. Epha nyee ya bu Maka. <sup>36</sup> Okpara iya bu Abudonu. O gbete teke ono nwua Zuru; me Kishi; me Belu; me Neru; me Nadabu; <sup>37</sup> me Gedo; me Ahiyo; me Zekaraya; me Mikulotu. <sup>38</sup> Mikulotu bu nna Shimeyamu. Ephebedua be bukubekwapho unwunna phe le Jierusalemu.

<sup>39</sup> Neru bu nna Kishi; Kishi buru nna Solu; Solu buru nna Jionatanu; me Malukishuwa; me Abinadabu; me Eshibelu. <sup>40</sup> Nwa, Jionatanu nwutaru bu Meribu-Belu; Meribu-Belu buru nna Mayika.

<sup>41</sup> Unwu Mayika bu: Pitonu; me Meleku; me Tahureya; me Ehazu. <sup>42</sup> Ehazu bu nna Jiara; Jiara buru nna Alemetu; me Azumavetu; me Zimiri. Zimiri buru nna Moza; <sup>43</sup> Moza buru nna Bineya; Bineya buru nna Refaya; Refaya buru nna Eleyasa; Eleyasa buru nna Azelu.

<sup>44</sup> Azelu be nwutaru unwoke ishii. Epha phe bu Azurikamu; me Bokeru; me Ishimelu; me Sheyaraya; me Obedaya; me Hananu. Ndu ono bukota unwu Azelu.

## 10

*Anwuhu Solu yee unwu iya*  
*(1Sam 31:1-13)*

<sup>1</sup> Tobudu iya bu; ndu Filisitayinu wata etso ndu Izurelu ogu; ndu Izurelu yeru phe okpa l'oso. E gbushia igw-erigwe ndu Izurelu l'ubvu Gilubowa. <sup>2</sup> Ndu Filisitayinu chipfuru Solu waa unwu iya ehuka ehuka. Ephe gbua unwu iya, bu Jionatanu; me Abinadabu; waa Malukishuwa. <sup>3</sup> Ogu ono kpohu oku mebyi ekpohu l'ibe iya ophu Solu no; ndu apfu chipyabe Solu woru apfu gbaa ya; meka iya iphe. <sup>4</sup> Solu su onye achijeru iya ngwogu: "Mifuta ogu-echi ngu nmagbua mu; a -nonyaa nu ndu ono, ebuduru ubvu ono rwua bya emeru iphere kpua mu."



Ọle onye ono, achijeru iya ngwọgu ono bẹ ndzụ agu; ọp̄hu o kwedu nmagbua ya. Ọo ya bụ; Sọlu woru ogu-echi iya gha igharaphu; woru ẹpho chie ya. <sup>5</sup> Onye achijeru Sọlu ngwọgu ono hụmaep̄ho lẹ Sọlu nwụhuwaru; ọ daf̄ua l'eli ogu-echi nkiya nwụhufua. <sup>6</sup> Ọo ya bụ; Sọlu yẹle ụnwu iya ẹphe n'eto; mẹ ndibe iya tuko g'ẹphe ha nwụshihukota. <sup>7</sup> Ndu Ízurelu ndu ọp̄hu bu lẹ nsuda bya ahụmaep̄ho lẹ ndu ojọgu yewaru ọkpa l'oso; tẹme lẹ Sọlu yẹle ụnwu iya bẹ nwụshihuwaru nụ; ẹphe haa mkpukpu phẹ gbalachaa; ndu Filisitayinu bya ebuchia ya.

<sup>8</sup> O beep̄ho lẹ nchitabọhu iya; gẹ ndu Filisitayinu byaru g'ẹphe yeshia ndu ono, e gburu l'ọgu ono iphe, ẹphe yeru l'ẹhu; ẹphe hụma odzu Sọlu yẹle ụnwu iya g'ẹphe dabyigbaaru l'úbvú Gilubowa. <sup>9</sup> Ẹphe yeshia Sọlu iphe, o yeru l'ẹhu; bya egbuta iya ishi; chikoo ngwọgu iya; bya eye ndu-ozì g'ẹphe jedzuru alì Filisitayinu mgburugburu je arakashia ya k'ọp̄hu agwa phẹ mẹ ndiphe a-nụma-dzuru iya. <sup>10</sup> Ẹphe woru ngwọgu Sọlu je edobe l'ulo agwa phẹ; woru ishi iya kobe l'ulo agwa, bụ Dagonu. <sup>11</sup> O be teke ndu bu lẹ mkpukpu Jiabeshi-Giladu nụmaerupho iphemiphe ono, ndu Filisitayinu meru Sọlu ono; <sup>12</sup> unwoke l'ọp̄hu, bụ ndu ọkpehu dū lẹ mkpukpu ono tuko wufu je apata odzu Sọlu yẹle k'ụnwu iya palata mkpukpu Jiabeshi. Ẹphe lia ọkpu phẹ l'upfu eze oshi, dū lẹ Jiabeshi; bya aswĩa ẹgu abalì ẹsaa.

<sup>13</sup> Sọlu bẹ nwụhuru nụ; kẹle o mesweru Chipfu. O to meduru iphe, Chipfu pfuru; tẹme o jee l'aji l'éká ndu maa g'ẹphe kpọ-ziaru iya ụzo; <sup>14</sup> ọp̄hu ọ tọ kpataduru Chipfu ishi. Ọo ya bụ; Chipfu woru iya gbua; woru alì-eze ono nū Dévidi, bụ nwa Jiesi.

## 11

*Eeme Dévidi eze ndu Ízurẹlu l'ophu*  
*(2Sám 5:1-10)*

<sup>1</sup> Tọbudu iya bu; ndu Ízurẹlu l'ophu tuko wu-pfuta Dévidi lẹ mkpukpu Hẹburonu bya asu iya: “Anyi lẹ ngu tukoru buru mee lanu waa ogwehu lanu. <sup>2</sup> Teke Solu shi buru eze; be bukwa gubedua shi edujeru ndu Ízurẹlu eje ejeje; alwa alwalwa l'ogu. Teme o buru ngu be Chipfu, bu Chileke ngu suru l'oo ngu a-nodu eche ndu nkiya, bu ndu Ízurẹlu g'onye eche aturu; mbu l'oburu ngu a-buru onye-ishi phe.” <sup>3</sup> Oo ya bu: iphe, bu ndu bu ogerenya Ízurẹlu bya awu-pfu eze, bu Dévidi lẹ Hẹburonu; ephe l'iya gbaa ndzu l'iphu Chipfu; ephe wua Dévidi manu g'o buru eze ndu Ízurẹlu; egube ono, Chipfu shi l'onu Samẹlu pfua ya ono.

<sup>4</sup> Dévidi yele ndu Ízurẹlu l'ophu wuru jeshia ugu lẹ Jierúsalem, bu iya bu Jiebusu. Ndu Jiebusu be bu phe bu l'ali ono. <sup>5</sup> Ndu Jiebusu ono su Dévidi: “I ti byadu adu ike bata l'eka-a.” Ole Dévidi mechaleru-a lwuta eka a kpushiru ike, no l'eli ubvu Zayonu, mecharu buru mkpukpu Dévidi. <sup>6</sup> Dévidi be pfuhawaru su l'onye bu iya vuchakpo uzo gbua onye Jiebusu be a-buru ishi; teme onye obu abukwarupho onye-ishi ndu ojogu. Jiowabu; nwa Zeruya vuru uzo tugbua; oo ya bu; o bya aburu onye-ishi ono. <sup>7</sup> Dévidi woru unuphu kwaa l'eka ono, a kpushiru ike ono. E kuahaa ya mkpukpu Dévidi. <sup>8</sup> O kpu igbulu mkpukpu ono mgburugburu. O shi l'agbarike igbulu mkpukpu ono kpu ya jeye l'igbulu ono gededede. O buwaruro Jiowabu be dozi-fufuaru eka phoduru lẹ mkpukpu ono. <sup>9</sup> Dévidi nodu aka ike ejekpopho; kele Chipfu, bu Okalibe-Kakota-Ike swiru iya eswiru.

1 Iphe, ndu eze meru 11:10 35 1 Iphe, ndu eze meru 11:18

*Ndu a maru amaru* 1e ndu ojogu Dévidi  
(2Sám 23:8-39)

<sup>10</sup> Waa ndu-ishi 1e ndu ojogu Dévidi baa; mbu ndu epehe 1e ndu Ízurèlu l'ophu turu íkè yeru Dévidi Okpobe eyeru l'aba-eze iya; teme o buru phe tugbaru mee ya eze; egube ono, Chipfu kweru ndu Ízurèlu ukwe iya ono.

<sup>11</sup> Waa epha ndu ojogu, ike kakota 1e ndu ojogu Dévidi baa: Jiashobamu, bu onye Hakumonu. Oo ya shi buru onye-ishi umadzu eto, kachakpo mkparawa. O gudeje arwa iya jepfu umadzu ukporo iri l'ise ogo; gbushikota phe l'ugbo lanu.

<sup>12</sup> Onye ophu etsota iya nu bu Eleyaza nwa Dodo; onye shi l'eri Ahowa. Yebedua yikwapho l'umadzu eto ono, kachakpo mkparawa ono. <sup>13</sup> O tso Dévidi ndu 1e Pasu-Damimu 1e teke ono, ndu Filisitayinu dzukoberu k'ogu l'eka ono. O nweru egu, a kuru bali; o buru l'eka ono be ndu Ízurèlu yeru Okpa l'Oso gbalaaharu ndu Filisitayinu agbala. <sup>14</sup> Yebedua yee Dévidi pfushiepho ike l'echilabo egu ono; tsoo ndu Filisitayinu ogo; gbushia phe. Chipfu mee; epehe lwu-kpee k'ophu paru eka apaa.

<sup>15</sup> Umadzu eto l'ime ukporo umadzu l'umadzu iri, bugbaa ndu-ishi ogo wuru jepfu Dévidi 1e mkpuma, no l'ogba Adulamu. Ikpoto ndu Filisitayinu wufuta bya adoru 1e nsuda Refayimu. <sup>16</sup> Teke ono be Dévidi no l'ime eka o kpuru; o shihu ike. Ndu ojogu ndu Filisitayinu doru 1e mkpukpu Betulehemu. <sup>17</sup> Egu-mini wata agushi Dévidi ike; o su: "Oowa-e; o du mu g'a su l'o nweru onye gbè je ekutaru mu mini 1e welu ono, no-kube eka eeshije abahu 1e Betulehemu ono ge mu ngua!" <sup>18</sup> Noo ya; unwoke eto ono kpata uzo ghata ndu ojogu ndu Filisitayinu l'eka epehe doru ono; je ekuta mini 1e welu ono, no-kube l'eka ono, eeshije abahu 1e Betulehemu ono; wotaru Dévidi. Ode Dévidi te ekwedu ngua mini ono;

1 Iphe, ndu eze meru 11:19 36 1 Iphe, ndu eze meru 11:28

o woru iya wushiaru Chipfu; <sup>19</sup> bya asu: “Tuswekwa! Jiko Chileke; te ekwekwa ge mu mee egube iphe owa-a. ? Mini-a ta aduada ge mee ndu-a, woru ndzu phe tsebe l'onu eta g'ee-shi g'e kuta iya-a too?” Oo ya bu; ophu o nguduru mini ono. Noo ehuka ehuka, unwoke eto ono, kachakpo mkparawa ono meru bu ono.

<sup>20</sup> Abishayi, bu nwune Jiowabu nwa Zeruya bu onye-ishi umadzu eto ono. Abishayi be gudeje arwa jepfu umadzu ukporo iri l'ise ogu; gbushikota phe; e shiwaro nno; a maru epha iya ge k'umadzu eto ono. <sup>21</sup> Oo yebedua be a kachaa akwabe ubvu l'ime umadzu eto ono. O bu ru yebedua bu onye-ishi phe; ole a ta gukwanuru iya ye l'umadzu eto ono.

<sup>22</sup> Benaya nwa Jiehojada bu onye okpehu du shii. Eka o shi bu Kabuzelu. O meru ehuka k'ophu paru eka apaa. Oo yebedua gburu unwoke Mowabu labo ono, okpehu du-be g'oduma ono. O bukwaru iya pho jejeru egbua oduma l'ime nsu le mboku, akamini, kpukoru akpuko dashiru. <sup>23</sup> Benaya gbujekwarupho nwoke Ijiputu, du nkwo-eka ise l'ogologo. Arwa, nwoke ono pa l'eka be ha g'oshi, onye ekwe ekwa egudeje ekwe ekwa. Obenu l'iphe, yebedua gude bapfu iya bu mgboro; bya anata nwoke Ijiputu ono arwa, o gude l'eka; gude nmagbua ya. <sup>24</sup> Noo okpehu, Benaya nwa Jiehojada meru bu ono. E shiwaro nno; a maru epha iya ge k'umadzu eto pho, kachakpo mkparawa pho. <sup>25</sup> O bu onye a kwatakporu akwabe ubvu l'ime ukporo umadzu l'umadzu iri pho. Ole a ta gukobeduru iya l'ime umadzu eto pho. Dévidi meru iya onye-ishi le ndu ojogu, eche iya nche.

<sup>26</sup> Epha ndu ono, ike du l'ogu ono bu: Asahelu, bu nwune Jiowabu; waa Eluhananu nwa Dodo ke Betulehemu; <sup>27</sup> waa Shamotu ke Haroru; waa Helezu ke Pelonu; <sup>28</sup> waa Ira nwa Ikeshi ke Tekowa; waa Abiyeza ke

1 Iphe, ndu eze meru 11:29 37 1 Iphe, ndu eze meru 12:2

Anatotu; <sup>29</sup> waa Sibekayi ke Husha; waa Ilayi, bu onye shi l'eri Ahowa; <sup>30</sup> waa Maharayi ke Netofa; waa Heledu nwa Bana ke Netofa; <sup>31</sup> waa Itayi nwa Ribayi ke Gibiya, du l'alì ndu Benjiaminu; waa Benaya ke Piratonu; <sup>32</sup> waa Hurayi, shi l'uzo nggele Gashi; waa Abiyelu ke nsuda Jiordanu; <sup>33</sup> waa Azumavetu ke Baharumu; waa Eliyahuba ke Shalubonu; <sup>34</sup> waa unwu Hashemu ke Gizonu; waa Jionatanu nwa Shage ke Hararu; <sup>35</sup> waa Ahayamu nwa Saka ke Hararu; waa Elifalu nwa Uru; <sup>36</sup> waa Hefa ke Mekera; waa Ahayijia ke Pelonu; <sup>37</sup> waa Hezuro ke Kamelu; me Narayi nwa Ezubayi; <sup>38</sup> waa Jiowelu, bu nwune Netanu; waa Mibuha nwa Hagiri; <sup>39</sup> me Zeleku, bu onye Amonu; waa Naharayi ke Berotu, bu onye achijeru Jiowabu nwa Zeruya ngwogu; <sup>40</sup> waa Ira ke Itiru; waa Garebu ke Itiru kwapho; <sup>41</sup> waa Uraya, bu onye Hetu; me Zabadu nwa Ahulayi; <sup>42</sup> waa Adina nwa Shiza, bu onye okpa-ipfu Rubenu. Oo ya bu onye-ishi ndu ke Rubenu; bya aburu iya bu onye-ishi ndu ojogu ukporo l'iri, ephe l'iya tukoru nodu. <sup>43</sup> Me Hananu nwa Maka; waa Jioshafatu ke Mitanu; <sup>44</sup> waa Uzaya ke Ashitoretu; waa Shama yele Jieyelu, bu unwu Hotamu, bu onye Arowa; <sup>45</sup> waa Jiediyelu nwa Shimiri; Jioha, bu nwune iya. Ephe bu ndu Tizu; <sup>46</sup> me Eliyelu, bu onye Mahava; waa Jieribayi yele Jioshavaya, bu unwu Elunamu; me Ituma ke Mowabu; <sup>47</sup> me Eliyelu; me Obedu; me Jiasiyelu, bu onye Mezoba.

## 12

*Ndu ojogu, shi l'ipfu Benjiaminu*

<sup>1</sup> Waa ndu byapfutaru Dévidi le mkpukpu Zikulagu bu owa; teke Solu nwa Kishi meru iya ophu o kpadu ntusarehu. Ndu ono yi le ndu ojogu, yetaru iya aka l'ogu. <sup>2</sup> Ephe chi uta; bya amaru g'eegudeje ekutara

1 Iphe, ndu eze meru 12:3 38 1 Iphe, ndu eze meru 12:14

waa ekicha agba apfu; ozo atu mkpuma. Epe bu abubu Solu, bu ndu shi l'ipfu Benjaminu. <sup>3</sup> Onye-ishi phe bu Ahiyeza; onye ozo buru Jiowashi. Epe tukoru buru unwu Shema, bu onye mkpukpu Gibiya; teme waa Jieziyelu; me Peleti, bu unwu Azumavetu; me Beraka; me Jiehu ke mkpukpu Anatotu. <sup>4</sup> Ishimaya, bu onye mkpukpu Gibiyonu yiru iya. O bu onye okpemu du, tso le ndu ojogu ukporo l'iri pho; temanu o buru iya bu onye-ishi phe; me Jieremaya; me Jiahaziyelu; me Jiohananu; me Jiozabadu, bu onye mkpukpu Gedera; <sup>5</sup> me Eluzayi; me Jierimotu; me Beyalaya; me Shemaraya; me Shefataya ke mkpukpu Harufu. <sup>6</sup> Ndu ozo bu Elukana; me Ishaya; me Azarelu; me Jioweza; me Jiashobamu, bu onye shi l'eri Kora; <sup>7</sup> me Jiowela; me Zebadaya, bu unwu Jierohamu ke mkpukpu Gedo.

*Ndu ojogu, shi l'ipfu Gadu*

<sup>8</sup> A bya l'ipfu Gadu; o duru ndu ophu bufuru onwophe jepfu Dévidi l'eka a kpushiru ike l'echiegu. Ndu obu bu ndu okpemu du; buru ndu ojogu, k'ogu doru enya; buru ndu aduje ike paru iphe, eegudeje egbobuta onwonye l'ogu; me arwa. Epe gbaru igiri igiri g'oduma; bya emebe barabara ge mgbada, no l'ubvu. <sup>9</sup> Onye-ishi phe bu Eza; onye k'ebo bu Obedaya; onye k'eto bu Eliyabu; <sup>10</sup> onye k'eno buru Mishimana; onye k'ise buru Jieremaya; <sup>11</sup> onye k'ishii bu Atayi; onye k'esaa buru Eliyelu; <sup>12</sup> onye k'esato bu Jiohananu; onye ke tete buru Eluzabadu; <sup>13</sup> onye k'iri bu Jieremaya; onye k'iri le nanu buru Makubanayi.

<sup>14</sup> Ndu ipfu Gadu ono bukota ndu-ishi ojogu l'ehu l'ehu. Onye ophu enya kachaa alwalwa l'ime phe bu onye-ishi ndu ojogu ukporo ise; onye ophu kakota ike l'ime phe buru onye-ishi unu ndu ojogu labo l'ukporo

1 Iphe, ndu eze meru 12:15 39 1 Iphe, ndu eze meru 12:19

iri. <sup>15</sup> Oo ndu ono dajeru enyimu Jiordanu l'onwa ke mbu; le teke o byajeru utso sofuta l'onu iya; je achikashia iphe, bu ndu bukota le nsuda nsuda je akpaa l'uzo enyanwu-awawa; me l'uzo enyanwu-ariba.

*Ndu ojogu*, shi l'ipfu Benjaminu; me ipfu Jiuda

<sup>16</sup> O nwekwarupho ndu ophu shi l'ipfu Benjaminu; me l'ipfu Jiuda; jepfuru Dévidi l'eka ono, a kpushiru ike ono.

<sup>17</sup> Dévidi lufu je agba phe ndzuta bya asu phe; "O -buru l'oo nchi-odoo be unu gude byapfuta mu g'unu yeru mu eka; be obu mu l'unu a-tugbakwa-a buru nanu. Teke o bu l'iphe, unu byaru bu g'unu seru mu ye l'eka ndu ohogu mu; l'ebe abu l'eka mu du l'ejo-iphe; be bukwa ge Chileke ke nna anyi phe lee ya enya; gbọoru unu uja."

<sup>18</sup> Tọbudu iya bu; unme Chileke bya Amasayi, bu onyeshi ndu ojogu ukporo l'iri pho l'ehu; o su:

"Anyi bukwa nkengu Dévidi!

Anyi turu ikè yeru gube

nwa Jiesi!

Ge nchi dukwa ngu doo!

Ge nchi dukwa ngu doo!

Ge nchi dukwa ndu

yeru ngu eka doo;

Noo kele Chileke ngu e-yeru

ngu eka."

Oo ya bu; Dévidi nata phe; bya emee phe ndu-ishi ndu ojogu o-lwua-olaa nkiya.

*Ndu ojogu*, shi l'ipfu Manáse

<sup>19</sup> O nwekwarupho ndu shi l'ipfu Manáse, bukafuru tsoru Dévidi le teke ono, yele ndu Filisitayinu swi jepfu Sọlu ogu ono. Ole Dévidi mechaaru; ophu o to yetaeduru ndu Filisitayinu eka; kele ndu-ishi phe chichaaru idzu; bya achifu iya g'o to tsoshiru phe. Ephe su l'ishi phe

1 Iphe, ndu eze meru 12:20 40 1 Iphe, ndu eze meru 12:28

e-je; mę Dévidi bukafu tsoru nnajiuphu iya, bu Sölu.  
20 O buru gę Dévidi eje mkpukpu Zikulagu bę ndu ipfu Manáşe-a wu-pfutaru iya; mbu Aduna; mę Jiozabadu; mę Jiediyelu; mę Mayikelu; mę Jiozabadu; mę Elihu; mę Ziletayi. Ndu ono bukota ndu-ishi, bu ishi unu ndu ojogu labo l'ukporo iri iri l'ipfu Manáşe. 21 Epe yetaru Dévidi eka tsoo ndu o-lwua-olaa ogu. Epe bukota ndu ojogu, ike du; teme epe buru ndu-ishi le ndu ojogu iya. 22 Mbokumboku bę ndu nemadzu anoduje abya g'ephe yetaru Dévidi eka; jasuru epe buru ikpoto ndu ojogu, du gę ndu ojogu Chileke.

Gę ndu ojogu Dévidi ha

23 Owaa bu unwoke ole, epe du mbu ndu ono kwaru onwophe ngwogu k'ogu; mbu ndu ono, byapfutaru Dévidi le mkpukpu Hęburonu g'ephe nafu Sölu ali-eze ono woru nu Dévidi; egube ono, Chipfu pfuru l'oo-du ono.

24 Ndu k'ipfu Jiuda; mbu ndu pa iphe, e gude egbobuta onwonye; mę arwa bę du unu iri l'ęsaa;\* bukotaru ndu kwaru ngwogu.

25 Ndu k'ipfu Simiyonu bę du unu ndu ojogu iri l'ęsaa l'ukporo iri l'ise; bukotaru ndu ojogu, ike du k'ogu.†

26 Ndu k'ipfu Lıvayi bę du unu iri le nanu l'ukporo umadzu iri;‡ 27 yekoberu Jiehojada, bu onye-ishi onu-ulo Eronu. Ndu epe l'iya swi bę du unu tete l'ukporo ise.§ 28 Teme waa Zadoku, bu nwokorobyia bya aburu onye ojogu, ike du l'alwu ogu. Ndu-ishi ndu ojogu, shi l'onulo nna iya bę du ukporo l'ębo.

---

\* 12:24 12:24 Iphe, o bu bę bu 6,800. † 12:25 12:25 Iphe, o bu bę bu 7,100. ‡ 12:26 12:26 Iphe, o bu bę bu 4,600. § 12:27 12:27 Iphe, o bu bę bu 3,700.



1 Iphe, ndu eze meru 12:29 41 1 Iphe, ndu eze meru 12:36

<sup>29</sup> Ndu k'ipfu Benjiaminu, bu iya bu abubu Solu be du unu esaa l'ukporo umadzu iri.\* Ndu ophu ka igwerigwe l'ime phe be tukwaduru ike yeru Solu jeye teke ono.

<sup>30</sup> Ndu k'ipfu Ifuremu be du ukporo unu ugbo labo; l'unu iri l'ebo;† bukotaru ndu ojogu, ike du; teme ephe buru ndu a maru ephe phe l'anya unuphu ibe nna phe.

<sup>31</sup> Le nkeru-ebo ipfu Manase be ephe du ukporo unu ugbo labo l'unu ise.‡ Ndu ono bu ndu e wofutaru ephe phe g'ephe bya etsoru mee Dévidi eze.

<sup>32</sup> Ndu k'ipfu Isaka be bukota ndu k'ogu doru enya; ephe makotaru iphe, gbaru ge ndu Izurelu mee ya. Ephe du ukporo iri;§ bukotaru ndu-ishi. Ndu abubu phe nodu phe l'eka.

<sup>33</sup> Ndu k'ipfu Zebulun be du ukporo unu ugbo ishii; l'unu umadzu ise;\* bukotaru ndu maru k'ogu shii; teme ephe nweru ngwogu, du iche iche. Ephe gude obu lanu bya g'ephe yeru Dévidi eka.

<sup>34</sup> Ndu k'ipfu Nafutali be du unu labo l'ukporo iri;† bukotaru ndu-ishi ndu ojogu. Ndu tso phe nu be du ukporo unu ugbo eno l'unu umadzu iri l'ebo l'ukporo iri;‡ buru ndu pa iphe, e gude egbobuta onwonye; me arwa.

<sup>35</sup> Ndu k'ipfu Danu be du ukporo unu ugbo eto l'unu iri le nanu l'ukporo iri;§ bukotaru ndu k'ogu doru enya.

<sup>36</sup> Ndu k'ipfu Asha be du unu ukporo ise;\* bukotaru ndu maru k'ogu shii; buru ndu kwakoberu k'ogu.

---

\* 12:29 12:29 Iphe, o bu be bu 3,000. † 12:30 12:30 Iphe, o bu be bu 20,800. ‡ 12:31 12:31 Iphe, o bu be bu 18,000. § 12:32 12:32 Iphe, o bu be bu 200. \* 12:33 12:33 Iphe, o bu be bu 5,000. † 12:34 12:34 Iphe, o bu be bu 1,000. ‡ 12:34 12:34 Iphe, o bu be bu 37,000. § 12:35 12:35 Iphe, o bu be bu 28,600. \* 12:36 12:36 Iphe, o bu be bu 40,000.

1 Iphe, ndu eze meru 12:37 42 1 Iphe, ndu eze meru 13:2

<sup>37</sup> Ndu k'ipfu Rúbenu; me ndu k'ipfu Gadu; me ndu ke nkeru-ebo ipfu Manase, bu iya bu ndu k'ono, bu l'azu enyimu Jiordanu azu iya ophuu be du unu ukporo ugbo iri l'ise;† buru ndu nweru ngwogu, du iche iche.

<sup>38</sup> Ndu ojogu ono g'ephe ha be kwakotaru ngwogu l'ehu l'ehu. Ephe gudekota obu phe g'o ha byapfuta Dévidi le mkpukpu Hẹburonu g'ephe mee ya eze ndu Ízurẹlu l'ophu. O kwapho egube ono be obu ndu Ízurẹlu ophuu bukota nanu g'e mee Dévidi eze ono. <sup>39</sup> Ndu ono be ephe le Dévidi noru abali eto l'eka ono. Ephe nodu eri; bya angu; noo kele ndibe phe tukoru phe nri eriri. <sup>40</sup> Nokwapho ge ndu obutobu phe; je akpaa le ndu shi l'ipfu Isaka; me l'ipfu Zebulun; me l'ipfu Nafutali kebegbaaru nri l'eli nkafu-igara vutaru phe; me l'eli inya-kamelu; me l'eli inya-mulu; mekpoo l'eli oke-eswi. Nri du k'etsusu iya; mbu utu-ereshi; me echa-figu; me wopfulaa akpuru vayinu, a miru amimi; me me; me manu; me eswi; me aturu; kele ehutu be jiru Ízurẹlu ejji.

## 13

### *Eedobe Okpoko Chileke l'ibe*

Óbedu-Edomu

*(2Sám 6:1-11)*

<sup>1</sup> Todbu iya bu; Dévidi bya ejepfu ndu-ishi, unu ndu ojogu labo l'ukporo iri iri; me ndu-ishi ukporo ndu ojogu ise ise g'ephe l'iya chia idzu. <sup>2</sup> Dévidi bya epfuaru edzudzu-oha ndu Ízurẹlu su phe: “O -buru l'o du unu ree; teme o buru uche Chipfu, bu Chileke anyi; g'anyi zikwaa ozi g'o rwukota unwune anyi phe nchi l'ali Ízurẹlu l'ophu; zikwaa ya pho ndu-uke Chileke; me

† 12:37 12:37 Iphe, o bu be bu 120,000.

1 Iphe, ndu eze meru 13:3 43 1 Iphe, ndu eze meru 13:13

ndu Lívayi, yẹe phẹ tukuru buru lẹ mkpukpu phẹ l'ẹka eechije ẹku; g'ẹphe bya g'anyi l'ẹphe tuko tugba; <sup>3</sup> mbu g'anyi je apalata okpoko Chileke anyi ono; kele teke Sọlu shi buru eze be anyi ta akpaduru ishi iya.” <sup>4</sup> Ndzuko ono l'ophu kwetakota g'e mee ya nno; kele iphe ono bu iphe, du ree l'enya ndu ono l'ophu g'e mee ya.

<sup>5</sup> Oo ya bu; Dévidi bya akpakọ-dzua Ízurelu l'ophu; shita l'enyimu Shihọ l'alì Ijiputu jeye l'ẹka eeshije abahu mkpukpu Hamatu; g'ẹphe je apafuta okpoko Chileke ono lẹ mkpukpu Kiriyatu-Jiarimu. <sup>6</sup> Dévidi yele ndu Ízurelu l'ophu zaru jeshia mkpukpu Bala, bu iya bu Kiriyatu-Jiarimu, no l'alì Jiuda g'ẹphe je apalata okpoko Chileke ono; mbu okpoko ono, a guru ẹpha Chipfu ono; mbu onye ono, aba-eze iya no lẹ mgbaka chierobu ono. <sup>7</sup> Ẹphe bya apafuta okpoko Chileke ono l'ulo Abinadabu paru tukobe l'eli ogba-kperekpere ophuu. O buru Uza waa Ahiyo be anga ogba-kperekpere ono. <sup>8</sup> Dévidi yele ndu Ízurelu l'ophu tuko gude ike phẹ g'o ha ete eswa l'iphu Chileke. Ẹphe nodu agu ebvu; akpo ogumogu; me une; bya aku nkwa; me ogelenda; egbu opu eye iya.

<sup>9</sup> Ẹphe rwuepho ẹka eechishije eswa lẹ balì lẹ Kidonu; Uza tufu ẹka ge ya wokobe okpoko Chileke ono; kele eswi, alokpu ogba-kperekpere, a tukoberu iya ono be vukotaru iphe. <sup>10</sup> Chipfu tukoshi Uza ehu-eghu iya; woru iya chigbua; kele o tufuru ẹka denyi l'okpoko ono. Oo ya bu; o nodu l'ataphu Chileke l'ẹka ono nwuhu. <sup>11</sup> Ehu daa Dévidi ke dzuu; kele oke-eghu-eghu Chipfu dapfutaru Uza. A nodu ekuje ẹka ono Pérezu-Uza byasu ntanu.

<sup>12</sup> Oo ya bu; ndzu Chileke guhu Dévidi lẹ mboku ono. O su: “?Denu ge mu e-shi bya aparu okpoko Chileke-a dobe l'unuphu ibe mu?” <sup>13</sup> Ophu Dévidi apalataeduru okpoko Chileke ono lẹ mkpukpu Dévidi. O buru iphe,

Ọ gbẹchia mee bụ l'ọ pataru iya je edobe l'ibe Óbẹdu-Edọmu, bụ onye Gatu. <sup>14</sup> Okpoko Chileke ono yẹe ndibe Óbẹdu-Edọmu nọo l'unuphu iya ọnwa ẹto. Chipfu kebe ndibe Óbẹdu-Edọmu l'ọma; mękpoo iphemiphe, o nweru enweru.

## 14

### *Ndibe Dévidi*

<sup>1</sup> Tọbuda iya bụ; Hiram, bụ eze ndu Taya bya eye ndu-ozu iya g'ẹphe vutaru Dévidi oshi sida; bya eyekwapho ndu edoje ẹja ọlo; mę ndu kapyinta; ẹphe tuko swiru; g'ẹphe je akpọaru Dévidi ọlo. <sup>2</sup> Dévidi bya amaru ẹ Chipfu bę mewaru gę ya nguru anguru l'aburu eze ndu Ízurelu; tẹme l'alị-eze iya bę e gudewaa iswi ẹhu ndu nkiya ono, bụ Ízurelu palia imeli.

<sup>3</sup> No iya; Dévidi bya alushibaa unwanyi igwerigwe ẹ Jierúsalem; bya anwushibaa unwegirima; unwoke mę unwanyi. <sup>4</sup> Waa ẹpha unwegirima, a nwushiru iya ẹ Jierúsalem baa: Shamuwa; mę Shobabu; mę Nétanu; mę Sólomonu; <sup>5</sup> mę Ibuha; mę Elishuwa; mę Ẹlupeletu; <sup>6</sup> mę Noga; mę Nefegu; mę Jiafiya; <sup>7</sup> mę Elishama; mę Beluyada; mę Elifeletu.

### *Dévidi alwu-kpee ndu Filisitayinu* (2Sám 15:11-16)

<sup>8</sup> Ndu Filisitayinu bya anumaepho l'a wuwaru Dévidi manụ l'ishi g'ọ buru eze ndu Ízurelu l'ophu; ẹphe tuko g'ẹphe ha jeshia ya egude k'ẹhuka. Dévidi numa iya; bya ejepfushia phe. <sup>9</sup> Teke ono bę ndu Filisitayinu byawaru egwee tutua ẹ nsuda Refayimu. <sup>10</sup> Oo ya bụ; Dévidi bya eje ajita Chileke su: “?Bụ gę mu jepfu ndu Filisitayinu ọgu tọo? ?Ii-woru phe-a ye mu l'eka?”

1 Iphe, ndu eze meru 14:11 45 1 Iphe, ndu eze meru 15:3

Chipfu yeeru iya Ọnu sụ iya: “JerỌo ya; mu e-woru phẹ-a ye ngu l'ẹka.”

<sup>11</sup> Ọo ya bụ; Dévidi waa ndu nkiya jeshia mkpụkpu Belu-Perazimu; je alwụ-kpee phẹ l'ẹka ono. Ọ sụ; “Ọo g'ukporo-mini ekpoje-a bụ gẹ Chileke shiwaa l'ẹka mu kpota ndu ọhogu mu.” Ọo ya meru g'o gude a gụa ẹka ono Belu-Perazimu. <sup>12</sup> Ndu Filisitayinu gbadochaa agwa phẹ l'ẹka ono. Dévidi tụa ekemu g'a kpọo ya ọku.

<sup>13</sup> E mechaa; ndu Filisitayinu byakwa egwee tụtua ẹ nsụda ono ọzo. <sup>14</sup> Dévidi byakwa eje ajịta Chileke ọzo; Chileke sụ iya: “Te eshikwa phẹ atatiphu nhamunha; shichia okotazụ gbaa phẹ mgburugburu l'iphu ẹka ono, oshi balusamu pfụgbaaru ono tsoo phẹ ọgu. <sup>15</sup> Teke unu bebeerupho nụma iphe, ada g'igiji ọkpa l'eli oshi balusamu ono; unu emekebe egwegwa jeshia alwụ ọgu; noo kẹle ọo teke ono bẹ Chileke vutawaru unu ụzo g'unu je egbushia ndu ojọgu ndu Filisitayinu.” <sup>16</sup> Noo ya; Dévidi mee pho gẹ Chileke ziru iya. O shiepho ẹ mkpụkpu Gibiyọnu gbushia ndu ojọgu ndu Filisitayinu jasụ ẹ mkpụkpu Geza. <sup>17</sup> Tọbudu iya bụ; ụdù Dévidi tuko mgboko l'ophu ngakọta. Chipfu mee; ọhamoha nọdu atsukota iya ebvu.

## 15

*Aapafu* okpoko Chileke l'ibe Ọbẹdu-Edọmu

<sup>1</sup> Dévidi bya akpụshichaaru onwiya ụlo ẹ mkpụkpu Dévidi; bya e dozia ẹka okpoko Chileke a-dụ; bya akpọberu iya ụlo-ẹkwa. <sup>2</sup> Tọbudu iya bụ; Dévidi sụ: “Ọ tọ dudu onye ọzo, a-parụ okpoko Chileke; gbahaephō ndu Lívayi; noo kẹle ọo ephe bẹ Chipfu họtaru g'ephe pajẹ okpoko Chipfu ono; waa g'ephe jeru iya ozi jeyewarọya.”

<sup>3</sup> Dévidi bya ekukọbe ndu Ízurẹlu g'ephe ha ẹ Jierúsalem; g'ephe je apata okpoko Chipfu ono bya

1 Iphe, ndu eze meru 15:4 46 1 Iphe, ndu eze meru 15:16

edobe l'ẹka ono, ọ kwakọberu iya g'ọo-dụ ono. <sup>4</sup> O kukọbe oshilọkpa Erọnu; mẹ ndu Lívayi. <sup>5</sup> Oshilọkpa Kohatu, o kuru bẹ dụ ụkporo ụmadzu ishii. Ọ bụru Uriyẹlu bụ onye-ishi phẹ. <sup>6</sup> Oshilọkpa kẹ Merari bẹ dụ ụkporo ụmadzu iri lẹ nanụ. Ọ bụru Asaya bụ onye-ishi phẹ. <sup>7</sup> Oshilọkpa kẹ Geshọnu bẹ dụ ụkporo ishii l'ụmadzu iri. Ọ bụru Jiowẹlu bụ onye-ishi phẹ. <sup>8</sup> Oshilọkpa kẹ Elizafanu bẹ dụ ụkporo ụmadzu iri. Ọ bụru Shemaya bụ onye-ishi phẹ. <sup>9</sup> Oshilọkpa Hẹburonu bẹ dụ ụkporo ụmadzu ẹno. Ọ bụru Eliyẹlu bụ onye-ishi phẹ. <sup>10</sup> Oshilọkpa Uzẹlu bẹ dụ ụkporo ise l'ụmadzu iri l'ẹbo. Ọ bụru Amínadabu bụ onye-ishi phẹ.

<sup>11</sup> Tọbudu iya bụ; Dévidi bya ekua Zadọku; yẹle Abyiy-ata, bụ ndu-uke Chileke; mẹ Uriyẹlu; mẹ Asaya; mẹ Jiowẹlu; mẹ Shemaya; mẹ Eliyẹlu; mẹ Amínadabu, bụ ndu Lívayi. <sup>12</sup> Ọ sụ phẹ: “Ọo unubẹdua bụ ndu-ishi l'ẹnya unuphu ibe nna unu l'ipfu Lívayi. Unu je edobe onwunu nsọ; unu l'unwunna unu phẹ; k'ọphu unu a-pata okpoko Chipfu, bụ Chileke kẹ Ízurẹlu bya edobe l'ẹka mu kwakọberu iya g'ọ dụ. <sup>13</sup> Ọo kẹle ọ tọ bụdu unubẹdua bẹ pataru iya lẹ mbụ phọ; bẹ Chipfu, bụ Chileke gude tukoshi anyi ẹhu-eghu phọ; kẹle anyi ta ajítaduru iya g'e-gude paa ya; k'ọphu anyi a-pa iya g'ọ sụru g'apajẹ iya.”

<sup>14</sup> Ọo ya bụ; ndu-uke Chileke ono; mẹ ndu Lívayi ono bya edoo onwophẹ nsọ; k'ọphu ẹphe e-je apata okpoko Chipfu, bụ Chileke kẹ Ízurẹlu ono. <sup>15</sup> Ndu Lívayi ono bya atukoru oshi, e gude apa okpoko Chileke ono l'ukuvu gude parụ iya, bụ iya bụ gẹ Mósisu tọru iya l'ekemu; mbụ ẹgube Chipfu pfuru iya.

<sup>16</sup> Tọbudu iya bụ; Dévidi bya asụ ndu-ishi ndu Lívayi g'ẹphe tụa unwunna phẹ ẹka g'ẹphe bụru ndu a-nọdu agụ ebvu; mbụ gude ngwa-ebvu, bụ une; mẹ ogumogu; mẹ ogelenda; mbụ g'ẹphe gude ẹhu-ọtso gushia ebvu

1 Iphe, ndu eze meru 15:17 47 1 Iphe, ndu eze meru 15:25

ike. <sup>17</sup> Oo ya bu; ndu Lívayi bya atúa Hemanu; nwa Jiowèlu éka; mē Asafu; nwa Berekaya, bu onye lanu l'unwunna iya; mē Etanu; nwa Kushaya, bu oshilokpa Merari. <sup>18</sup> Unwunna phē ọzo, ephe hōtaru tsobe phē bu Zekaraya; mē Jiaziyèlu; mē Shemiramotu; mē Jiehiyèlu; mē Uni; mē Eliyabu; mē Benaya; mē Maseya; mē Matitaya; mē Elifelehu; mē Mikuneya; mē Óbèdu-Edomu; mē Jieyèlu, bu ndu nche onu-oguzo. <sup>19</sup> Ndu ono agụ ebvu agụgu ono, bu iya bu Hemanu; mē Asafu; mē Etanu bē anọduje akụ ogelenda, e meru l'onyrubvu. <sup>20</sup> Zekaraya; mē Aziyèlu; mē Shemiramotu; mē Jiehiyèlu; mē Uni; mē Eliyabu; mē Maseya; mē Benaya bụru phē a-nọdu akpọ ogumogu g'ọ daję gengengu.

<sup>21</sup> Matitaya; mē Elifelehu; mē Mikuneya; mē Óbèdu-Edomu; mē Jieyèlu; mē Azazaya bụru ndu akpọ une g'ọ daję zinguzingu.

<sup>22</sup> Kenanaya, bu onye-ishi ebvu ndu Lívayi bē bu iya a-nọdu akpọ-zi k'ebvu ono; kẹle o doru iya ẹnya.

<sup>23</sup> Berekaya; yẹle Ełukana bụru ndu nche onu éka okpoko Chileke nọ.

<sup>24</sup> Shebanaya; mē Jioshafatu; mē Netanèlu; mē Amasayi; mē Zekaraya; mē Benaya; mē Eliyéza, bu phē bu ndu-uke Chileke bē a-nọdu egbu opu l'atatiphu okpoko Chileke ono. Óbèdu-Edomu waa Jiehaya bē a-bukwarupho ndu nche onu éka okpoko ono nọ.

### *Aapalata okpoko Chileke*

lę Jierúsalemu

*(2Sám 6:12-22)*

<sup>25</sup> Oo ya bu; Dévidi; mē ndu bu ogerenya ndu Ízurèlu; mē ndu-ishi unu ndu ojọgu labọ l'ukporo iri iri wube; gude ehu-utso jeshia apata okpoko oğbandzu Chipfu ono

1 Iphe, ndu eze meru 15:26 48 1 Iphe, ndu eze meru 16:6

l'ibe Óbèdu-Edòmu. <sup>26</sup> Èphe gbua oke-eswi ẹsaa waa ebili ẹsaa; kẹle Chileke bẹ eyetaru ndu Lívayi ono, pa okpoko ọgbandzu Chipfu ono ẹka. <sup>27</sup> Dévidi yee akpawuru uwe ọchaa; mẹkpoo ndu Lívayi ono, apa okpoko ono; mẹkpoo ndu ebvu; mẹ Kenanaya, bụ onye-ishi ebvu ono. Dévidi nmakwarupho ẹkwa ọchaa l'upfu. <sup>28</sup> Noo ya; ndu Ízurẹlu l'opfu nọdu apalata okpoko ọgbandzu Chipfu ono; akpọ okwe etso iya; apfu upyi; bya egbu opu; akụ nkwa; bya egude ogumogu mẹ une azụ ebvu.

<sup>29</sup> A nọdu apabata okpoko ọgbandzu Chipfu ono lẹ mkpukpu Dévidi; nwada Sọlu, ẹpha iya bụ Mikalu pyofu ẹnya lẹ windo; hụma eze, bụ Dévidi g'ọonma-lihuje anmalihu ete ebvu; ọ nmaa ya phulaphula l'ime obu iya.

## 16

<sup>1</sup> Ọo ya bụ; ẹphe pabata okpoko Chileke ono; woru iya dobe l'ime ọlo-ẹkwa ono, Dévidi kpọberu g'e dobe iya ono. Èphe bya egweshia ngweja-akpọ-ọku; mẹ ngweja-ẹhu-guu l'ipfu Chileke. <sup>2</sup> Dévidi gweghechaepho ngweja-akpọ-ọku ono; mẹ ngweja-ẹhu-guu ono; o gude ẹpha Chipfu gọru ọnu-ọma nū ndu Ízurẹlu. <sup>3</sup> Ọ bya ekeeru ndu ono ishi buredi nanū nanū l'ẹhu l'ẹhu; mẹ akara, e meru l'akpuru oshi detu; mẹ akara, e gheru l'akpuru vayinu; kedzuru iya ndu Ízurẹlu ono l'opfu; unwoke; mẹ unwanyi.

<sup>4</sup> Ọ bya a harū ndu Lívayi họta g'ẹphe jeje ozi l'atatiptu okpoko Chipfu ono; mbụ g'ẹphe rwoje Chileke iphe; mẹ g'ẹphe tuje iya ẹpha; jajẹ Chipfu, bụ Chileke kẹ Ízurẹlu ajaja. <sup>5</sup> Asafu bụ ishi; Zekaraya bụru otsota. Ndu ọzo bụ Jieyẹlu; mẹ Shemiramotu; mẹ Jiehiyẹlu; mẹ Matitaya; mẹ Eliyabu; mẹ Benaya; mẹ Óbèdu-Edòmu; mẹ Jieyẹlu. Èphebedua bẹ a-nọduje akpọ une; mẹ ogumogu. Asafu akụ ogelenda. <sup>6</sup> Benaya yẹle Jiahazyẹlu,



1 Iphe, ndu eze meru 16:7 49 1 Iphe, ndu eze meru 16:13

bụ ndu-uke Chileke bẹ a-nọduje egbu opu tekenteke  
l'atatiphu okpoko Ọgbandzu Chileke ono.

*Ebvu-ekele*

*(Ebvu 105:1-15; 96:1-13; 106:1,47-48)*

<sup>7</sup> Mbọku ono bẹ Dévidi vuru ụzo pfiaru Asafu; mę ndu  
Ọgbo-ebvu iya g'ẹphe gụa ebvu ekele nụ Chipfu.

<sup>8</sup> Unu kele Chipfu ekele;  
unu kua ẹpha iya!

Unu mee g'ọhamoha  
madzuru iphe,  
o meru!

<sup>9</sup> Unu guku iya l'ebvu!  
Unu gụa ebvu gude tua ya ẹpha!  
Unu pfukashikwapho iphe,  
bụkpoo iphe, dụ biribiri,  
Ọonoduje eme!

<sup>10</sup> Unu gude ẹpha iya ono,  
dụ nsọ tua onwunu ẹpha!  
G'obu ndu achọ Chipfu  
teje ẹswa!

<sup>11</sup> Unu wojeru ẹnya dabẹ  
lẹ Chipfu mę ọkpehu iya!  
Unu achọje iphu iya  
mkpụrumkpuru!

<sup>12</sup> Unu nyatakwa iphe,  
dụ biribiri, o mekọtaru;  
waa iphe-Ọhumalenya,  
o meshigbaaru; waa ikpe,  
o kperu;  
<sup>13</sup> unubẹ oshilọkpa Ízurẹlu,  
bụ onye-ozí iya;  
unubẹ ụnwu Jiékọpu,  
bụ ndu o gude ẹka iya họtá!

1 Iphe, ndu eze meru 16:14 50 1 Iphe, ndu eze meru 16:21

14 Ọ kwa iya bụ Chipfu;  
bya abụru Chileke anyi;  
ikpe o kperu tukuru  
mgboko l'ophu sweta.

15 Unu nyatajẹ ọgbandzu iya  
jasuru asuru.

Ukwe-iphe, o kweru bẹ anọje;  
e -shi l'Ọgbo sweru Ọgbo.

16 Ọgbandzu ono,  
yẹle Ébirihamu gbaru ono;  
mbụ angụ ono,  
o riburu Ayizaku ono;  
17 bẹ o meru; ọ bụru  
ekemu l'ẹhu Jiékọpu.

Ndu Ízurelu bẹ o meru iya;  
ọ bụru ọgbandzu,  
a-nọ ojejoje;  
18 sụ phẹ: “Ọo unu bẹ mu  
a-nụ alị Kénanu  
g'ọ bụru okiphe, unu ketarụ.”

19 Teke ono bẹ ẹphe shi habe  
nwahabe; mbụ teke ẹphe  
shi ha nwa chiaka-chiaka;  
bụru ndu lwarụ alwalwa  
l'alị ono.

20 Ẹphe shi etsojeru ọhamoha  
aghaphe.

Ẹphe -shi l'alị-eze ọwa-a;  
ẹphe alufu l'alị-eze ọphuu.

21 Ọphu ọ dudu onye o  
kweru g'o mee phẹ ewere.

Ọ nọdu egudeje opfu ẹhu phẹ  
baarụ ndu eze mba;

1 Iphe, ndu eze meru 16:22 51 1 Iphe, ndu eze meru 16:28

<sup>22</sup> sụ phẹ: “Unu te edenyikwa  
ndibe mu, mu, a wụru manụ,  
ẹka!

Ba adụkwa iphe,  
unu e-me ndu epfuchiru  
mu nụ!”

<sup>23</sup> Unu gụa ebvu nụ Chipfu;  
unubẹ eliphe l'ophu!  
Unu rajẹ iya arara  
mbọkumboku l'ọdzoje  
nemadzụ!

<sup>24</sup> Unu tųaru ndu ọhozo ọnu  
g'ọ dụ-be biribiri!  
Unu epfuaru ndiphe l'ophu iphe,  
dụ biribiri, oomeje!

<sup>25</sup> Noo kẹle Chipfu parụ ẹka;  
bya abụru onye gbaru g'a  
jajẹ iya ajaja.

G'a tsụjekwa iya phọ ebvu  
l'ọ kakọta iphe,  
bụ agwa ndu mgboko  
l'ophu shii.

<sup>26</sup> Kẹle agwa ndiphe l'ophu  
bụkota iphe,  
e gude ẹka mee;  
obenu lẹ Chipfu bụ iya gude  
ẹka iya mee igwe l'onwiya.

<sup>27</sup> Akpabiri yẹe ogbunwịnwii  
bẹ nọ iya l'atatiphu;  
tẹme ọkpehu waa ẹhu-utso  
tụko ẹka o bu sweta.

<sup>28</sup> Unubẹ ipfu l'ipfu,  
dụ lẹ mgboko-a;

1 Iphe, ndu eze meru 16:29 52 1 Iphe, ndu eze meru 16:34

unu kwabẹ Chipfu ùbvù!  
Unu pfua g'ọ dụ-be biribiri;  
yẹe g'ọkpehu iya habe shii!

29 Unu kwabẹ Chipfu ùbvù,  
gbaru ẹpha iya.

Unu gude iphe bya l'iphu iya.  
Unu yee adu nsọ g'onye yeru  
uwe baaru Chipfu ẹja.

30 Unu nmahukwa  
pyaapyaapya l'iphu iya;  
unubẹ eliphe l'ophu.

Mgboko bẹ e mewaru ọ  
nguru anguru;  
ọphu ọ dudu iphe,  
suru iya enwubata.

31 G'imigwe l'ophu tee ẹswa;  
ẹhu atsọo ndiphe l'ophu ọtso!  
G'ẹphe karu ọhamoha l'ọo  
Chipfu bu eze.

32 G'eze-ẹnyimu yẹe iphemiphe,  
nọ iya l'ime tukurukwa tuta  
oke akparamini.

G'ẹgu l'ophu mękpoo iphemiphe,  
nọ iya nu tuko gbọo ọgbool!

33 Noo teke iphe, bu oshi,  
du l'oswa a-gu ebvu ẹhu-utso  
l'iphu Chipfu.

Noo kele ọobyawaa ge ya  
kpee unwu-eliphe ikpe.

34 Unu kele Chipfu ekele  
kele ọ bu onye oma!

N-yemobu nkiya anọje jasụ  
l'ojejeje.

1 Iphe, ndu eze meru 16:35 53 1 Iphe, ndu eze meru 16:42

<sup>35</sup> Unu rarụ kpua ya sụ:

“Dzọnaa anyi; gụbe Chileke,  
bụ onye ndzọta anyi!

Rwukọbenu anyi;

dzọta anyi l'ẹka ndu ọhozo ono;

k'ọphu anyi e-tu ngu ẹpha;

gụbe onye ono,

ẹpha ngu dụ nsọ ono;

gude ajaja, anyi a-ja ngu baa aba.

<sup>36</sup> G'ajaja bụru kẹ Chipfu,

bụ Chileke kẹ Ízurẹlu;

e -shi lẹ gbururu jeye lẹ gbururu.”

Noo ya; ndu Ízurẹlu l'ophu tuko zụkota mgbede sụ:  
“Nokwa g'ọ dụ. G'ajaja bụru kẹ Chipfu.”

### *Eke ozi*

<sup>37</sup> Ọo ya bụ; Dévidi bya ahaa Asafu mẹ ndu ọgbo-ebvu iya l'ataphu okpoko ọgbandzu Chipfu ono; g'ẹphe jeje ozi dụ l'ẹka ono tekenteke; mbụ g'ọ gbarụ g'e jeje iya mbọkumboku. <sup>38</sup> Ọ hakwarụpho Óbẹdu-Edọmu waa ụnwunna iya, dụ ụkporo ẹto l'ụmadzu ẹsato. Óbẹdu-Edọmu nwa Jiedutunu; yẹle Hosa nọdu eche ọnu ẹka ono nche.

<sup>39</sup> Ọ haa Zadọku, bụ onye uke Chileke; waa ụnwunna iya, bụkwapho ndu-uke Chileke g'ẹphe nọdu l'ataphu ụlo mkpu Chipfu, dụ l'ẹka aagwaje iphe lẹ mkpukpu Gibiyonu ono. <sup>40</sup> Ozi phẹ bụ g'ẹphe gwejeru Chipfu ngweja-akpọ-ọku l'ọru-ngweja; eswe l'enyashi; mbụ tekenteke; ẹgube ono, e deru iya l'ẹkwo ekemu, Chipfu tūru nū ndu Ízurẹlu ono. <sup>41</sup> Ndu a guru yeru phẹ bụ Hemanu; mẹ Jiedutunu; mẹwaro ndu a họtaru kua phẹ l'ẹpha l'ẹpha g'ẹphe kejeje Chipfu ekele kẹ n-yemobu iya ono, anọje jasụ l'ojejeje ono. <sup>42</sup> Hemanu; yẹle Jiedutunu

1 Iphe, ndu eze meru 16:43 54 1 Iphe, ndu eze meru 17:8

bẹ egbu opu dūru; mẹ akū ogelenda; mẹwaro ngwa-ebvu ọzo, e gude agū ebvu, dū nsọ. Ụnwu Jiedutunu bẹ bụ ndu eche ọnu-ọguzo.

<sup>43</sup> Tọbudu iya bụ; ndu Ízurẹlu l'ophu wụkashihu lashia ibe phẹ. Dévidi lashia ibe nkiya g'ọ gọru ọnu-ọma nū ndibe iya.

## 17

*Ozi, Nétanu ziru Dévidi*  
(2Sám 7:1-17)

<sup>1</sup> Tọbudu iya bụ; ọ bya ebe teke Dévidi bụkpowa ebubu l'ibe iya; ọ sụ onye mpfuchiru Chileke, bụ Nétanu: “Lenu; mbẹdua bu l'ụlo, e gude oshi sida kpua; okpoko ọgbandzu Chipfu bụru l'ụlo-ẹkwa bẹ ọ nọ.”

<sup>2</sup> Nétanu sụ iya: “Iphe, bụkpoo iphe, dū ngu l'obu; tųgbua je emee ya; lẹ Chipfu bẹ swiru ngu eswiru.”

<sup>3</sup> O be l'enyashi mbọku ono; opfu Chileke kparwuta Nétanu l'ẹhu bya asụ iya: <sup>4</sup> “Je ezia nwozi mu, bụ Dévidi lẹ mụbe Chipfu sụru-a: ‘Ọ tọ bụdu gụbedua bẹ a-kpuru mu ụlo, mu e-buru. <sup>5</sup> E -shi mbọku, mu dufutaru ndu Ízurẹlu l'alị Ijiputu byasụ ntanụ-a bẹ mu te ebujekwaru l'ụlo. Ọo mu -shi l'ụlo-ẹkwa ọwa; mu abahụ l'ụlo-ẹkwa ọzo; mu -shi lẹ mkpu ọwa mu abahụ lẹ mkpu ọzo. <sup>6</sup> L'ẹkameka ono, mu lẹ ndu Ízurẹlu jekotaru ono; ?Ọ dūru teke mu jijeru ndu-ishi ipfu Ízurẹlu; mbụ ndu ono, mu sụru g'ẹphe cheje ndibe mu, bụ Ízurẹlu g'onye eche aturu ono; “?Bụ gūnu meru g'o gude ọphu unu akpuduru mu ụlo sida?” ’

<sup>7</sup> “Sụ nwozi mu Dévidi lẹ-a: ‘Mụbe Ọkalibe-Kakọta-lke, bụ Chipfu sụru-a: Mu dufutaru ngu l'ẹgu; ẹka ẹku atajẹ nri; g'i ti tsophehẹ aturu; g'ị byachia aburu onye a-buru ishi ndibe mu, bụ Ízurẹlu. <sup>8</sup> Mu shi eswijekpọeru

1 Iphe, ndu eze meru 17:9 55 1 Iphe, ndu eze meru 17:16

ngu pho l'ekameka, iije; mu tuko ndu ohogu ngu g'ephe ha gbufu l'iphu ngu. Nta-a be mu e-me epha ngu g'opaa eka g'epha ndu oke amadu, e nwegbaarụ le mgboko. <sup>9</sup> Mu a-nu ndibe mu, bu Izurelu ali eka phe. Mu a-dzabe phe g'oshi l'ali ono; k'ophu epe e-buru l'ali eka phe. Eka ono te nwedu onye byaru l'a-chobaa phe opfu ozo. Ophu ndu ejo-ipe ta abyadu emekpabaa phe ehu g'e shi emekpa phe iya le mbu pho; <sup>10</sup> mbu g'e shi emekpa phe iya a-gbe teke ono, mu hotaru ndu-ikpe g'ephe dua ndibe mu, bu ndu Izurelu ono. Ndu ohogu ngu phe be mu a-kapyabekota. Iphe ozo, mu epfuru ngu bu le Chipfu e-meru ngu ulo. <sup>11</sup> Teke ndzu ngu buverupho; mbu i -lapfuepho nna ngu phe; be mu e-shi l'unwu ngu hota onye a-no-chi enya ngu; mbu onye bu nwa ngu gededede. Mu emee g'ali-eze iya nguru anguru. <sup>12</sup> O buru onye ono be a-kpuru mu ulo. Mu emee g'aba-eze iya nguru anguru jasụ le tuutuutu le mimiimii. <sup>13</sup> Mu a-buru nna iya; yebedua aburu nwa mu. Mu ta abyadu ewofu n-yemobu mu l'ehu iya; egube ono, mu wofuru iya l'ehu onye ono, vu ngu uzo ono. <sup>14</sup> Temanu; mu e-dobe iya g'opuru onye-ishi l'ulo mu; me l'ali-eze mu jeye le tuutuutu le mimiimii. Nokwapho g'aba-eze iya be ee-me g'opuru anguru jasụ le tuutuutu le mimiimii.' ”

<sup>15</sup> Noo ya; Nétanu kokotaru Dévidi iphe ono egube e pfuru iya ya; me g'opu humaru iya l'ophulanya.

*Dévidi epfu anu* Chileke  
(2Sám 7:18-29)

<sup>16</sup> Oo ya bu; eze, bu Dévidi gbeshi bahu l'ime ulo-ekwa Chileke je anodu l'iphu Chipfu bya asu: “Gube Nnajiuphu, bu Chipfu; ?bu onye be mu bu? Teme; ?onu-ulo mu bukwanu gunu? ke g'i woliamu je apfube l'eka

1 Iphe, ndu eze meru 17:17 56 1 Iphe, ndu eze meru 17:25

ha l'eli egube-a? <sup>17</sup> Ọphu ono atsudu iya gube Chileke l'anya; i bya atufua Ọnu g'Ọnulo onye-ozu ngu a-du l'iphu yekobefua ya. I wotaru mu mee mu buru onye bu iya be ndiphe kachaa apali eli; gube Chipfu, bu Chileke? <sup>18</sup> ?Bu gunu ozo be mube Dévidi e-pfubaaru ngu l'egube ubvu Ọwa-a, i kwaberu mube onye-ozu ngu-a? I makotaru ge mube onye-ozu ngu gbaru. <sup>19</sup> Gube Chipfu; i gudewaa iswi ehu onye-ozu ngu; waa g'Ọ du ngu l'obu; meshia eze iphe, hagbaa egube-a; bya emee ge mu makotaru eze iphe Ọwa-a. <sup>20</sup> Ọ to dudu onye du ge ngu; gube Chipfu; ọphu Ọ dudu Chileke ozo, du nu; gbahaa gubedua, mbu egube ono, anyi gude nchi anyi numawa iya ono. <sup>21</sup> ?Denukpoo ndu ozo, dubaa ge ndu nkengu, bu ndu Izurelu; mbu oha lanu le mgboko-a, gube Chileke jeru je agbafuta g'ephe buru ndu nkengu; bya egude phe mee g'a maru epha ngu amaru; bya emee iphe, pagbaaru eka; bya adu biribiri l'iphu ndu nkengu. Mbu ndu ono, i gbataru l'ali Ijiputu; teme i chikashikwaapho ohamoha ozo l'iphu ndibe ngu ono? <sup>22</sup> I meru ge ndu nkengu, bu ndu Izurelu buru ndu nkengu gedegede jasumaroya; teme gube Chipfu bya abwaru Chileke phe.

<sup>23</sup> “Gube Chipfu; mekwaa g'o keru; mbu ukwe-iphe ono, i kweru l'ehu mube onye-ozu ngu; me l'ehu onu-ulo mu ono. G'o rekwa g'i pfuru jasul le tuutuutu le mijimimii. Mekwa g'i pfuru; <sup>24</sup> g'o kekwaru; k'ophu epha ngu a-pa eka apaa jasul le tuutuutu le mijimimii. Ọ buru teke ono be ndiphe a-sul le gube Chipfu, bu Okalibe-Kakota-Ike; mbu le Chileke ke Izurelu be bu Chileke ndu Izurelu eviya! Teme onu-ulo mube onye-ozu ngu, bu Dévidi a-ngukwarupho anguru l'iphu ngu.

<sup>25</sup> “Oo kele oo gube Chileke mu be goshiru mube onye-ozu ngu iphe-a sul l'ii-me g'Ọnulo mu nguru anguru;



1 Iphe, ndu eze meru 17:26 57 1 Iphe, ndu eze meru 18:6

bẹ bụ iya meru g'o gude ọnu dū mụbe onye-ozì ngu k'anọdu epfu anụ ngu. <sup>26</sup> Gụbe Chipfu; ọo ngu bẹ bụ Chileke ọbu! I kweshiwaru mụbe onye-ozì ngu ukwe iphe-oma, dughbaa egube-a. <sup>27</sup> Nta-a bẹ ọ byaru adu ngu ree g'i goru ọnu-oma ọbu nuwaro ọnu-ulo onye-ozì ngu; k'ophu ephe a-nodu kwaseru l'iphu ngu; noo kele ọo gube Chipfu bẹ goru ọnu-oma nū iya; o je l'aburu ọnu-ulo, a goru ọnu-oma nū jasū l'ojejoje."

## 18

Ọgu, Dévidi lwugbaberu

(2Sám 18:1-18)

<sup>1</sup> E mecha; Dévidi bya alwu-kpee ndu Filisitayinu; mee ephe nodu iya l'eka. Ọ nata ndu Filisitayinu ono mkpukpu Gatu; yele nwa mkpukpu le mkpukpu, dukota iya nu. <sup>2</sup> Dévidi bya alwu-kpekwaapho ndu Mowabu; mee ephe nodu iya l'eka; bya atukwapho utu anu iya.

<sup>3</sup> Dévidi bya alwu-kpekwaapho Hadadeza, bu eze ndu Zoba; je akpaa le mkpukpu Hamatu; le teke o jeru g'o mee g'alì, noru je akpaa l'enyimu Yufurétisu lwakota iya l'eka. <sup>4</sup> Dévidi nataru iya ugbo-inya, du unu labo l'ukporo iri; bya anata iya ndu agba l'inya, du unu iri l'esa l'ukporo iri; bya anakwa iya pho ndu ojogu o-je-l'okpa, du ukporo unu ugbo labo l'unu iri. Dévidi tuko inya, anoduje alokpu ugbo-inya gbubushikota akwara azu okpa; bya eworu ukporo ise dobe.

<sup>5</sup> Ndu Aramu, bu le Damasukosu byaepho g'ephe yetaru eze ndu Zoba, bu Hadadeza aka; Dévidi gbua phe ukporo unu ugbo labo l'unu iri l'ise. <sup>6</sup> Dévidi bya emeta odu ndu ojogu l'alì ndu Aramu ke Damasukosu; haru ndu ojogu iya chita dobe iya. Ndu Aramu ono nodu Dévidi l'eka; atukwapho utu anu iya. Chipfu nodu emejeepho ge Dévidi lwu-kpee l'ekameka, o jekporu.

1 Iphe, ndu eze meru 18:7 58 1 Iphe, ndu eze meru 18:16

<sup>7</sup> Dévidi chikoo iphe, ndu-ozí Hadadeza egbobeje gude ezeru onwophẹ ọ́phu e gude mkpọ́la-ododo meshia chílata lẹ́ Jierúsalemú. <sup>8</sup> Dévidi shikwaphọ́ lẹ́ mkpúkpu Tibuhatu; mẹ́ lẹ́ mkpúkpu Kunu, bukota mkpúkpu, dọ́ l'alí, Hadadeza bú ishi iya; vukọ́o onyirubvu, ha shii. Ọ́ búru iya bẹ́ Sólomọ́nu mechaarú gude mee eze iphe, eeyeje mini, nọ́ l'eze-úlo Chileke; mẹ́ itso; mẹ́waro iphe ọ́zo, o gude onyirubvu meshia.

<sup>9</sup> Tọ́budu iya bú; Towu, bú eze ndu Hamatu nọ́maepho lẹ́ Dévidi bẹ́ lwú-kpekọ́tawaru ndu ojọ́gu Hadadeza, bú eze ndu Zoba; <sup>10</sup> o ye nwa iya nwoke, bú Hadoramu g'ọ́ je ekele eze, bú Dévidi ekele; jaa ya ajaja; kẹ́le ọ́ lwú-kperu Hadadeza. Ọ́ búru iphe, kparú iya nọ́ bú lẹ́ Hadadeza bẹ́ yẹ́le Towu shi anọ́duje alwú ọ́gu. Ọ́ búru iphe, Hadoramu gude bya bú ivu, e megbaaru lẹ́ mkpọ́la-ododo; mẹ́ mkpọ́la-ọ́chaa; mẹ́ l'on'yirubvu.

<sup>11</sup> Eze, bú Dévidi woru ivu ono dobechaaru Chipfu iche; ẹ́gube ono, o dobehawaru mkpọ́la-ọ́chaa yẹ́le mkpọ́la-ododo, ọ́ natagbaaru ndu ọ́hozo phọ́; mbú ndu Edọ́mu; mẹ́ ndu Mówabu; mẹ́ ndu Amọ́nu; mẹ́ ndu Filisitayinu; waa ndu Amalẹ́ku.

<sup>12</sup> Abishayi nwa Zeruya gburu ndu Edọ́mu ọ́kporo ọ́nu nemadzú ugbo labọ́ l'ọ́nu ọ́madzu ise lẹ́ Nsúda Únú. <sup>13</sup> Ọ́ bya emeshia ọ́du ndu ojọ́gu l'alí ndu Edọ́mu; chíta ndu ojọ́gu yekọ́ta iya. Ndu Edọ́mu l'ophu nọ́dukota Dévidi l'ẹ́ka. Chipfu nọ́du emeje gẹ́ Dévidi lwú-kpee l'ẹ́kameka, o jekpọ́ru.

<sup>14</sup> Ọ́o ya bú; Dévidi búru eze ndu Ízurẹ́lu l'ophu; ekperu ndu nkiya ono l'ophu ikpe l'úzo, dọ́ ree; mẹ́ l'úzo, pẹ́furu ọ́to. <sup>15</sup> Ọ́ búru Jiowabu nwa Zeruya bẹ́ bú onye-ishi ndu ojọ́gu. Jiehoshafatu nwa Ahiludu búru onye akwakọ́beje iphe, meru ememe. <sup>16</sup> Zadọ́ku nwa

1 Iphe, ndu eze meru 18:17 59 1 Iphe, ndu eze meru 19:5

Ahitubu; yẹle Ahimẹleku\* nwa Abyiyata bụru ndu-uke Chileke; Shavụsha bụru onye edeje ẹkwo. <sup>17</sup> Benaya nwa Jiehoyada bụru onye-ishi ndu Kereti waa ndu Pẹleti, bụ ndu anọduje eche eze nche. Ụnwu Dévidi unwoke bụru ndu-ishi, anọnyabeje yẹbe eze.

## 19

Ọgu, Dévidi yẹle ndu Amọnu lwuru  
(2Sám 10:1-19)

<sup>1</sup> A nọnyaa; Nahashi, bụ eze ndu Amọnu bya anwụhu. Nwa iya nwoke bya aburu eze nọchia ẹnya iya. <sup>2</sup> Dévidi bya epfua sụ: “Mu e-meru Hanunu nwa Nahashi ree; ẹgube nna iya meru mbẹdua.” Ọo ya bụ; Dévidi zia ndu-ozì g'ẹphe je akpọru Hanunu iphu nna iya ono.

O be gẹ ndu-ozì Dévidi ono rwuru alì ndu Amọnu bya erwua ibe Hanunu g'ẹphe kpọru iya iphu ono; <sup>3</sup> ndu-ishi ndu Amọnu sụ Hanunu: “?Ìiri l'Ọo úbvú bẹ Dévidi akwabẹ nna ngu ẹgube ono meru g'o gude o zia g'a bya akpọru ngu iphu nna ngu? ?Tọbudu iphe, ndu-ozì iya ono byaru bụ g'ẹphe nwụa alì-a ngge; genwushia ya ẹhu; woru iya lwụa?”

<sup>4</sup> Ọo ya bụ; Hanunu gudeshia ndu ono, Dévidi ziru ozì ono; kpụshia phẹ ẹjí-agba; bya e -shi lẹ nhamunha ike bukashia uwe-mgbalanụ phẹ; nwufu phẹ ẹphe lashia. <sup>5</sup> Tọbudu iya bụ; o nweru ndu tųgburu je epfuaru Dévidi g'e meru ndu ono; o zia g'a gba phẹ ndzuta; kẹle e meru phẹ iphe-iphere shii. Eze zia sụ phẹ: “Unu nọdu lẹ Jieriko jeye teke ẹjí-agba unu erwudzu; tẹme unu alwatashiwaro.”

---

\* 18:16 18:16 Ahimẹleku bẹ e kukwaruphọ Abimẹleku lẹ Vulugati waa l'ẹkwo ọzo, e deshiru l'opfu ndu Hiburu.

1 Iphe, ndu eze meru 19:6 60 1 Iphe, ndu eze meru 19:15

<sup>6</sup> Ndu Amõnu bya amaerupho l'ephe eshiwaa tukurubaa l'imi Dévidi; Hanunu me ndu Amõnu wota mkpõla-õchaa, erwa iya du unu talentu labo l'ukporo talentu iri gude je ebuta ugbo-inya; me ndu agbaje inya l'ali Mesopotemiya; me l'ali ndu Aramu-Maka; me l'ali ndu Aramu-Zoba. <sup>7</sup> Ephe je ebuta ugbo-inya, du ukporo unu ugbo eno; butafua eze ndu Maka yele ndu ojoḡu iya. Ephe bya adõru l'atatiḡu mkpukpu Medeba. Ndu ke Amõnu shigbaa le mkpukpu phe gbakodzua futa k'õgu ono.

<sup>8</sup> Anuma, Dévidi anuma iya; o zia Jiowabu yele ndu ojoḡu iya g'ephe ha; ephe jepfushia phe. <sup>9</sup> Ndu Amõnu wufuta bya akpõo giriri k'õgu l'iphu eka eeshije abahu le mkpukpu ono. Ndu eze pho, byaru nu pho nõdu l'õma egu.

<sup>10</sup> Jiowabu humaeḡho l'e gburu iya giriri iphu l'azu k'õgu ono; o hõkoo ndu Ízurelu ndu õphu kachaa amaru k'õgu chiru phe ye g'ephe kwaberu ndu ke Aramu. <sup>11</sup> O chiru ndu õphuu doḡe g'ephe nõdu nwune iya, bu Abishayi l'eka kwaberu ndu ke Amõnu. <sup>12</sup> Jiowabu su: “O-buru le ndu Aramu-a be kariahara mu eka; unu abya eyetaru mu eka; teke o bukwanu l'õo ndu ke Amõnu be kariahara unu eka; anyi abya eyetaru unu eka. <sup>13</sup> G'obu shihu unu ike; g'anyi lwua õgu ehu ndibe anyi ge ndu bu mkparawa; mbu g'anyi lwua õgu l'iswi ehu mkpukpu ke Chileke. Chipfu e-me-a iphe, du iya ree l'enya nkiya.”

<sup>14</sup> Oo ya bu; Jiowabu yele ndu nkiya tuko wu-pfuaḡhaa ndu Aramu k'õgu ono; ephe ye okpa l'õso gbalaaharu iya agbala. <sup>15</sup> Ndu ke Amõnu humaeḡho le ndu Aramu gbalaru; epheḡdua yefua okpa l'õso nkephe gbalaaharu Abishayi, bu nwune Jiowabu; gbaru gbaba l'ime mkpukpu phe. Oo ya bu; Jiowabu laphushia azu le Jierusalõmu.

1 Iphe, ndu eze meru 19:16 61 1 Iphe, ndu eze meru 20:3

<sup>16</sup> Ndu Arámu hūmaepho lẹ ndu Ízureḷu lwụ-kpewaru phẹ; ẹphe zia; e je achítakota ndu Arámu ndu ọphu nọ l'azụ ẹnyimu Yufurétisu. Ọ bụru Shofaku, bụ onye-ishi ndu ojọgu Hadadeza bẹ edu phẹ nụ. <sup>17</sup> E pfuẹru iya phọ Dévidi; ọ kpakọo ndu Ízureḷu l'ophu; ẹphe daa azụ ẹnyimu Jíódanu jepfushia phẹ; je akpọo giriri g'ẹphe tsoo phẹ ọgu. Dévidi bya akpọchaa ndu ojọgu iya ono giriri ono; ẹphe lẹ ndu Arámu ono wata ọgu. <sup>18</sup> Ndu Arámu ono gbaaru ndu Ízureḷu ọso. Dévidi gbua ndu Arámu ono ụnu unwoke iri l'ẹsaa l'ụmadzu ụkporo iri, bụ ndu egudeje ụgbo ịnya alwụ ọgu; waa ndu ojọgu o-je-l'ọkpa, dū ụkporo ụnu ise; gbukwaphọ Shofaku, bụ onye-ishi ndu ojọgu phẹ. <sup>19</sup> Ọo ya bụ; ndu eze ono, ẹphe lẹ Hadadeza shi tũko nmagba bụru nanụ ono hūmaepho lẹ ndu Ízureḷu lwụ-kpewaru phẹ; ẹphe wupfu Dévidi; ẹphe l'iya doshia; ẹphe nọdu iya l'ẹka. Ọphu ndu Arámu ejejebaẹduru eyeru ndu Amọnu ẹka ọzo.

## 20

*Jiowabu alwuta mkpukpu Raba*  
(2Sám 12:26-31)

<sup>1</sup> Tọbudu iya bụ; apha -bvụepho, bụ teke ndu eze alufuje jeshia ọgu; Jiowabu chíta ndu ojọgu; ẹphe je alwukota alị ndu Amọnu alwulwu. Ẹphe jeshia mkpukpu Raba je ekephee ya. Dévidi nọdukporoo ya lẹ Jierúsalemụ. Jiowabu tsoo ndu Raba ono ọgu; mee ẹphe bụru mkpurupyata. <sup>2</sup> Dévidi kputa eze phẹ okpu-eze mkpọla ododo, o kpu l'ishi kpuru l'ishi nkiya. Ẹrwa iya bụru talentu ophu. Ọ bụru mkpuma, vu oke aswa bẹ e gude mee ya ọna. Dévidi kwatakwaphọ ọkwata, parụ ẹka lẹ mkpukpu ono. <sup>3</sup> Ọ rwukọo ndu mkpukpu ono dobe g'ẹphe gude sọya jeahaa ozi; mẹ ọgu, e meru

1 Iphe, ndu eze meru 20:4 62 1 Iphe, ndu eze meru 20:8

l'ígwè; mē ogbunkū. Ọ bụru ẹgube ono bẹ Dévidi mekọtaru mkpụkpu, nọkota l'alì ndu Amọnu l'ophu. E mechaa; Dévidi yẹle ndu ojọgu iya l'ophu laphushia azụ lẹ Jierúsalem.

Ọgu ọzo, ndu Ízurẹlu  
waa ndu Filisitayinu nọ  
lwụgbabe

*(2Sám 21:15-22)*

<sup>4</sup> Tọbudu iya bụ; e mechaa; ọgu daaru ẹphe lẹ ndu Filisitayinu lẹ mkpụkpu Geza. Ọ bụru teke ono bẹ Sibekayi, bụ onye mkpụkpu Husha gburu Sipayi, bụ onye lanụ l'eri Rafa. A kapyabẹ ndu Filisitayinu ẹnya.

<sup>5</sup> Ọgu ọzo bya adaaru ẹphe lẹ ndu Filisitayinu. Ẹluhananu, bụ nwa Jiayi gbua Lahumi, bụ nwune Golayatu, bụ onye Gatu; mbụ onye ono, igbidigbi arwa, o gude dū gẹ k'oshi, onye ekweje ẹkwa egudeje ekwe ẹkwa.

<sup>6</sup> Ọgu ọzo bya adaa lẹ mkpụkpu Gatu. L'ẹka ono bẹ o nweru nwoke lanụ, haẹpho kẹ kpikpirikpii. O fuchaaru mkpụshi-ẹka ishii ishii l'ẹka iya ẹphenebo; waa mkpụshi-ọkpa ishii ishii l'ọkpa iya ẹphenebo. Mkpụshi-ẹka iya; mē k'ọkpa iya tukuroru dū ụkporo l'ẹno. Nwoke ono bụkwapho eri Rafa. <sup>7</sup> Nwoke ono bya awataẹpho akọ ndu Ízurẹlu ọnu; nwa nwune Dévidi, bụ Jionatanu nwa Shimeya woru iya gbua.

<sup>8</sup> Ndu ono shikọta l'eri Rafa, bụ onye mkpụkpu Gatu. Ọ bụru l'ẹka Dévidi yẹle ndu-ozì iya bẹ ẹphe shikọta nwụshihu.

## 21

*Dévidi agụ ndu Ízurẹlu ọgu  
(2Sám 24:1-25)*

1 Iphe, ndu eze meru 21:1 63 1 Iphe, ndu eze meru 21:10

<sup>1</sup> Tɔ̀budu iya bụ; Nsetanu gb̄eshi ḡe ya mekata ndu Ízur̄eḷu; bya akpalia Dévidi g'ò ḡua ndu Ízur̄eḷu ọ́gu. <sup>2</sup> Ọo ya bụ; Dévidi s̄u Jiowabu m̄e ndu-ishi ndu ojọ́gu: “Unu je aḡua ndu Ízur̄eḷu ọ́gu. Unu shi l̄e mkp̄ukpu Biye-Sheba ḡua ya je akpaa l̄e mkp̄ukpu Danu. Unu -ḡuchae ya ph̄o; unu abya akaru mu; k'òphu mu a-maru g'èp̄he ha.”

<sup>3</sup> Jiowabu s̄u: “Ḡe Chipfu mekwaa ḡe ndibe iya kabaa igwerigwe ugbo ụkporo ise e -me l̄e g'èp̄he ha nta-a. Ọle-a; ḡube nnaj̄iuphu mu, b̄u eze; ?ndu-a ta ab̄ukotanu-a ndu-oz̄i ngu? ?D̄enuhununu iphe, meru g'o gude ḡube nnaj̄iuphu mu n̄odu eme g'i mee ẹgube iphe ono? ?B̄u ḡunu meru iphe, ọ b̄u ȳebedua b̄e a-gb̄e meta iphe-ẹ̄ji kpube ndu Ízur̄eḷu?” <sup>4</sup> E mechaa; opfu eze dagbunaa k̄e Jiowabu. Ọo ya bụ; Jiowabu l̄ufu je at̄uko Ízur̄eḷu l'ophu jegbab̄ekota; bya alwaphuta az̄u l̄e Jierúsalem̄u. <sup>5</sup> Jiowabu bya ak̄oru Dévidi ḡe ndu ono, ọ ḡuru ọ́gu ono hak̄otakpoo. Ndu Ízur̄eḷu l'ophu b̄e d̄u ụkporo ụnu unwoke ugbo ụkporo ishii l'iri l'ẹ̄saa l'ụnu iri,\* b̄u ndu ad̄ūje ike paa ogu-echi. Ndu Jiuda d̄u ụkporo ụnu unwoke ugbo ụkporo lab̄o l'iri l'ẹ̄sato l'ụnu iri l'ise, b̄ukwapho ndu ad̄ūje ike paa ogu-echi.

<sup>6</sup> Ọle ọ t̄o ḡukobeduru ipfu Lívayi; waa ipfu Benjiaminu l'ọ́gu ono; k̄e l̄e iphe ono, eze pfuru ono b̄e ta ad̄udu iya ree.

<sup>7</sup> Iphe ono, ọ s̄uru g'e mee ono b̄uru iphe, d̄u Chileke ẹ̄ji; ọo ya bụ; ọ n̄ua ndu Ízur̄eḷu aph̄u. <sup>8</sup> Dévidi bya as̄u Chileke: “Mu mewaru iphe-ẹ̄ji, par̄u ẹka l̄e k'iphe-a, mu meru-a. Ọle mu arw̄o ngu g'i wofunu ẹ̄jo-iphe ono, m̄ube onye-oz̄i ngu meru ono; k̄e l̄e ọo eswe b̄e mu meru ono.”

<sup>9</sup> No iya; Chipfu pfuru n̄u Gadu, b̄u onye aph̄ujeru Dévidi ọ́phulenyas̄u iya: <sup>10</sup> “Je as̄u Dévidi l̄e Chipfu s̄uru-

\* 21:5 21:5 B̄u iya b̄u 1,100,000 l̄e mbekee.

1 Iphe, ndu eze meru 21:11 64 1 Iphe, ndu eze meru 21:17

a: Ụzo iphe ẹto bẹ mu doberu ngu; g'ị hata nanụ, mu e-me ngu.”

<sup>11</sup> Ọo ya bụ; Gadu bya ejepfu Dévidi je asụ iya: “Wakwa iphe, Chipfu epfu baa: Hata nanụ. <sup>12</sup> ?Ị hatarụ g'Okpa-nri dụ apha ẹto? Tọo ?gẹ ndu Ọhogu unu phẹ gude Ọnwa ẹto mee unu umerekete; mbụ g'ẹphe gude ogu-echi gbushia unu? Tọo ?ị hatarụ ogu-echi kẹ Chipfu abalị ẹto, bụ iya bụ teke ẹjo iphe-ememe a-dụ l'alị-a; mbụ g'ojosi Chipfu tųkokpoepho mkpųkpu Ízurẹlu l'ophu mebyishia? Nta bųkwa g'i pfuaru mu iphe, mu e-je epfuaru onye ziru mu ozi Ọbu.”

<sup>13</sup> Dévidi bya asụ Gadu: “Mu nọakwa l'oke iphe-ẹhuka. Ọle ọ kakwa ree gẹ mu daba l'ẹka Chipfu; eme lẹ mu dabarụ nemadzụ l'ẹka; noo kẹle obu-imemini Chipfu pakpọru ẹka apaa.”

<sup>14</sup> Ọo ya bụ; Chipfu lọru ẹjo iphe-ememe tų ndu Ízurẹlu. Ndu nwụshihuru nụ dụ ụkporo ụnu nemadzụ ugbo ẹsato l'ụnu iri l'ise. <sup>15</sup> Chipfu zia ojozi-imigwe ono g'o je emebyishia Jierúsalemụ. Ọle ojozi-imigwe ono mejeerupho g'o mebyishia Jierúsalemụ; Chipfu hụma iya; o rwua ya l'ẹhu; mbụ ẹjo-iphe, dapfuru phẹ nụ ono. Ọ pfuaru ojozi-imigwe ono, egbushi ndu ono sụ iya: “Ọ dụwaa ree! Sephu ẹka ngu azụ parụ phẹ haa!” Teke ono bẹ ojozi Chipfu ono nọwaa l'ọma ẹka Ọnanu, bụ onye Jiebusu anọduje echishi ẹswa lẹ balị iya.

<sup>16</sup> Dévidi bya apalia ẹnya imeli hụma ojozi Chipfu ono g'ọ pfuru lẹ mgbaka igwe yẹe alị; mifuta ogu-echi mabẹ lẹ Jierúsalemụ. Teke ono bẹ Dévidi yẹe ndu bụ ọgerenya tųkoru yegbaa uwe-aphụ; daa kpubechaa iphu l'alị. <sup>17</sup> Dévidi bya asụ Chileke: “Ọ kwa mbẹdua bẹ tųru ekemu g'a gụa ndu-a ọgu ono. Mbụ-a; ọo mbẹdua bẹ meru iphe-ẹji; mbụ l'ọo mbẹdua bẹ meru iphe, adudu ree. ?Ụnwu atųru-a mehunuru ole? Jiko Chipfu, bụ



1 Iphe, ndu eze meru 21:18 65 1 Iphe, ndu eze meru 21:26

Chileke mu; iphe, mu arwo ngu bu g'ọ buru mbedua waa ndibe nna mu be yi-da ejo eka l'ehu. Te kweshinu g'ejo-ehu-a duru ndibe ngu!"

<sup>18</sup> Tɔbodu iya bu; ojozi Chipfu ono su Gadu g'o je epfuaru Dévidi g'o je akpɔaru Chipfu ɔru-ngweja l'oma eka ono, Onanu, bu onye Jiebusu anɔduje echishi eswa le balɔ ono. <sup>19</sup> Oo ya bu; Dévidi tugbua jeshia eme egube ono, Gadu gude epha Chipfu pfiaru iya ya ono. <sup>20</sup> Teke ono be Onanu echishi witi; ɔ bya aghakɔbe huma ojozi-imigwe ono; yele unwegirima iya eno, yele iya no tuko domichaa onwophe. <sup>21</sup> Dévidi bya ejepfushia Onanu; Onanu lee enya bya ahuma Dévidi g'ooje abyapfuta iya; o shi l'eka oochi witi ono lufuta; je ephozeta iphu l'ali l'atatiphu Dévidi. <sup>22</sup> Dévidi su Onanu: "Nunu mu ali-a, bu eka iichije balɔ-a ge mu kpɔaru Chipfu ɔru-ngweja; k'ophu ejo iphe-ememe-a l'eme ndu-a l'e-buhu. Ree mu iya erere ge mu pfu-dzua ngu ugwo iya."

<sup>23</sup> Onanu su Dévidi: "Wota iya roya. Ge gube nnajuphu mu, bu eze gudekpɔe ya pho mee iphe, du ngu ree. Mu a-nu eswi, ee-gude gwee ngweja-akpo-oku obu. Mu anu iphe, eegudeje echishi eswa l'ereshi g'ọ buru nku; nu witi g'e gude gwee ngweja-nri. Iphe ono g'ọ ha be mu a-nukota."

<sup>24</sup> Eze, bu Dévidi su Onanu: "Waawakwa; mu a-pfu-dzu aswa iya apfu-dzu. Mu te ewotadu iphe, bu iphe ngu nu Chipfu. Ophu mu egudedu iphe, adudu iphe, o phuru mu egwe ngweja-akpo-oku." <sup>25</sup> Oo ya bu; Dévidi pfa Onanu mkpola-ododo, erwa iya du unu shekelu l'ukporo shekelu iri g'ọ buru ugwo ali ono. <sup>26</sup> Dévidi bya akpɔaru Chipfu ɔru-ngweja l'eka ono; bya egwee ngweja-akpo-oku; me ngweja-ehu-guu l'eli iya; bya araku Chipfu; Chipfu shi l'imigwe gude oku bya aza iya oku l'eli ɔru-ngweja ono.

1 Iphe, ndu eze meru 21:27 66 1 Iphe, ndu eze meru 22:5

<sup>27</sup> Tòbudu iya bụ; Chipfu karu ojozi ono; g'ò mị-phu ogu-echi ono azu l'òbo iya. <sup>28</sup> Teke ono; Dévidi bya ahuma le Chipfu be zaru iya oku l'eka ono, Onanu, bu onye Jiebusu echishije eswa le balì ono; o nòdu l'eka ono gweshia ngweja. <sup>29</sup> Ishi iya bu le teke ono be ulo-ekwa Chipfu pho, Mòsisu meru l'echiegu pho; yele oru-ngweja eka eegweje ngweja-akpo-oku; be bukota l'eka aagwaje iphe le mkpukpu Gibiyonu be o nokota. <sup>30</sup> Ole Dévidi te ejeduru l'iphu eka ono g'ò jita Chileke; kele ootsu ogu-echi ojozi Chipfu ono ebvu.

## 22

<sup>1</sup> Tòbudu iya bụ; Dévidi sụ: “Oo eka-a be ulo Chipfu, bu Chileke a-du; o buru l'eka-a be oru-ngweja adukwapho; mbu eka ndu Izurelu a-noduje egwe ngweja-akpo-oku.”

*Aakwakobe k'akpu eze-ulo Chileke*

<sup>2</sup> Oo ya bu; Dévidi tua ekemu g'a chikobe ndu bu nlwamulwa, no l'ali Izurelu. O bya eshi l'ime phe hota ndu a-nodu akwachashi mkpuma g'ephe kwachaa mkpuma, ee-gude kpu a ulo Chileke ono. <sup>3</sup> O nukwarupho mkpurukpu-igwe, du igwerigwe g'e gude kpushia nggu, aa-kupyabechea le mgbo onu-oguzo; m'ophu ee-gude jigbabe iphe ajigbabe; bya anukwapho onyirubvu, du igwerigwe k'ophu a ta amadu g'ee-shi tua erwa iya. <sup>4</sup> O bya anu oshi sida, bu aguta aguta; noo kele ndu Sayidonu; me ndu Taya be vulataru Dévidi oshi sida, du igwerigwe. <sup>5</sup> Dévidi sụ: “Nwa mu Sólomonu be bu nwatanshi, adudu iphe, o mawaru. Teme ulo obu aa-kpuru Chipfu obu be a-kwata paa eka apaa. Ulo obu be aa-nodu atu onu iya; teme l'o du-dzuru ndiphe l'ophu biribiri. Oo ya bu le mu a-kwakobe eka iya

1 Iphe, ndu eze meru 22:6 67 1 Iphe, ndu eze meru 22:14

akwakọbe.” Oo ya bụ; Dévidi kwakọbe g'ee-gude kpua ụlo ono; ọkpobe akwakọbe tẹme ọ nwuhuje.

<sup>6</sup> Tọbudu iya bụ; o kua nwa iya, bụ Sólomọnu; tųaru iya ekemu sụ iya g'ọ kpųaru Chipfu, bụ Chileke kẹ Ízurẹlu ụlo. <sup>7</sup> Dévidi sụ Sólomọnu: “Nwa mu; o shi dų mu l'obu gẹ mu kpųaru Chipfu, bụ Chileke mu ụlo. <sup>8</sup> Obenu lẹ Chipfu byaru epfuaru mu sụ: ‘I gbunukawaru ọchi; lwųwa ọgu, parų ẹka apaa. O tọ bųdu ngu a-kpųru mu ụlo. I gbunukawaru ọchi l'eliphe-a l'ẹnya nkemu. <sup>9</sup> Aa-nwųtaru ngu nwa nwoke. Nwata ọbu bẹ a-bųru onye emeje gẹ nchị dų doo. L'oo-me gẹ yele ndu ọhogu iya mgburugburu zẹe jii. Epha iya bẹ a-bųru Sólomọnu. O bųru teke ọ bụ eze bẹ mu e-me gẹ nchị dų ndu Ízurẹlu doo; ẹkameka adakọtaru phe jii. <sup>10</sup> O bųru yebedua bẹ a-kpųru mu ụlo. Oo-bųru nwa mu. Mbẹdua abųru nna iya. Mu emee g'abųbu ọ bụ eze lẹ Ízurẹlu ngųru angųru jasųru asųru.

<sup>11</sup> “Nwa mu; gẹ Chipfu swikwaru ngu eswiru; k'ọphu bụ l'ii-kpų ụlo Chipfu, bụ Chileke ngu ono kpųkota; ẹgube ono, o pfuru iya l'ẹhu ngu ono. <sup>12</sup> Oo gẹ Chipfu nų ngu ọriri; mee g'iphe doje ngu ẹnya; k'ọphu bụ lẹ teke o meru g'ike dų ngu; g'ị bųru onye-ishi ndu Ízurẹlu; bẹ ii-bųru onye a-nọduje eme ekemu Chipfu, bụ Chileke ngu ono. <sup>13</sup> Teke ono bụ; ọ -bųru l'ị nwųberu ẹnya eme iphe, ọ tųru ọkpa iya; mẹ omelalị ono, Chipfu karų Mósisu gẹ ndu Ízurẹlu meje ono; bẹ iphe a-nọduepho ejehuru ngu. Shihukpọephe ike; shihu obu ike. Ta atsųkwa ebvu; ọphu ike abvųkwa ngu.

<sup>14</sup> “Mu jeru iphe-ẹhuka gẹ mu e-shi dobe iphe, ee-gude mee k'ụlo Chipfu ono. Mu doberu mkpọla-ododo, ẹrwa iya dų ụkporo ụnu talẹntu ugbo iri l'ẹbo l'unu talẹntu iri; bya edobe mkpọla-ọchaa, ẹrwa iya dų ụkporo

1 Iphe, ndu eze meru 22:15 68 1 Iphe, ndu eze meru 23:3

unu talentu ugbo unu eto l'ukporo labo l'iri; bya akwatakpo dobe onyirubvu; me mkpurukpu-igwe, du shingushingu k'ophu a ta atukotadu erwa iya atutu. Mu dobekwarupho oshi; bya edobe mkpuma. E -mechaa, l'iiyekwabawa iya ro iphe. <sup>15</sup> Ndu ozi be i nweru nweru k'etsutsu iya. I nweru ndu akwachashi mkpuma; nweru ndu edoje eja ulo; nweru ndu kapyinta; mewaro ndu eme ona l'uzo, du iche iche; <sup>16</sup> ndu emeje ona le mkpolaododo no iya; me ndu ke mkpola-ochaa; me ndu k'onwirubvu; teme ndu ke mkpurukpu-igwe nodukwa iya pho. Ephe bu aguta aguta. Gbalihu wata ozi obu. Ge Chipfu swikwaru ngu eswiru!"

<sup>17</sup> Dévidi bya akakwarupho ndu-ishi ndu Izurelu l'ophu g'ephe yetaru nwa iya, bu Solomonu eka; su phe: <sup>18</sup> " ? Chipfu, bu Chileke unu ta anona swiru unu too? ?To meduru ge nchi du unu doo l'ekameka too? O mewaru ge ndu bu l'ali-a lwakota mu l'eka; teme a kapyabewa ndu ali-a enya l'iphu Chipfu; me l'eka ndu nkiya no. <sup>19</sup> Nta-a bukwa g'unu gude ndzu unu; me obu unu choo Chipfu, bu Chileke unu. Unu wu-lihu kpa eka-du-nsu ke Chipfu, bu Chileke; k'ophu aa-pata okpoko oghandzu Chipfu; me ivu, du nsu, bu ke Chileke bya edobe l'ulo ono, aa-kpuru Chipfu ono."

## 23

*Ozi, duru ndu Lívayi*

<sup>1</sup> Dévidi kahuepho; nowaa apha, du igwerigwe; o mee nwa iya, bu Solomonu eze ndu Izurelu.

<sup>2</sup> O bya ekukobekwapho ndu-ishi ndu Izurelu l'ophu; me ndu-uke Chileke; me ndu Lívayi. <sup>3</sup> Ndu Lívayi, nowaru e -shi l'ukporo apha l'apha iri kwaseru be a guktaru ogu. Iphe, unwoke phe tukoru du buru

1 Iphe, ndu eze meru 23:4 69 1 Iphe, ndu eze meru 23:17

Ụkporo ụnu ugbo ẹno l'ụnu iri l'ise. <sup>4</sup> Dévidi sụ: “Ụkporo ụnu unwoke ugbo ẹto l'ime ndu ono bẹ a-nọdu eleta ẹnya l'ozì, eeje l'ụlo Chipfu ono. Ụnu unwoke iri l'ise abụru ndu-ishi; mẹ ndu-ikpe. <sup>5</sup> Ụnu unwoke iri a-buru ndu nche Ọnu-oguzo; ụnu unwoke iri ọzo; e gude ngwa-ebvu, mu metaru g'e gudeje gụ ebvu ajaja; gude agụ ebvu aja Chipfu.”

<sup>6</sup> Dévidi bya ekee phẹ l'ọkpa l'ọkpa g'ẹphe dụ l'awa Lívayi, bụ iya bụ Geshonu; mẹ Kohatu; waa Merari.

<sup>7</sup> Ndu ọpụh eketarụ yeru ndu Geshonu bụ: Ladanu; mẹ Shimeyi. <sup>8</sup> Ụnwu Ladanu bụ Jiehiyẹlu, bụ ọkpara; waa Zetamu; mẹ Jiowẹlu. Ẹto bẹ ẹphe tukuru dụ. <sup>9</sup> Ụnwu kẹ Shimeyi bụ Shelomotu; mẹ Haziyẹlu; mẹ Haranu. Ẹto bẹ ẹphe tukuru dụ. Ẹphe bụkotaru ndu-ishi l'ẹnya unuphu ibe Ladanu.

<sup>10</sup> Ndu ọpụh bụ eri Shimeyi bụ: Jiahatu; mẹ Zina; mẹ Jieyushi; mẹ Beraya. Ẹno bẹ ẹphe tukuru dụ. <sup>11</sup> Jiahatu bụ ọkpara; Zina buru otsota. Jieyushi waa Beraya bẹ ta nwụtaeduru unwoke igwerigwe; a gụa phẹ gẹ ndu ẹnya-unuphu lanụ.

<sup>12</sup> Ụnwu Kohatu buru: Amuramu; mẹ Izuha; mẹ Hẹburonu; mẹ Uzẹlu. Ẹno bẹ ẹphe tukuru dụ. <sup>13</sup> Ụnwu kẹ Amuramu bụ: Eronu; mẹ Mosisu. Eronu bẹ e doberu iche; mbụ yẹbedua waa ụnwu iya g'ẹphe buru ndu ewojeru iphe, kakọta adụ nsọ dobe nsọ; kpọje ụnwù-isensu ọku l'iphu Chipfu jasuru asuru. Ọ buru phẹ a-nọdu ejeru Chipfu ozi; gude ẹpha iya agọ ọnu-oma jasụ l'ojejoje. <sup>14</sup> A bya lẹ Mosisu, bụ onye kẹ Chileke bẹ a gụru ụnwu iya yeru ndu Lívayi. <sup>15</sup> Ụnwu Mosisu bụ: Geshonu mẹ Eliyéza. <sup>16</sup> Ụnwu kẹ Geshonu buru: Shebẹlu, bụ ọkpara. <sup>17</sup> Ụnwu kẹ Eliyéza bụ: Rehabaya; yẹbedua bụ ọkpara. Eliyéza ta nwụtaeduru nwa nwoke ọzo; ọle unwoke, Rehabaya nwụshiru dụkwanu igwerigwe shii.

1 Iphe, ndu eze meru 23:18 70 1 Iphe, ndu eze meru 23:29

<sup>18</sup> Ụnwu kẹ Izuha bụ: Shelomotu, bụ iya bụ ọkpara.  
<sup>19</sup> Ụnwu kẹ Hẹburonu bụ: Jieraya, bụ ọkpara; Amaraya bụru otsota; Jiahaziyeḷu bụru k'ẹto; Jiekameyamu bụru k'ẹno. <sup>20</sup> Ụnwu kẹ Uzeḷu bụ: Mayika, bụ ọkpara; Ishaya bụru otsota.

<sup>21</sup> Ụnwu kẹ Merari bụ: Mahuli waa Mushi. Ụnwu kẹ Mahuli bụru: Eleyaza waa Kishi. <sup>22</sup> Eleyaza nwụhuru; ọphu ọ nwụtaduru unwoke. Ọo ụnwanyi bẹ ọ nwụshiru kpoloko. Ọ bụru ụnwu Kishi, bụ abubu phẹ bẹ lụkotaru phẹ nụ. <sup>23</sup> Ụnwu kẹ Mushi bụ: Mahuli; mẹ Eda; waa Jieremotu. Ẹto bẹ ẹphe tukuru dụ.

<sup>24</sup> Ndu ono bụkota eri Lívayi l'ẹnya-unuphu l'ẹnya-unuphu phẹ. Ẹphe bụkota ndu-ishi l'ẹnya-unuphu ibe nna phẹ; ẹgube e deru ẹpha phẹ l'ẹkwo; bya agụa phẹ ọgu l'ẹhu l'ẹhu; mbụ ndu ono, nọwaru e -shi l'ụkporo apha kwasẹru; bya aburu ndu eje ozi l'ụlo Chipfu ono.

<sup>25</sup> Noo kele Dévidi bẹ pfuhawaru sụ: “Chipfu, bụ Chileke kẹ Ízurẹlu bẹ mewaru gẹ nchị dụ ndibe mu doo; tẹmẹ o buwaru ẹ Jierúsalemụ g'oo-buru iya jasụ ẹ tuutuutu ẹ mịimiimii. <sup>26</sup> Ọ tọ gbaeduru gẹ ndu Lívayi vupheje ụlo-mkpu; mẹ iphe, e gude eje ozi l'ime iya.” <sup>27</sup> Ọ bụru opfu ikpazụ, Dévidi pfuru bẹ meru g'ogude a gụa ndu Lívayi ọgu e -shi ẹ ndu nọwaru ụkporo apha kwasẹru.

*Ozi, duru ndu Lívayi l'ụlo Chipfu*

<sup>28</sup> Ozi, duru ndu Lívayi bụ g'ẹphe yetajẹru ụnwu Erọnu ẹka l'ozì, eeje l'eze-ụlo Chipfu; mbụ l'ọma-unuphu eze-ụlo ono; mẹ ẹ mkpuru, dughaa ya nụ; mẹkpoo emecha iphemiphe, dụ nsọ emecha; mẹwaru ozi ọzo, eeje l'eze-ụlo Chileke ono. <sup>29</sup> Ozi ọzo, duru phẹ nụ bụ kẹ buredi, eedobeje l'iphu Chileke; mẹ k'ụkpokutu-nri, eegudeje egwe ngweja-nri; mẹ k'ẹcha-mbekee, te

1 Iphe, ndu eze meru 23:30 71 1 Iphe, ndu eze meru 24:6

ekoduru ekoko; mę k'eghe iphe egheghe; mę k'iphe, bukpuo iphe, aagwoje agwoowo; męwaro atụ iphe atutu; maru ole, o du; mę g'ọ habe. <sup>30</sup> Utsugutsu be ephe aapfujeru ekele Chipfu ekele; aja iya ajaja. Ephe e-mejekwa iya pho nno l'uzenyashi; <sup>31</sup> mekpoo teke e gwee ngweja-akpo-oku k'eswe-atuta-unme; mę k'onwa ophu; mę k'obo-iphe, a turu teke aaboje iya. Ephe a-noduje eje ozi l'atatiphu Chipfu tekenteke; mbu egube a tuburu phe g'ephe meje iya. <sup>32</sup> Oo ya bu l'oo phe be o du l'eka; mbu ozi, eeje l'ulo-ekwa-ndzuko; mę k'eka-du-nsq; mbu g'ephe yetajeru unwunna phe, bu unwu Eronu eka l'ozi, du l'ulo Chipfu ono.

## 24

### Ogbo uke Chileke

<sup>1</sup> Waa g'e gude keshia unwu Eronu baa. Unwu Eronu bu: Nadabu; mę Abihu; mę Eleyaza; waa Itama. <sup>2</sup> Nadabu yele Abihu be vu nna phe uzo nwuhu; ophu o dudu onye ophu nwutaru nwa. Oo ya bu; Eleyaza yele Itama jeaha ozi ndu-uke Chileke. <sup>3</sup> Zadoku, bu oshilokpa Eleyaza; yele Ahimeleku, bu oshilokpa Itama be yetaru Devidi eka kee phe g'ephe a-nodugba eje ozi, duru phe nu. <sup>4</sup> L'oshilokpa Eleyaza be a ka enweru ndu-ishi eme l'oshilokpa ke Itama. Waa g'ephe gude keshia phe bu owa: l'oshilokpa ke Eleyaza be e ketaru umadzu iri l'ishii, bugbaa ndu-ishi l'enya-unuphu l'enya-unuphu; bya eketa umadzu esato, bugbaa ndu-ishi l'enya-unuphu l'enya-unuphu l'eri ke Itama. <sup>5</sup> A turu ido gude kee phe; ephe haru enya nhamunha; noo kele oo g'e nweru ndu-ishi ozi eka-du-nsq; mę ndu-ishi ozi Chileke l'oshilokpa Eleyaza bu g'e nweru iya l'oshilokpa ke Itama. <sup>6</sup> Onye edeje ekwo, bu Shemaya; nwa Netanelu; mbu onye

1 Iphe, ndu eze meru 24:7 72 1 Iphe, ndu eze meru 24:23

Lívayi bẹ nọ l'iphu eze deshia epha phẹ; mẹ l'iphu ndu-ishi, bụ Zadọku, bụ onye uke Chileke; mẹ Ahimẹleku, bụ nwa Abyiyata; mẹ l'iphu ndu-ishi ẹnya-unuphu ndu-uke Chileke; mẹ ndu Lívayi. E vuru ụzo họtá ẹnya-unuphu lanụ l'eri Eleyaza; bya agbẹ teke ono họtá ẹnya-unuphu lanụ l'eri Itama.

<sup>7</sup> A tūru ido kẹ mbụ; ọ daaru Jiehoyaribu; a tūa ido k'ẹbo; ọ daaru Jiedaya. <sup>8</sup> Ido k'ẹto daaru Harimu; ido k'ẹno daaru Seyorimu; <sup>9</sup> k'ise daaru Malukayijia; k'ishii daaru Mijiaminu. <sup>10</sup> Ido k'ẹsaa daaru Hakọzu; k'ẹsato daaru Abáyijia; <sup>11</sup> kẹ tete daaru Jieshuwa; k'iri daaru Shekanaya; <sup>12</sup> k'iri lẹ nanụ daaru Elyashibu; k'iri l'ẹbo daaru Jiakimu; <sup>13</sup> k'iri l'ẹto daaru Hupa; k'iri l'ẹno daaru Jieshebeyabu; <sup>14</sup> k'iri l'ise daaru Biliga; k'iri l'ishii daaru Ima; <sup>15</sup> k'iri l'ẹsaa daaru Heziru; k'iri l'ẹsato daaru Hapizezu; <sup>16</sup> k'iri lẹ tete daaru Petahaya; k'ụkporo daaru Jiehezekẹlu; <sup>17</sup> k'ụkporo lẹ nanụ daaru Jiakinu; k'ụkporo l'ẹbo daaru Gamulu; <sup>18</sup> k'ụkporo l'ẹto daaru Delaya; k'ụkporo l'ẹno daaru Mazaya.

<sup>19</sup> Noo g'e gude gbaa phẹ g'ẹphe jeje ozi bụ ono lẹ teke ẹphe bahuru l'ulo Chipfu; ẹgube ono, ocheoroke phẹ, bụ Erọnu tūru phẹ ẹka iya, bụ iya bụ gẹ Chipfu, bụ Chileke kẹ Ízurelu tūru iya ya l'ekemu.

<sup>20</sup> A bya l'eri Lívayi ndu ọphu phọduru nụ:

L'unwu Amuramu bẹ a họtaru Shubẹlu; l'unwu kẹ Shubẹlu bụru Jiehudeya.

<sup>21</sup> A bya l'eri kẹ Rehabiya; onye shi l'unwu Rehabaya bụ Ishaya, bụ ọkpara.

<sup>22</sup> Onye shi l'eri kẹ Izuha bụ Shelomotu; onye shi l'unwu Shelomotu bụru Jiahatu.

<sup>23</sup> L'eri Hẹburonu bụ Jieraya, bụ iya bụ ọkpara; Amaraya bụru otsota; Jiahazyẹlu bụru onye k'ẹto; Jiekameyamu bụru k'ẹno.



1 Iphe, ndu eze meru 24:24 73 1 Iphe, ndu eze meru 25:3

<sup>24</sup> L'eri kẹ Uzẹlu bụ Mayịka; onye shi l'ụnwu Mayịka bụru Shamiru.

<sup>25</sup> Nwune Mayịka kẹ nwoke bụ Ishaya. Onye shi l'ụnwu Ishaya bụru Zekaraya.

<sup>26</sup> L'ụnwu kẹ Merari bẹ bụ Mahuli waa Mushi. A họtá Benó; nwa Jiazaya. <sup>27</sup> L'eri kẹ Merari bẹ ndu shi l'ụnwu Jiazaya bụ: Benó; mẹ Shohamu; mẹ Zaku; mẹ Ibiri. <sup>28</sup> L'eri Mahuli bụ Eleyaza. Eleyaza ta anwụ́taduru unwoke. <sup>29</sup> A bya l'eri Kishi bẹ bụ nwa Kishi, bụ Jierahụmelu. <sup>30</sup> L'ụnwu kẹ Mushi bụru Mahuli; mẹ Eda; waa Jierimotu.

Ndu ono bụkọta eri Lívayi l'ẹnya-unuphu phẹ l'ẹnya-unuphu phẹ.

<sup>31</sup> Ẹphebedua bẹ tükwarupho ido; ẹgube ono, ụnwunna phẹ, bụ oshilọkpa Erọnu turu phọ. Ẹphe nọ l'iphu eze, bụ Dévidi; mẹ l'iphu Zadọku; mẹ Ahimẹleku; mẹ l'iphu ndu-ishi ẹnya-unuphu ndu-uke Chileke; mẹ kẹ ndu Lívayi tụa ido ono. Ọ bụru g'e meru ẹnya-unuphu ụnwunna phẹ k'ọgerenya bụ g'e meru ndu ọphu bụ nwata.

## 25

*Ndu agụje ebvu*

<sup>1</sup> Dévidi yẹle ndu-ishi ndu ojọgu tuko shi l'ụnwu Asafu; mẹ Hemanu; mẹ Jiedutunu họtá ndu e-gudeje ogumogu; mẹ une; mẹ ogelenda epfuchiru Chileke. Waa ẹpha ndu eje ozi ono bụ Ọwa:

<sup>2</sup> L'ụnwu kẹ Asafu bụ: Zaku; mẹ Jíósẹfu; mẹ Netanaya; mẹ Asharela. Ụnwu Asafu ono bẹ bụ Asafu bụ onye anọduje egoshi phẹ iphe, ẹphe e-me. Asafu l'onwiya bụru eze bẹ ọ nọ l'ẹka epfuchiru Chileke.

<sup>3</sup> A bya lẹ Jiedutunu; ndu ọphu shi l'ụnwu iya bụ: Gedalaya; mẹ Zeri; mẹ Jieshaya; mẹ Shimeyi; mẹ

Hashabaya; mę Matitaya. Ẹphe dų ụmadzu ishii. Ọ bųru nna phę, bų Jiedutunu bę bų onye ẹphe nọ l'ẹka egudeje ogumogu agụ ebvu ekele; mę ebvu ajaja; shi nno epfuchiru Chipfu.

<sup>4</sup> A bya l'ụnwu Hemanu; ndu ọphu shi l'ụnwu iya bųru: Bukaya; mę Matanaya; mę Uzẹlu; mę Shebẹlu; mę Jierimotu; mę Hananaya; mę Hanani; mę Ẹliyata; mę Gidaliti; mę Romamiti-Eza; mę Jioshubekasha; mę Maloti; mę Hotiru; mę Mahaziyotu. <sup>5</sup> Ndu ono g'ẹphe ha bųkota ụnwu Hemanu, bų onye aphụjeru eze ọphuleny. Ọ bųru shita l'ukwe, Chileke kweru iya bę o shi nwụshia phę; k'ọphu oo-shi nno bųru onye ike dų. Chileke bę nųru Hemanu nwa nwoke iri l'ẹno; waa ụnwada ẹto.

<sup>6</sup> G'ẹphe ha shi nọdukota nna phę l'ẹka. Ọ bųru iya egoshije phę ebvu, ẹphe a-nọdu agụ l'ụlo Chipfu. Ẹphe egudeje ogelenda; mę une; mę ogumogu agụ ebvu ono l'ụlo Chileke. Asafu; mę Jiedutunu; mę Hemanu bę shi nọdukota l'ẹka eze; eme iphe, ọ sųru g'ẹphe mee.

<sup>7</sup> Iphe, ẹphe dųkota; mbų ndu agųje ebvu ono bę bų ụkporo iri l'ẹno l'ụmadzu ẹsato. Ẹphe bųkota ndu e ziru k'ebvu ono ezizi; bya abųru ndu k'ebvu, aagųru Chipfu doru ẹnya.

<sup>8</sup> Ẹphe tųru ido l'ẹhu l'ẹhu gude haa ozi phę; mbų ẹgirima mę ọgerenya; mę onye ezi iphe; mę ndu ọphu eezi iya ezizi.

<sup>9</sup> Ido kę mbų bę a tųru Asafu; ọ daaru Jíósẹfu; k'ẹbo daaru Gedalaya. Yẹbedua mę ụnwunna iya; waa ụnwu iya bę dų iri l'ẹbo.

<sup>10</sup> K'ẹto daaru Zaku; yẹle ụnwu iya; mę ụnwunna iya. Ẹphe dų iri l'ẹbo.

<sup>11</sup> Ido k'ẹno daaru Izuri; yẹle ụnwu iya; mę ụnwunna iya. Ẹphe dų iri l'ẹbo.

- 12 K'ise daaru Netanaya; yẹle ụnwu iya; mẹ ụnwunna iya. Ẹphe dụ iri l'ẹbo.
- 13 K'ishii daaru Bukaya; yẹle ụnwu iya; mẹ ụnwunna iya. Ẹphe dụ iri l'ẹbo.
- 14 K'ẹsaa daaru Jiesharela; yẹle ụnwu iya; mẹ ụnwunna iya. Ẹphe dụ iri l'ẹbo.
- 15 K'ẹsato daaru Jieshaya; yẹle ụnwu iya; mẹ ụnwunna iya. Ẹphe dụ iri l'ẹbo.
- 16 Kẹ tete daaru Matanaya; yẹle ụnwu iya; mẹ ụnwunna iya. Ẹphe dụ iri l'ẹbo.
- 17 K'iri daaru Shimeyi; yẹle ụnwu iya; mẹ ụnwunna iya. Ẹphe dụ iri l'ẹbo.
- 18 K'iri lẹ nanụ daaru Azarelu; yẹle ụnwu iya; mẹ ụnwunna iya. Ẹphe dụ iri l'ẹbo.
- 19 K'iri l'ẹbo daaru Hashabaya; yẹle ụnwu iya; mẹ ụnwunna iya. Ẹphe dụ iri l'ẹbo.
- 20 K'iri l'ẹto daaru Shubelu; yẹle ụnwu iya; mẹ ụnwunna iya. Ẹphe dụ iri l'ẹbo.
- 21 K'iri l'ẹno daaru Matitaya; yẹle ụnwu iya; mẹ ụnwunna iya. Ẹphe dụ iri l'ẹbo.
- 22 K'iri l'ise daaru Jieremotu; yẹle ụnwu iya; mẹ ụnwunna iya. Ẹphe dụ iri l'ẹbo.
- 23 K'iri l'ishii daaru Hananaya; yẹle ụnwu iya; mẹ ụnwunna iya. Ẹphe dụ iri l'ẹbo.
- 24 K'iri l'ẹsaa daaru Jioshubekasha; yẹle ụnwu iya; mẹ ụnwunna iya. Ẹphe dụ iri l'ẹbo.
- 25 K'iri l'ẹsato daaru Hanani; yẹle ụnwu iya; mẹ ụnwunna iya. Ẹphe dụ iri l'ẹbo.
- 26 K'iri lẹ tete bẹ daru Maloti; yẹle ụnwu iya; mẹ ụnwunna iya. Ẹphe dụ iri l'ẹbo.
- 27 K'ụkporo daaru Ẹliyata; yẹle ụnwu iya; mẹ ụnwunna iya. Ẹphe dụ iri l'ẹbo.

- 28 K'ụkporo lẹ nanụ daaru Hotiru; yẹle ụnwu iya; mẹ ụnwunna iya. Ẹphe dụ iri l'ẹbo.
- 29 K'ụkporo l'ẹbo bẹ daru Gidaliti; yẹle ụnwu iya; mẹ ụnwunna iya. Ẹphe dụ iri l'ẹbo.
- 30 K'ụkporo l'ẹto daaru Mahaziyotu; yẹle ụnwu iya; mẹ ụnwunna iya. Ẹphe dụ iri l'ẹbo.
- 31 K'ụkporo l'ẹno bẹ daru Romamiti-Eza; yẹle ụnwu iya; mẹ ụnwunna iya. Ẹphe dụ iri l'ẹbo.

## 26

### *Ndu nche* ọnu-abata eze-ụlo Chileke

<sup>1</sup> G'e gude keshia ndu eche ọnu-abata nche bẹ bụ:

Ndu shi l'eri Kora bụ Meshelemaya, bụ nwa Kore, bụ oshilọkpa Asafu. <sup>2</sup> Meshelemaya bẹ nwụshiru unwoke: Zekaraya bụ ọkpara iya; Jiediyẹlu bụru otsota; Zebadaya bụru onye k'ẹto; Jiatuniyẹlu bụru onye k'ẹno; <sup>3</sup> Elamu bụru onye k'ise; Jiehohananu bụru onye k'ishii; Eliyowenayi bụru onye k'ẹsaa.

<sup>4</sup> Óbẹdu-Edọmu nwụshikwarupho unwoke: Shemaya bụ ọkpara; Jiehozabadu bụru otsota; Jiowa bụru onye k'ẹto; Saka bụru onye k'ẹno; Netanẹlu bụru onye k'ise; <sup>5</sup> Amiyẹlu bụru onye k'ishii; Isaka bụru onye k'ẹsaa; Peyuletayi bụru onye k'ẹsato; noo kẹle Chileke gọru ọnu-oma nụ Óbẹdu-Edọmu. <sup>6</sup> Nwa Óbẹdu-Edọmu, bụ Shemaya bẹ nwụshikwarupho unwoke, bụgbaa ndu-ishi l'ẹnya-unuphu nna phẹ; kẹle ẹphe bụchaa ndu tsuru lẹ nwoke. <sup>7</sup> Ụnwu Shemaya bụ: Otuni; mẹ Refayẹlu; mẹ Óbẹdu; mẹ Ẹluzabadu. Ụnwunna phẹ, bụ Elihu; mẹ Semakaya bẹ bụkwapho ndu tsuru lẹ nwoke.

<sup>8</sup> Ndu ono g'ẹphe ha bẹ bụkota oshilọkpa Óbẹdu-Edọmu. Ẹphe l'ụnwu phẹ mẹ ụnwunna phẹ bụkota ndu

tsuru lẹ nwoke; nweru ike k'eje ozi ono. Ẹphe dọ ụkporo ẹto l'umadzu labo; mbụ oshilokpa Óbèdu-Edomu ono.

<sup>9</sup> Meshelemaya bẹ nweru unwu; nweru unwunna, tsugbaaru lẹ nwoke. Iri l'ẹsato bẹ ẹphe kpakota dọ.

<sup>10</sup> Hosa, bụ oshilokpa Merari bẹ nwushiru unwu. Shimiri bụ okpara. O tọ bọdu yẹbedua bụ okpara gẹdegedede; ọle nna iya wotaru iya mee okpara. <sup>11</sup> Hilikaya bụ otsota; Tebalaya bụru k'ẹto; Zekaraya bụru k'eno. Unwu Hosa g'ẹphe ha; mẹ unwunna iya bẹ tukurọ dọ iri l'ẹto.

<sup>12</sup> Ndu nche onu-abata ono bẹ e keshigbaaru lẹ gẹ ndu-ishi phẹ dọ. Ẹphe nwegbaaru ozi, ẹphe eje l'ulo Chipfu egube ono unwunna phẹ nweru ono. <sup>13</sup> Ẹphe tọa ido l'ẹnya-unuphu l'ẹnya-unuphu gude keshia onu-abata ono; mbụ onye upfu mẹ onye nta. <sup>14</sup> Ido, a turu lẹ k'onu-abata ophu nọ laaru ọzo ẹnyanwu-awawa bẹ daru Shelemaya. A bya atuaru nwa iya, bụ Zekaraya ido; o daaru iya; mbụ k'onu-abata ophu nọ l'ọzo isheli. Zekaraya bụ onye mgbazi, nweru egomunggo. <sup>15</sup> Óbèdu-Edomu bẹ nkiya daru l'onu-abata ophu nọ l'ọzo ndohali. O bụru unwu iya bẹ ido k'ulo, aakwakobeje iphe daru.

<sup>16</sup> Shupimu yele Hosa bẹ bụ ido k'onu-abata ophu nọ chebe ọzo ẹnyanwu-ariba bẹ daru phẹ nọ; yele oguzo Shaleketu, nọ l'aguga gbororo ọzo imeli. Nche ono bẹ a gbaru agbagba. <sup>17</sup> L'oguzo k'ọzo ẹnyanwu-awawa bẹ ndu Lívayi aduje ishii eche lẹ mboku. L'ọzo isheli bẹ ẹphe aduje ẹno lẹ mboku; bya aduje ẹno l'ọzo ndohali lẹ mboku; bya aduje ẹbo ẹbo l'ulo, aakwakobeje iphe.

<sup>18</sup> A bya l'oma-unuphu ono, ibiya ophu nọ chebe ọzo ẹnyanwu-ariba bẹ aaduje ẹno lẹ gbororo; dọ ẹbo eche oma-unuphu ono gẹdegedede.

<sup>19</sup> Noo g'e kekashiru ndu nche onu-abata ono bụ ono; mbụ oshilokpa Kora waa Merari.

1 Iphe, ndu eze meru 26:20 78 1 Iphe, ndu eze meru 26:29

Ụlo ẹku k'ụlo Chileke

<sup>20</sup> Ụlo ẹku k'ụlo Chileke bụ ndu Lívayi ibe phẹ bẹ ọ dū l'ẹka; mẹ ụlo ẹku k'ẹka aakwakọbeje iphe, e doberu nsọ. Onye bụ ishi phẹ bụru Ahayijia. <sup>21</sup> A bya l'eri Ladanu; mbụ oshilọkpa Geshonu ono, ndu ophu shi l'eri Ladanu; mbụ ndu bụgbaa ishi l'anya-unuphu Ladanu, bụ onye Geshonu bẹ bụ Jiehiyeli. <sup>22</sup> Jiehiyeli bụ nna Zetamu. Nwune Zetamu bụru Jiowelu. Oo phẹ bẹ ẹku k'ụlo Chipfu dū l'ẹka.

<sup>23</sup> A bya l'eri Amuramu; mẹ eri Izuha; mẹ eri Hẹburonu; mẹ eri Uzelu bụ: <sup>24</sup> Shebelu bẹ bụ onye-ishi ẹku k'eze-ulo Chileke ono. O bụ oshilọkpa Geshonu, bụ nwa Mosisu. <sup>25</sup> A bya l'unwunna iya, bụ eri Eliyéza: Eliyéza bụ nna Rehabaya; Rehabaya bụru nna Jieshaya; Jieshaya bụru nna Jióramu; Jióramu bụru nna Zikiri; Zikiri bụru nna Shelomotu. <sup>26</sup> O bụru Shelomotu yele unwunna iya bẹ ọ dū l'ẹka; mbụ ẹka ono, aakwakọbeje iphe, e doberu nsọ; mbụ iphe, eze, bụ Dévidi; mẹ ndu-ishi ẹnya-unuphu ibe nna phẹ; mẹ ndu-ishi unu ndu ojogu labo l'ụkporo iri; mẹ ndu-ishi ndu ojogu ụkporo ise; mẹ ndu-ishi ndu ojogu ozo doberu nsọ. <sup>27</sup> Iphe, ẹphe gwetarū l'ogu bẹ ẹphe harū dobe nsọ g'e gude mekwaa ụlo Chipfu ono. <sup>28</sup> Iphe, bụkpoo iphe, ẹphe doberu nsọ; mbụ Sámelu, bụ onye aphuje ophulenyā; waa Sọlu; nwa Kishi; waa Ábuna nwa Nẹru; wafua Jiowabu; nwa Zeruya; bẹ bụ Shelomotu; yele unwunna iya bẹ eletakota iya ẹnya.

*Ndu e yeru l'ishi*

<sup>29</sup> E shi l'eri Izuha tū Kenanaya; yele unwu iya ẹka g'ẹphe bụru ndu a-nodu eje ozi, abudu l'eze-ulo Chileke. A tūru phẹ ẹka g'ẹphe bụru ndu-ishi ozi waa ndu ogbo-ikpe kẹ Ízurelu.

1 Iphe, ndu eze meru 26:30 79 1 Iphe, ndu eze meru 27:3

<sup>30</sup> E shi l'eri Hẹburonu họta Hashabaya; yẹle ụnwunna iya g'ẹphe bụru ndu eleta ndu Ízurẹlu ẹnya; l'uzo ẹnyanwu-arịba ẹnnyimu Jíódanu lẹ k'iphe, bụkpoo ozi, e jeru Chipfu; mẹ ozi, eejeru eze. Ẹphe dụ ụnu unwoke ẹno l'ụkporo ise; bụkotaru ndu tsuru lẹ nwoke. <sup>31</sup> Ọ bụru Jieraya bẹ bụ onye-ishi l'eri Hẹburonu, bụ iya bụ g'e deru iya l'ẹkwo, e deshiru g'e shiru nwua phẹ l'ẹnyanunuphu phẹ. L'apha, kwe Dévidi ụkporo apha labo e -shi teke o beberu bya aburu eze; bẹ ọ gu-vuru l'ẹkwo l'o nweru ndu shi l'eri ono, bụ ndu tsuru lẹ nwoke, bu lẹ mkpukpu Jiaza l'alị Giladu. <sup>32</sup> Eze, bụ Dévidi bya ahota Jieraya yẹle ụnwunna iya g'ẹphe bụru ndu-ishi, eleta ipfu Rúbenu ẹnya; mẹ ipfu Gadu; mẹ nkeru-ẹbo ipfu Manáse; l'iphe, eeme l'uzo kẹ Chileke; mẹ iphe, eeme l'opfu ẹhu eze. Ẹphe dụ ụnu unwoke ishii l'ụkporo iri l'ise; bụkotaru ndu tsugbaaru lẹ nwoke; bya abucharu ndu-ishi l'ẹnyanunuphu ibe nna phẹ.

## 27

### *Ndu ojogu*

<sup>1</sup> Ọwaa bụ ẹpha ndu Ízurẹlu; mbụ ndu-ishi l'ẹnyanunuphu; mẹ ndu-ishi ụnu ndu ojogu labo l'ụkporo iri iri; mẹ ndu-ishi ndu ojogu ụkporo ise ise; mẹ ndu-ishi, bụ ndu ejeru eze ozi lẹ k'iphe, lakporu lẹ k'ibiya ophu e ketaru phẹ ye. Ọbujeru ndu ophu eje ejeje; ndu ophu alwa alwalwa l'ọnwa l'ọnwa jeye apha asugba ishi. A gbachaaru phẹ ụnu ụkporo ẹto ẹto.

<sup>2</sup> Onye-ishi ndu ojogu ivuzo; mbụ ndu k'ọnwa kẹ mbụ bẹ bụ Jiashobamu nwa Zabudẹlu. Ndu e keru yeru iya dụ ụnu ugbo ụkporo ẹto. <sup>3</sup> Jiashobeyamu bẹ shi l'eri Pérezu. Ọ bụru iya bụ onye-ishi ndu-ishi ojogu l'ọnwa k'ivuzo.

1 Iphe, ndu eze meru 27:4 80 1 Iphe, ndu eze meru 27:13

<sup>4</sup> Onye-ishi ndu ojogu k'ẹbo mbụ ndu k'onwa k'ẹbo bẹ bụ Dodayi, bụ onye shi l'eri Ahowa. Mikulotu bẹ yikwapho lẹ ndu-ishi. Ndu nkiya bẹ dukwapho unu ukporo ẹto.

<sup>5</sup> Onye-ishi ndu ojogu k'ẹto; mbụ ndu k'onwa k'ẹto bẹ bụ Benaya; nwa Jiehoyada, bụ onye uke Chileke. Ndu nkiya bẹ du unu ukporo ẹto. <sup>6</sup> Oo yẹbedua bụ Benaya ono, yi lẹ ndu ojogu ukporo l'iri pho; buru iya bụ onye-ishi ndu ojogu ukporo l'iri ono. Nwa iya, bụ Amizabadu bẹ bụ ishi lẹ ndu ojogu, e keru yeru iya ono.

<sup>7</sup> Onye-ishi ndu ojogu kẹ ẹno; mbụ ndu k'onwa k'ẹno bẹ bụ Asahelu, nwune Jiowabu. Nwa iya, bụ Zebadaya bẹ mecharu buru onye-ishi l'ozo iya. Ndu nkiya bẹ du unu ukporo ẹto.

<sup>8</sup> Onye-ishi ndu ojogu k'ise; mbụ ndu k'onwa k'ise bẹ bụ Shamuhutu, bu onye eri Izura. Ndibe nkiya bẹ du unu ukporo ẹto.

<sup>9</sup> Onye-ishi ndu ojogu k'ishii; mbụ ndu k'onwa k'ishii bẹ bụ Ira; nwa Ikeshi, bụ onye eri Tekowa. Ndibe nkiya bẹ du unu ukporo ẹto.

<sup>10</sup> Onye-ishi ndu ojogu kẹ ẹsaa; mbụ ndu k'onwa k'ẹsaa bẹ bụ Hẹlezu, bu onye shi l'eri Pelonu; mbụ onye ipfu Ifuremu. Ndibe nkiya bẹ du unu ukporo ẹto.

<sup>11</sup> Onye-ishi ndu ojogu k'ẹsato; mbụ ndu k'onwa k'ẹsato bẹ bụ Sibekayi, bụ onye eri Husha; mbụ onye shi l'eri Zera. Ndibe nkiya bẹ du unu ukporo ẹto.

<sup>12</sup> Onye-ishi ndu ojogu kẹ tete; mbụ ndu k'onwa kẹ tete bẹ bụ Abiyeza kẹ Anatotu; onye ipfu Benjiaminu. Ndibe nkiya bẹ du unu ukporo ẹto.

<sup>13</sup> Onye-ishi ndu ojogu k'iri; mbụ ndu k'onwa k'iri bẹ bụ Maharayi kẹ Netofa; onye shi l'eri Zera. Ndibe nkiya bẹ du unu ukporo ẹto.



1 Iphe, ndu eze meru 27:14 81 1 Iphe, ndu eze meru 27:21

<sup>14</sup> Onye-ishi ndu ojogu k'iri le nanu; mbu ndu k'onwa k'iri le nanu be bu Benaya ke Piratonu; onye okpa-ipfu Ifuremu. Ndibe nkiya be du unu ukporo eto.

<sup>15</sup> Onye-ishi ndu ojogu k'iri l'ebo; mbu ndu k'onwa k'iri l'ebo be bu Heludayi ke Netofa; onye shi l'eri Otuniyelu. Ndibe nkiya be du ukporo eto.

*Ndu bugbaa ndu-ishi*  
l'okpa-ipfu ndu Izurelu

<sup>16</sup> Ndu bugbaa ndu-ishi l'okpa-ipfu ndu Izurelu bu Owana:

Onye bu ishi l'okpa-ipfu Rubenu be bu Eliyeza nwa Zikiri.

Onye bu ishi l'okpa-ipfu Simiyonu buru Shefataya nwa Maka.

<sup>17</sup> Onye bu ishi l'okpa-ipfu Livayi be bu Hashabaya nwa Kemelu.

Onye bu ishi l'okpa-ipfu Eronu buru Zadoku.

<sup>18</sup> Onye bu ishi l'okpa-ipfu Jiuda be bu Elihu, bu nwune Devidi.

Onye bu ishi l'okpa-ipfu Isaka buru Omuri nwa Mayikelu.

<sup>19</sup> Onye bu ishi l'okpa-ipfu Zebulonu be bu Ishimaya nwa Obedaya.

Onye bu ishi l'okpa-ipfu Nafutali buru Jierimotu nwa Azuriyelu.

<sup>20</sup> Onye bu ishi l'okpa-ipfu Ifuremu bu Hosiya nwa Azazaya.

Onye bu ishi le nkeru-ebo okpa-ipfu Manase buru Jiowelu nwa Pedaya.

<sup>21</sup> Onye bu ishi ke nkeru-ebo okpa-ipfu Manase ophu bu l'ali Giladu be bu Ido nwa Zekaraya.

Onye bu onye-ishi l'okpa-ipfu Benjiaminu buru Jiasiyelu nwa Abuna.

1 Iphe, ndu eze meru 27:22 82 1 Iphe, ndu eze meru 27:29

<sup>22</sup> Onye bụ ishi l'ipfu Danu bẹ bụ Azarẹlu nwa Jierohamu.

Noo ndu-ishi l'Okpa-ipfu ndu Ízurẹlu bụ ono.

<sup>23</sup> Dévidi bẹ ta agụduru ndu ọp̄hu nọwaru ụkporo apha; Ọzoo ndu ọp̄hu teke erwudu iya nụ; kẹle Chipfu bẹ kweru ukwe lẹ ya e-me gẹ ndu Ízurẹlu habe igwerigwe gẹ kpokpode, nọ l'igwe. <sup>24</sup> Jiowabu; nwa Zeruya bẹ wataru agụ ọgu ono; ọp̄hu ọ tọ gụfuduru iya l'ishi. Ọ bụru k'ọgu, a gụru ono bẹ Chipfu gude tukoshi ndu Ízurẹlu oke ẹhu-eghu iya. Ọp̄hu e te deẹduru ọgu ono l'ẹkwo, e deshiru iphe, e meru lẹ teke Dévidi bụ eze.

### *Ndu-ishi ibe eze*

<sup>25</sup> Onye bụ ishi l'ụlo, eze akwakọbeje ẹku iya bẹ bụ Azumavetu; nwa Adiyẹlu. Onye bụ ishi ụlo, aakwakọbeje ẹku k'alị ono bụru Jionatanu; nwa Uzaya; mbụ ụlo ẹku, dū lẹ mkpụkpu lẹ mkpụkpu; mẹ lẹ mkpụkpu kẹ nshiji; mẹkpoo l'ụlo-eli l'ụlo-eli.

<sup>26</sup> Onye-ishi ndu eje ozi ẹgu, bụ iya bụ ndu akọ opfu bụru Ezuri; nwa Kelubu.

<sup>27</sup> Onye bụ ishi opfu-vayinu bẹ bụ Shimeyi kẹ mkpụkpu Rama.

Onye bụ ishi, k'emefuta mẹe l'opfu-vayinu; mẹ k'ẹka aakwakọbeje iya bụru Zabudi kẹ mkpụkpu Shifamu.

<sup>28</sup> Onye-ishi, k'oshi olivu; mẹ oshi sịkamo, nọ l'alị ọkpa úbvú, nọ l'uzo ẹnyanwu-arịba dū l'ẹka bẹ bụ Belu-Hanana kẹ mkpụkpu Geda.

Onye bụ ishi, l'ẹka eedobeje manụ bụru Jiowashi.

<sup>29</sup> Onye-ishi, eleta ẹnya l'ẹku, ata nri l'alị Sharonu bẹ bụ Shiturayi, bụ onye shi Sharonu.

Onye bụ ishi, eleta ẹnya l'ẹku ọp̄hu nọ lẹ nsuda nsuda bụru Shafatu; nwa Adulayi.

1 Iphe, ndu eze meru 27:30 83 1 Iphe, ndu eze meru 28:2

<sup>30</sup> Onye bụ ishi, eleta k'inya-kamelu be bụ Obilu, bụ oshilokpa Ishimelu.

Onye bụ ishi, eleta ke nkafu-igara buru Jiehudeya, bụ onye Meronotu.

<sup>31</sup> Onye bụ ishi, eleta k'eghu; me aturu be bụ Jiazizu, bụ oshilokpa Hega.

Ndu ono g'ephe ha be bukota ndu eleta iphe Dévidi enya.

<sup>32</sup> Nwune nna Dévidi, bụ Jionatanu be bụ onye mgbazi. O bụ onye enya erwuje ali; bya aburu onye edeje ekwo. Yele Jiehiyelu; nwa Hakumoni be bụ ndu eleta unwegirima eze enya. <sup>33</sup> Ahitofelu be bụ onye mgbazi eze. Hushayi, bụ oshilokpa Akụ be bụ eguru onya eze.

<sup>34</sup> Ahitofelu be bụ Jiehojada nwa Benaya; me Abyiyata be mecharu nochia enya iya.

O buru Jiowabu bụ onye-ishi ndu ojogu eze.

## 28

Okwa, Dévidi nmaru le g'ee-gude kpua ulo Chipfu

<sup>1</sup> No iya; Dévidi bya ekua ndu-ishi ndu Izurelu ndzuko le Jierusalemu. O kuru ndu-ishi l'ipfu l'ipfu; mekpoo ndu bụ ndu-ishi ndu ojogu ono shigba le g'e gude keshia phe iche iche, ejeru eze ozi ono; me ndu-ishi unu ndu ojogu labo l'ukporo iri iri; me ndu-ishi ndu ojogu ukporo ise ise; bya ekua ndu eleta iphe eze; yele k'unwegirima iya enya; me ndu-ishi, eleta eku eze me k'unwegirima iya enya; mekwapho ndu eleta ibe eze enya; me ndu okpehu du; mekpoo ndu maru enya k'ogu.

<sup>2</sup> Tobudu iya bu; eze, bu Dévidi gbalihu bya apfuru apfuru su: "Unwunna mu; me ndibe mu; unu ngaberu mu nchi. O shi du mu l'obu ge mu kpua ulo eka okpoko oghandzu Chipfu a-noduje; mbu okposhi, Chileke a-tukobeje okpa. Mu shi kwakobewaa k'akpu ulo ono.

1 Iphe, ndu eze meru 28:3 84 1 Iphe, ndu eze meru 28:10

<sup>3</sup> Oḽe Chileke bẹ sūru mu l'ọ tọ bụdu mu a-kpuru iya ụlo ono; keḽe mu bụ ojogu; mu gbuwa ndu dū igwerigwe.

<sup>4</sup> Obenu lẹ Chipfu, bụ Chileke ke Ízurẹlu bẹ hotaleru mu-a l'ọnulo nna mu l'ophu gẹ mu bụru eze ndu Ízurẹlu jasuwaroya. Ọo ya bẹ hataru ipfu Jiuda g'ọ bụru ishi; bya eshi l'ụlo ke Jiuda hōta ọnu-ụlo nna mu. A bya l'ụnwunna mu; ọ bụru mbẹdua bẹ dū iya ree g'o mee mu eze ndu Ízurẹlu g'ẹphe ha. <sup>5</sup> Ọ nūru mu ụnwegirima, dū igwerigwe. A bya l'ụnwu mu ono; ọ bụru nwa mu, bụ Sólomonu bẹ ọ hataru g'ọ nọdu l'aba-eze k'alị-eze Chipfu; bụru eze ndu Ízurẹlu.

<sup>6</sup> “Ọ sūru mu: ‘Ọo nwa ngu Sólomonu bẹ a-kpuru mu ụlo; mẹ ọma-unuphu mu; keḽe mu hōtawaru iya g'ọ bụru nwa mu; mbẹdua aburu nna iya. <sup>7</sup> Mu e-me g'alị-eze iya, nguru anguru jasuru asuru; mẹ ọ -buru-a l'oomeje ekemu mu; waa iphe, mu tọru ọkpa iya; ẹgube ono, oome iya nta ono.’

<sup>8</sup> “Nta bụ iphe, mu epfuru unu l'atatiḽu ndu Ízurẹlu l'ophu, bụ iya bụ edzudzu-ọha ke Chipfu; tẹme mu nọdu epfu iya gẹ Chipfu numa; bụkwa g'unu nwube ẹnya meje iphe, Chipfu turu l'ekemu; k'ophu unu e-nweru alị ọma-a; tẹme l'ọ nọdu nọ-doru ụnwegirima unu, bụ ndu ophu etso unu etsotso g'ọ bụru okiphe pẹ jeye lẹ tuutuutu lẹ m̄imiimii.

<sup>9</sup> “Gụbedua, bụ nwa mu Sólomonu; makwaru Chileke ke nna ngu. L'i gude obu ngu g'ọ ha; mẹ uche ngu g'ọ ha ejeru iya ozi; noo keḽe ọ bụ Chipfu enyochajẹ obu; tẹme iphe, nemadzu vu l'uche; mẹ ophu ọ riru l'oriri nọdu edokotaje iya ẹnya. I -chọo ya bẹ ịi-chotakwa iya. Oḽe ọ -buru l'ị gwọberu iya bẹ ọo-jikakwa ngu jasū lẹ tuutuutu lẹ m̄imiimii. <sup>10</sup> Kwabẹekwapho ẹnya nta; noo keḽe Chipfu hōtawaru ngu g'ị kpuru iya ụlo, a-buru ẹka-dụ-nsọ. Shihuẹkwapho ike jee ozi ono.”

1 Iphe, ndu eze meru 28:11 85 1 Iphe, ndu eze meru 28:18

<sup>11</sup> Tòbudu iya bụ; Dévidi woru ụgbugba nwụlo, aakpu dū-pfube l'ọnu eze-ulo ono woru nū nwa iya, bụ Sólomonu. Ọ nūkwá iya phọ ụgbugba g'ulo ono, adukota; mē ụgbugba mkpuru ẹka aa-kwakọbeje iphe l'ulo ono; mē k'ulo-eli iya; mē k'ulo ime iya; mē k'ẹka aa-nọduje pfua ụgwo iphe-ẹji. <sup>12</sup> Ọ byakwaphọ eworu g'ụgbugba ọma-unuphu ụlo Chipfu ono a-dū nū iya; mē kẹ mkpuru, a-gba iya mgburugburu; bya anū iya k'ulo ẹku k'ulo Chileke; mē ụlo ẹku, bụ ẹka aa-kwakọbeje iphe, e doberu nsọ. Iphemiphe ono bẹ ọ nūru ẹgube ọ dū iya l'uche g'a kpua ya. <sup>13</sup> Ọ bya epfua g'ee-gude keshia ndu-uke Chileke; mē ndu Lívayi; bya epfua k'ozi, eejekọta l'ulo Chipfu; mē k'ivu, ee-gude eje ozi l'ulo Chipfu ono. <sup>14</sup> Ọ bya egoshi ẹrwa mkpọla-ododo, a-suru eme ivu, eeme lẹ mkpọla-ododo; bya egoshi ẹrwa mkpọla-ọchaa, a-suru eme ivu, eeme lẹ mkpọla-ọchaa; mbụ ọphu ee-gude eje ozi, dū iche iche. <sup>15</sup> Ọ goshi ẹrwa mkpọla-ododo, ee-gude kpushia iphe, aapfubeje orọku, e meshiru lẹ mkpọla-ododo; mē k'orọku l'onwiya; mbụ g'ẹrwa iphe, aapfubeje orọku ono, a-hagbaa l'ẹhu l'ẹhu; mē k'orọku a-nọdu iya nū; bya egoshi ẹrwa mkpọla-ọchaa, ee-gude kpushia iphe, aapfubeje orọku, e meru lẹ mkpọla-ọchaa; mē k'orọku l'onwiya; mbụ ẹgube a-sukpoerupho iphe, aapfubeje orọku ono l'ẹhu l'ẹhu. <sup>16</sup> Ọ bya egoshi ẹrwa mkpọla-ododo, ee-gude kpushia teburu, eedobejeru Chileke buredi; mē ẹrwa mkpọla-ọchaa, ee-gude mee teburu mkpọla-ọchaa. <sup>17</sup> Ọ goshikwaphọ ẹrwa mkpọla-ododo, guru egugu, ee-gude mee oji; mē ọphu ee-gude mee gbamugbamū; mē okoro; bya egoshichaa ẹrwa mkpọla-ododo, e-gude meshia gbamugbamū mkpọla-ododo l'ẹhu l'ẹhu; goshi ẹrwa mkpọla-ọchaa ọphu a-suru emeshi gbamugbamū mkpọla-ọchaa. <sup>18</sup> Ọ bya egoshi ẹrwa

1 Iphe, ndu eze meru 28:19 86 1 Iphe, ndu eze meru 29:2

mkpọla-ododo, a huru l'ọku, a-suru eme ọru-ngweja ụnwù-isensu. O goshikwapho ụgbugba ụgbo-inya, ee-me lẹ mkpọla-ododo doberu chierobu ono, sashiru nkù asashi gude gbobuta okpoko oḡbandzu Chipfu ono.

<sup>19</sup> Dévidi sūru: “Iphe ono g'ọ hakọta bụ Chipfu bẹ goshiru mu iya nū; mu dee ya edede. Mbụ l'ọo ya meru; o doo mu ẹnya g'ọo-gbakọta ụgbugba.”

<sup>20</sup> Dévidi bya epfukwarupho nwa iya Sólomonu sū: “Shihukpọepho ike; gude ẹka l'obu jee ozi ono. Ta atsukwa ebvu; ọphu meji atofukwa ngu; noo kẹle Chipfu, bụ Chileke; mbụ Chileke kẹ mbẹdua bẹ swiru ngu eswiru. Ọ tọ byadu agbakuta ngu azu; ọphu ọ byadu aha ngu jasụ teke ozi, dukota l'ulo Chipfu ono a-bvukota.

<sup>21</sup> Ọgbo ndu-uke Chileke; mẹ kẹ ndu Lívayi bẹ nọwa anọno lẹ k'iphe, bukpo ozi, eeje l'ulo Chileke ono. Ndu unu l'ephe a-gbarụ mgba jee ozi ono; bẹ bụ ndu eme ọna l'iphe dugbaa iche iche, ephe bụru ndu-ozi ono evu evuvu. Nokwapho gẹ ndu-ishi; mẹ ndu Ízurẹlu l'ophu a-nọdu emekotakpo iphe, ị sūru g'ephe mee.”

## 29

*Iphe, a nuru g'e gude kpua eze-ulo Chileke*

<sup>1</sup> Tọbudu iya bụ; eze, bụ Dévidi bya epfuaru edzudzu-ọha ono l'ophu sū: “Sólomonu, bụ nwa mu ono, Chileke họtaru bẹ bukwa du nwatanshii, adudu iphe, ọ maru; tẹme ozi ono bụru ozi, parụ ẹka; kẹle eze-ulo ono bẹ ta abudu nemadzu bẹ aakpuru iya; ọo Chipfu, bụ Chileke bẹ aakpuru iya. <sup>2</sup> Mu dobewaru iphe, ee-gude mee k'eze-ulo Chileke mu ono g'ike beru mu. Mu doberu mkpọla-ododo, ee-gude mee iphe, eeme lẹ mkpọla-ododo; dobe mkpọla-ọchaa, ee-gude mee iphe, eeme lẹ mkpọla-ọchaa; dobe onyirubvu, ee-gude mee iphe, eeme l'onyirubvu; dobe mkpuru-igwè, ee-gude

1 Iphe, ndu eze meru 29:3 87 1 Iphe, ndu eze meru 29:8

mee iphe, eeme lẹ mkp̄urukpu-ígwè; mẹ oshi, ee-gude mee iphe, eeme l'oshi. Nokwapho gẹ mu k̄beru ikpoto mkpuma ónikùsù; mẹ mkpuma, ee-do edodo; mẹ mkpuma, aphugbaa kẹ ngerengere; mẹwaro mkpuma, dū iche iche, vugba oke aswa; mẹ mkpuma-egbe mabulu. <sup>3</sup> Ozo bụ lẹ-a; eshinu k'ulo Chileke mu ono dū mu l'obu shii bẹ mu anukwapho mkp̄ola-ododo; mẹ mkp̄ola-ochaa k'eka mu gẹdegede; mbụ anụ iya anughata ophu ka ophu mu shi kwak̄behawa g'e gude kp̄ua ụlo nsọ ono. <sup>4</sup> Mu anụ mkp̄ola-ododo, ẹrwa iya dū unu talentu ẹsaa l'ukporo talentu iri, bụ mkp̄ola-ododo, shi l'alị Ofi; mu n̄odu anukwapho mkp̄ola-ochaa, ẹrwa iya dū unu talentu iri l'ẹsaa l'ukporo talentu iri; g'e gude wukota l'eli igbulo ụlo ono. Mkp̄ola-ochaa ono bẹ a huru; o gbuchafu egbuchafu. <sup>5</sup> Mkp̄ola-ododo ono bẹ ee-gude mee iphe, eeme lẹ mkp̄ola-ododo; gude mkp̄ola-ochaa mee iphe, eeme lẹ mkp̄ola-ochaa; mẹ iphemiphe, ndu eme ọna emekota. ?Nta-e? ?Bụ onye bẹ oovu evuvu g'lo woru onwiya ye l'ejeru Chipfu ozi ono?"

<sup>6</sup> T̄obudu iya bụ; ndu-ishi l'anya-unuphu l'anya-unuphu; mẹ ndu-ishi l'ipfu l'ipfu; mẹ ndu-ishi unu ndu ojogu labo l'ukporo iri iri; mẹ ndu-ishi ndu ojogu ukporo ise ise; m̄kpoo ndu-ishi-ozì eze woru iphe nū ẹgube, oovu phẹ evuvu g'ẹphe nū. <sup>7</sup> Iphe, ẹphe n̄uru g'e gude mee k'ulo Chileke ono bụ: mkp̄ola-ododo, ẹrwa iya dū unu talentu iri l'ẹbo l'ukporo talentu iri; mẹ ukporo unu dariku l'unu ise; mẹ mkp̄ola-ochaa, ẹrwa iya dū ukporo unu talentu l'unu talentu ise; mẹ onyirubvu, ẹrwa iya dū ukporo unu talentu ugbo labo l'unu talentu ise; mẹ iphe-ígwè, ẹrwa iya dū ukporo unu talentu iri l'ẹbo l'unu talentu iri. <sup>8</sup> Iphe, b̄kpoo onye nweru mkpuma, vu oke aswa bẹ n̄uru iya g'e dobe l'ulo ẹku eze-ulo Chipfu ono. O b̄ru Jiehiyelu, bụ onye Geshonu

1 Iphe, ndu eze meru 29:9 88 1 Iphe, ndu eze meru 29:17

bẹ eleta iya ẹnya. <sup>9</sup> Ọo ya bụ; ndu Ízurẹlu tekọta ẹswa; kele ndu ono bẹ o vuru evuvu g'ẹphe nụ iphe ono; mbụ l'ẹphe gude obu phẹ g'ọ ha nụ Chipfu iphe ono. Eze, bụ Dévidi tekwaaphọ ẹswa shii.

### *Dévidi epfu anụ Chileke*

<sup>10</sup> Tọbudu iya bụ; Dévidi wata aja Chipfu ajaja l'iphu edzudzu-ọha ono asụje: “G'ajaja bụru nkengu; gụbe Chipfu, bụ Chileke kẹ nna anyi, bụ Ízurẹlu; shita l'ojejeje jasụ l'ojejeje. <sup>11</sup> Gụbe Chipfu bẹ parụ ẹka apaa; tẹme ike; mẹ ùbvù; mẹ ọdu-biribiri bụkotaru nkengu. Iphemiphe, nọ l'igwe; mẹ ọphu nọ l'eliphe bẹ bụkota nkengu. Ọo ngu bụ eze; gụbe Chipfu; ọ bụru ngu bụ ishi iphemiphe. <sup>12</sup> Ẹku yẹle ọkwabe ùbvù bụ ngu bẹ o shikọta l'ẹka. Ọ bụru ngu bụ ishi iphemiphe. Ọo ngu bẹ ike yẹle ọkphehu kwarụ l'ẹka. Eme nemadzu g'ọ bụru oke amadụ; bụru onye ike dụ bẹ bụ ngu bẹ ọ dụ l'ẹka. <sup>13</sup> Nta-a bẹ anyi ekele ngu ekele; gụbe Chileke anyi; anyi nọdu aja ẹpha ngu ono, dụ akpabiri ono ajaja.

<sup>14</sup> “Ọle ọ bụ; ?bụ onye bẹ mu bụ? Tọo ?bụ gụnu bẹ ndibe mu bụ; kẹ g'o vu anyi evuvu g'anyi dụ ike nụ iphe ẹgube-a? Ọo ngu bẹ iphemiphe shikọta l'ẹka; ọ bụru iphe, shi ngu l'ẹka bẹ anyi wotaru bya anụ ngu ono.

<sup>15</sup> L'ataphu ngu bẹ anyi bụ ndu mbyambya; bụru ndu nọ l'ije; ẹgube ono, nna anyi phẹ shi bụru iya. Ndụ, anyi nọ l'eliphe-a bẹ agba phuruphuru g'ononyo; kele ọ tọo nọdu jasuru asuru. <sup>16</sup> Gụbe Chipfu, bụ Chileke anyi; ikpoto iphe ọwana, anyi wofutarụ g'e gude kpọaru ngu ụlo, bụ k'ẹpha ngu, dụ nsọ ono bẹ bụkwa l'ẹka ngu bẹ o shi bya; tẹme g'ọ ha bụkotaru ngu nwe iya. <sup>17</sup> Chileke mu; mu maru l'iidaleje obu; ọ bụru obu, guru iphóró aduje ngu ree. Ọ bụru obu, guru iphóró bẹ mu gude nụkota ngu iphe-a g'ọ ha ẹgube oovu mu evuvu. Nta-a



1 Iphe, ndu eze meru 29:18 89 1 Iphe, ndu eze meru 29:25

bẹ mu hụmawaru ndibe mu, bụ ndu ọp̄hu n̄ọ l'ẹka-a g'ọ vu phẹ evuvu; ẹp̄he gude ẹhu-ụtsọ anụ ngu iphe. <sup>18</sup> Jiko Chipfu, bụ Chileke kẹ nna anyi phẹ, bụ Ẹbirihamu; mẹ Áyizaku; mẹ Ízurẹlu; mekwaa g'ẹgube ọriri ono dụ l'obu ndibe ngu jasuru asuru; l'i mee g'obu phẹ dụ l'ẹka ị nọ. <sup>19</sup> Mee gẹ nwa mu, bụ Sólomọnu gude obu iya g'ọ ha meje ekemu ngu; mẹ iphe, ị s̄uru g'e meje; mẹ iphe, ị t̄oru ọkpa iya; mbụ g'ọ mekọtaje iphemiphe ono g'ọ ha; l'ọ kp̄ua eze-ulo ono, mu dobewaru iphe, ee-gude kp̄ua ya ono.”

<sup>20</sup> No iya; Dévidi bya asụ edzudzu-ọha ono: “Unu jaa Chipfu, bụ Chileke unu ajaja.” Edzudzu-ọha ono t̄uko jaa Chipfu, bụ Chileke kẹ nna phẹ ajaja. Ẹp̄he bya ephozeta; baarụ Chipfu ẹja; bya ephozeru eze.

#### *Eeme Sólomọnu eze*

<sup>21</sup> O be lẹ nchitabọhu iya; ẹp̄he gweeru Chipfu ngwẹja. Ẹp̄he gburu oke-eswi, dụ ụnu labọ l'ụkporo iri; gbua ebili, dụ ụnu labọ l'ụkporo iri; mẹ ụnuwu aturu, dụ ụnu labọ l'ụkporo iri; gude gweeru Chipfu ngwẹja-akpọ-ọku; yele ngwẹja-mẹe, ayijegbaaru iya nụ. Ẹp̄he gwee ikpoto ngwẹja mmanụ ọzo l'iswi ẹhu ndu Ízurẹlu. <sup>22</sup> Ẹp̄he gude oke ẹhu-ụtsọ ria; nḡua l'ip̄hu Chipfu mbọku ono.

Ẹp̄he bya emee Sólomọnu, bụ nwa Dévidi eze k'ugbo labọ. Ẹp̄he n̄odu l'ip̄hu Chipfu w̄ua ya manụ l'ishi g'ọ b̄uru onye-ishi phẹ; Zadọku b̄uru onye uke Chileke. <sup>23</sup> Ọo ya b̄u; Sólomọnu n̄odu l'aba-eze, Chipfu doberu; b̄uru eze n̄ochia ẹn̄ya nna iya, b̄u Dévidi. Ip̄he n̄odu ejehuru iya; ndu Ízurẹlu l'ophu n̄odu emeje ip̄he, ọ s̄uru g'e mee. <sup>24</sup> Ip̄he, b̄u ndu-ishi; m̄e ndu ojogu; mekpoo ụnuwu Dévidi, g'ẹp̄he ha; t̄ukotaru ike yeru eze, b̄u Sólomọnu. <sup>25</sup> Chipfu mee Sólomọnu b̄uru oke amadụ l'ẹn̄ya ndu Ízurẹlu l'ophu; bya eworu ọdu-biribiri k'on̄ye eze ye iya

1 Iphe, ndu eze meru 29:26 90 1 Iphe, ndu eze meru 29:30

l'ẹhu; mbụ ụdu iya ọp̄hu ta ad̄udu onye eze, vu iya ụzo nwejeru iya n̄ụ.

*Anw̄uhu Dévidi*

*(1Ndu 2:10-12)*

<sup>26</sup> Noo gẹ Dévidi nwa Jiesi gude n̄o l'aba-eze ndu Ízur̄elu. <sup>27</sup> Iphe, Dévidi n̄oru l'aba-eze lẹ Ízur̄elu bụ ụkporo apha lab̄o. Ọ bụ eze n̄o apha ẹsaa lẹ Hẹburonu; bya ab̄uru eze lẹ Jierúsalem̄u ụkporo apha l'apha iri l'ẹto. <sup>28</sup> Ọ nw̄uhuru teke ọ kah̄waru ọkpobe akah̄u. Ọ n̄oru apha, d̄u igwerigwe; b̄uru onye nweru ẹku; ria ùbv̄ù. Nwa iya, b̄u Sólom̄onu bya ab̄uru eze n̄ochia ẹnya iya. <sup>29</sup> Iphemiphe, eze Dévidi megbab̄eru; e -shi l'ishi jas̄u l'ẹka o jeberu bẹ e dek̄otar̄u l'ẹkwo, ẹphe desh̄iru iphe, meru n̄ụ; mbụ Sám̄elu, b̄u onye aph̄uje ọphulenȳa; m̄ẹ Nétanu, b̄u onye mpfuch̄iru Chileke; m̄ẹ Gadu, b̄u onye aph̄uje ọphulenȳa. <sup>30</sup> E dek̄otar̄u iphemiphe o mek̄otar̄u teke ọ bụ eze m̄ẹkpoo ẹhuka ẹhuka o megbab̄eru m̄ẹ iphemiphe dapfutagbar̄u iya n̄ụ; m̄ẹ ọp̄hu dapfutar̄u ndu Ízur̄elu; m̄ẹwaru iphe, dapfutar̄u al̄i-eze ono l'ophu.

Bayıburu Izii  
Izii: Bayıburu Izii Bible

copyright © 2014 Wycliffe Bible Translators, Inc.

Language: (Izii)

Contributor: Wycliffe Bible Translators, Inc.

All rights reserved.

2020-11-18

---

PDF generated using Haiola and XeLaTeX on 30 Dec 2021 from source files dated 30 Dec 2021

c6885c7c-c550-5b8b-a4fe-4bd714af4f6d